





Digitized by the Internet Archive  
in 2017 with funding from  
Getty Research Institute

<https://archive.org/details/speculumsapienti00vall>

SPECVLVM  
SAPIENTIAE  
MATRONALIS.

EX  
VITA SANCTÆ FRANCISCÆ  
ROMANÆ FVNDATRICIS SORORVM  
TVRRIS SPECVLORVM.

PANEGYRICVS.

*Authore* ANDREA VALLADERIO,  
A SANCTO PAVLO Foresiensi, Sacra Theo-  
logia Doctore, Protonotario Apostolico, Regis  
Consiliario, Elecmosynario, & Concionatore  
ordinario Christianissimæ eiusdem  
Maiestatis.

AD SANCTISSIMVM DOMINVM NOSTRVM  
PAVLVM V. PONT. MAX. Qui  
Beatam nuper solenni ritu consecrauit, Anno  
salutari CIO. DC. VIII. Ad IV. Kal. Iunias.  
Pontificatus sui Ann. IV.

*Fecit & labrum aeneum cum basi sua, de speculis mulierum,  
quæ excubabant in ostio tabernaculi. Exod. xxxviii.*



PARISIIS.

Apud IOANNEM RICHER, via Diui Ioannis  
Lateranensis, sub Arbore virescenti.

CIO DC. IX.

Cum Privilegio Regis.

ENTREPRENEUR

# ALTERNATIVE

COMMON FACTS AND FIGURES

5. *Staphylococcus aureus* (Staph. aureus)

STREET





# BEATISSIMO AC

SANCTISSIMO DOMINO NOSTRO.

PAVLO V. Pont. Max.



*BEATISSIME PATER,*

Vidi te Domine quasi  
Angelum Dei, & con-  
turbatum est cor meum  
præ timore gloriæ tuæ:  
valde enim mirabilis es,  
Domine, & facies tua  
plena est gratiarum. *Quidni mihi licebit non  
minus attonito illa præfari, quæ multo minori splen-  
dore perculsa Regina Hester per inusitatæ admiratio-  
nis veluti ecstasim exclamavit? quàm enim illa me  
tanta gloria perculit, tam ista me diuina clementiæ  
recreauit: illa percelluit; hæc subleuauit; illi in horrores,  
inde amores, ancipiti lucta, animum mihi in diuersa  
raptatum distraxerunt. Illi diuinæ radij Majestatis,*

Tyara vibrante, diffusi alio rem humano fastigio ho-  
 minem, inter homines, Pontificio iubare intermican-  
 tem præbuerunt. Illa infinita comitas, supra id omne,  
 quod credi, aut esse potest, Apostolica, pendente ex  
 recenti iactatione fiduciam erexit. Quid dicam? quid  
 faciam? Beatiss Pater, pro innumeris in immeritum  
 collatis gratijs, nisi vel taceam obliuiosus, vel elo-  
 quar indisertus, vel iactem gloriosus, vel obstupeſcam  
 attonitus, vel, quod in promptu demum est magis, fe-  
 ram consepultas ingratus? Imò quantum potero sanè  
 & latere, & pectore, & calamo contendam, ut orbis  
 terrarum Christianus intonet vniuersus, illa benigni-  
 tate, omnium nationum vocibus, reuerberante. Ille  
 ego sum multum exercitus, atque iactatus, horribilè  
 Subsolano cautes, & breuia, & monstra crispante, de-  
 latus in alteram Vlyſſeam Ogygiam, ubi ex iacta-  
 tione, nouæ immortalitatis portum inueni. Iam vota  
 persoluo, postquam, malacia subridente, puluinarium  
 tenui, spumas undantes elisas sub pedibus fregi, flatus  
 meis utribus facile conclusos coërcui, iamque à tergo  
 salum conspicio, gestioque; ut discat aliquando tempe-  
 ſtas me non inconsulio contingere, nisi cum prospera-  
 tam, & coronatum volet. Immugijs illo turbine, pror-



*sus immaniter, pro minimo homine, sed non ignoto  
 quàm late Gallia nostra distenditur. Ego iam thea-  
 tris argumenta præstabam, an Comica ad sannas, an,  
 Tragica ad clamores, & ad lacrymas: illa hostibus,  
 ista amicis. Illi ludebant, isti lugebant; illi non tam  
 mei, quàm fidei hostes, oppressum, absorptum in fundo  
 credebant, volebant; isti depressum ad tempus, non  
 oppressum ominabantur: illi funesta omnia, & tetra,  
 & sanguinaria spirabant; isti mitiora, & prospera,  
 & quæ modo sunt, sperabant. Ne! simul omnia illa  
 inauspicata, reuulso sipario, Ioue tonante, in leuem re-  
 uoluta flatum subito diffluxerunt. Gratias, superi!  
 grates, Beatiss Pater, immensas: inde mihi quadam  
 diuina Calypso, pro Harpyis emerfit: malaciam pro  
 malicia, gloriam pro glarea, sortem pro syrte, fructus-  
 que pro fluctibus faneratus, per nutantes Symplega-  
 das, impulsu retrogado, ad vellus amabile proiectus  
 in tutum, ex arenis emersus aras teneo.*

*Saxa vocant Itali, mediisque in flucti-  
 bus aras:*

*Ego Petri petram fundatricem Ecclesia Christiana  
 potius ad meum gustum interpretor. Italiam, Italiã &c.  
 proxima hyeme, fera, immemorabili, prodigiosa, in-*

uitis niuib<sup>us</sup>, hominib<sup>us</sup>q<sup>ue</sup>, glacies perrupi, niues trāf-  
 misi, Alpes trāscendi, Apēninū vici, Latium excur-  
 ri, Romam appuli, Vaticanum tenui, tribunal Apo-  
 stolicum applicui, suæ Sanctitati suppliciter obuolutus  
 gratiam, qua non egebam, deprecatus; ius, quod me-  
 rebar, comprecatus, utrumque, tum quod nolebam,  
 tum quod poscebam sum consequutus. Primum ad  
 meam causam ( quis credat adeo diuinam clemen-  
 tiam inter mortales diuersari? ) illa tanta Maestas  
 sese ipsa dimisit: me diū ad ipsius pedes perorantem be-  
 nignissimè audiit: libellum meum ipsamet, per sese  
 singulari admodum priuilegio, accepit, perlegit, desti-  
 nauit: iudicem ipsa se esse voluit: disceptatorem, cog-  
 nitoremq<sup>ue</sup>, ex sacro purpuratorum numero, eum maxi-  
 mè sua diuina manu RESCRIPTIT, quem inte-  
 gerrimum priscæ sanctitatis exemplar, viuum, ac-  
 spirans simulacrum equitatis, & totius Religionis  
 omnes agnoscunt, Illustr. Cardinalem de Giury, qui  
 negotio penitus pertentato, disceptatōque, ad suam  
 Sanctitatem exactè, & sanctè retulit. Ipsa, cognita  
 causa, Sacro ore pronūciauit, consciuitq<sup>ue</sup>: primum,  
 uti mihi rite authentica tabula expedirentur, qui-  
 bus in plenum omnis vitæ superioris, & votorum



omnium quacunque obligatione exsolutus, & liber  
 impoſterum ſedatius, tutiusque viuerem: tum quibus  
 mea integritati, ſinceritatiq<sup>ue</sup>, ita penitus cautum eſſet,  
 publico testimonio, ut nulla noui diuortij alia cauſa  
 penitus, niſi honeſtiſſima, atque in ſumma, quod  
 mihi ita commodum foret, redderetur.

Deinde ( quoniam, nulla mea culpa, imo ne cogitanti  
 quidem mihi omnia cōtigiffent ) ita me beatū voluit,  
 ut alia mihi omnibus his lōgè maiora, ſed non paſſim  
 peruulganda contulerit, quæ, ne recrudescat inuidia,  
 præmitto; quibus nihil aliud voluiſſe, aut effeciſſe  
 videtur ſua Sanctitas, niſi ut, præter parietes, totus  
 Societatis eſſem, totaque Societas mea, quam ita ex  
 animo colueram, ut niſi Sanctiſſimum, ſecundum  
 Deum, aliſſimūque conſilium aliud mihi conſu-  
 luiſſet, idēq<sup>ue</sup> conſiliū fuiſſet maiorum ampliſſimorū  
 Cardinalium, aliorūq<sup>ue</sup> omni ex ordine grauiſſi-  
 morum inclyta viris, ſine cōrouerſia, hominum, tū  
 exquisita doctrina, tū celebri vita probitate inſigniū,  
 mihi ſtatutum, & certum eſſet, pactum ſemel vita  
 genus nūquam abrumperē, atque ad extremum  
 vitæ ſpiritum ( quod mihi expeditum, ac liberum in-  
 tegra adhuc, & aperta omnia faciebant ) in pri-

mo vestigio sistere: de quo testem inuoco cordium scruta-  
 torem Deum, nullam mihi tum aliam mentem  
 fuisse; Quanquam alibi, aequè bene, aequè tuto, aequè  
 fructuosè, me Deo posse, eiùsque Ecclesia inservire nec  
 dubitabam, nec ignorabam, imò recenti experientia  
 sentiebam. Quanquam, ut illa maxima Societatis  
 privilegia mihi concessa silentio obuoluā, pro cumulo  
 certè celebre illud, & illustre Sanctissima Inquisitio-  
 nis, & beneficium, & testimonium omnem inuidiam  
 iugulare, omnémq; calumniam obruere potest, quo,  
 sua Sanctitate presente, sedente, decernente, maxi-  
 mi, & grauissimi Cardinales, ex sua Sanctitatis  
 sententia, mihi eximias facultates libros quoslibet  
 prohibitos tractandi, legendique, Hereticos transfu-  
 gas, ceterosque eius generis criminum Reos absoluen-  
 di, Ecclesieque Catholica, reconciliata fide, restituendi,  
 concesserunt: diploma solenne super ea re etiam am-  
 plum, & graue ipsorum Cardinalium manu sub-  
 scriptum, & publico Sacrae Inquisitionis sigillo obsi-  
 gnatum expedierunt, ut ad strenuè decertandum in  
 isto Catholico stadio, duplicatis praesidijs, me armarèt,  
 ubi sine cuiusquam offendiculo, imò claro nostra na-  
 tionis applausu, Dei beneficio, haëtenus pro sedis  
 Apostolicae,



*Apostolica, fideique Catholica gloria, atque propagatione, tot annos dimicasset, pro qua, vel cum extremo periculo capitis, adusque extremam vitæ metam, siue per infamiam, siue per bonam famam, stat mihi iniuncto semper, infractoque animo, Christo Domino Agonotheta, summo Pontifice Antesignano, contendere. Illa mei iuris; hæc Summi fauoris quæ dicam fuerunt. Afflictum, & iniquè vexatum illa diuina, amula Clementia SVB SVÆ SACRÆ TVTELLÆ, SANCTÆ QVÆ SEDIS APOSTOLICÆ PATROCINIO in perpetuum suscepit; primo adspectu; sua sponte; me neque flagitante, neque tam ingens beneficium aut sperante, aut expectante. Quid hoc homini afflicto dulcius? quid sanè tractato optatius? quid ignoto, nulloque favore, nisi impenetrabilis innocentia, armato honorificentius accidere potuit, aut opportunius? Quid quod in eo illa admiranda benignitas sistere non potuit, verum, quo me iacentem non modo opportunè erigeret, sed etiam gloriose extolleret, pro coniurata infamia, me non obscura gloria exornauit? in sacrum, ac nobile Protonotariorum Apostolicorum Collegium gratis mera beneuolentia cooptauit? Planè diuino consilio sua Sancti-*



*Et as gubernatur: nam illa benefacta, quæ me unum  
 spectabant, multo latius equidem diffunduntur:  
 Liceat enim mihi, Beatiss. Pater, hanc vocem veri-  
 tati dare; alij magno numero vel calumnijs oppressi,  
 vel alijs vexationibus impetiti, qui aliàs aut despe-  
 ratione precipites acti se in hostium baratrum deuol-  
 uebāt, aut iniuria se prefocari, tum ingenti Eccle-  
 siastici ordinis dedecore, tum maximo Hereticorum  
 risu plausūque sinebant (immemores puellam viola-  
 tā, quæ non clamauiſſet in urbe lapidationi obnoxiam  
 fuiſſe) aut hominum favore perterriti extraria tribu-  
 nalia experiri, quàm totius æquitatis fontem adire  
 malebant, meo exemplo, & ſua Sanctitatis clemen-  
 tia inuitati ad communem parentem confugere,  
 paternaq; illius, quam ego ſenſi, charitatis complexus  
 adire nihil verebuntur imposterum. Nihil dico Re-  
 gem Chriſtianiſſimum Henricum I V. eius benigni-  
 tatis præiudicato exēplo, ſuaque mirabilis humani-  
 tatis inſtinctu permotum, me pari clementia com-  
 plexum eſſe, mæroris penitus abſterſiſſe reliquias,  
 me homuncionem ſummis honoribus, ac beneficijs  
 ſuis ornaſſe, meque imprimis eo beatum feciſſe, ut  
 maximo, optimoque Regū, domeſtico, Eleemoſinarij,*

Et Concionatoris obsequio, deferuirem, quod ego fortunatum obsequium Aristoteleo genio, etiam cum Alexandro Magno praesuit, infinitis paribus antepono. Quae tot, tanta, tam graua incitamenta me Romae in ingratisimo otio versantem impulerunt, uti interim auderem ansam, quae prima iusta sese daret, arripere, ut quam me suae Sanctitati deuinctum sentirem, tum illi, tum posteritati testatum relinquerem. Per illos dies Sanctam Franciscam, admirabili fauore numinis, felicissimo successu, ingenti, ac planè regio apparatu, Sanctis adconsuit. Hic ego testis oculatus existimaui reliquum mensem, quem inde Romae egi, posse fructuosè occupari; opus absolui, Romano praelo dare volui, nisi negotia mea Trāsalpina profectiōem meam quanquam incommodissima, atque ardentissima anni tempestate, maturarent; ut quamprimum Protonotarij Apostolici sacram, Et peruectam dignitatem me Pontificia liberalitate non frustra consequutum ostenderem; Et simul eius unū antiquissimum munus exoluerem, quod Protonotariorum olim apud maiores nostros praecipuum fuit, notare, atq; describere illustria facta Sanctōrū. De quibus omnibus, quae haecenus à me commemorata

*sunt, locupletem, & certum, quem supra memoravi,  
 Cardinalem de Giury testem habeo, aurea fama, in-  
 corrupta fidei, inuiolata conscientia, integra, & im-  
 penetrabilis religionis. Accipe igitur, Beatissime  
 Pater, aeternum addicti, deuotiq; ingenij pri-  
 mulum pignus maiora, & grauiora, & opera  
 magis ardua, ad sancta Sedis Apostolica obsequium  
 interim parantis: maxima merces mihi operis erit,  
 primum si me sub sua sanctaq; Sedis tutela, qua me  
 ultro suscepit, & beneuolentia, contra calumniam,  
 meumque hunc Panegyricum sibi dicatum, contra  
 inuidiam, semper imposterum tueri, ac fouere digne-  
 tur: tum si omnes intelligent, quam sua Sanctitati  
 uis obstrictus: deinde si audient quem exitum mea  
 Romana profectio multis obscura, plerisque dubia,  
 nonnullis suspecta, alijs molesta tandem habuerit:  
 denique si perdidicerint, quam solemne, atque authen-  
 ticum, quam serium & graue, quam equum, &  
 pacatum, quam iustum, & honorificum Societati  
 in perpetuum vale dixerim, in amplissimo orbis  
 theatro, ad tribunal Apostolicum, in oculis Pontifi-  
 cis Maximi, ad sacrosancta Vaticani adyta: quan-  
 quam sane illa distractio magis corporum fuerit,*



AD PAVLVM V. PONT. MAX.

*quàm mentium, & parietum potiùs, quàm voluntatum. Quod superest, Deum Optimum Max. quoad vita spirabo mea, obsecro, ut suam Sanctitatem tantoperè orbi Christiano necessariam, amabilem, & opportunam, per diu nobis conseruet beatam, incolumem, florentemque; nostræ verò tenuitatis aliquando, saltem semel in vita, memorem.*

Suæ Sanctitatis Humillimus, addictissimus,  
atque in perpetuum deuinctissimus famulus,

ANDREAS VALLADERIVS.





ILLVSTRISSIMO DOMINO,

DOMINO ANNÆ DESCARS

CARDINALI DE GIVRY, DOMINO  
suo perpetuū colendo.

ANDREAS VALLADERIVS S.  
ET FOELICITATEM.



*Quis nouit utrum idcirco ad regnum veneris,  
ut in tali tempore parareris? Planè Benedi-* Hester. 4.

*ctina familia omnium Religiosorum or-  
dinum Regina, ac parens, Cardinalis Illu-  
strissime, vndique lacescita vel ad istius tuæ purpuræ  
gremiū, inde solatium haustura, cōfugit, vel ad illius  
summæ authoritatis, atque amplitudinis dexteram,  
sin minus inde opem, saltem commiserationem, &  
gratiam aliquam reportatura, se recipit. Ecce, nouam  
tibi Sanctitatis Christianæ propaginem, nouam suæ  
æternæ fœcunditatis sobolem B. Franciscam pro Ad-  
uocata, eius suspiria pro vocibus, suas lachrymas pro  
sepia, intimum pectus tuum pro membrana immit-  
tit. Hei mihi! ille florentissimus Ordo, qui nobis qua-  
lem habemus Ecclesiæ securitatem, Majestatemque  
vel peperit, vel conseruauit, vel propagauit; qui infi-*

nitam cælo prolem, qui innumeros Ecclesiæ Christianæ religiosos surculos edidit, iam, viperinum penè in morem, à suis miserè fœtibus laceratur! quæ suo sanguine, & sudore, in media barbarorum, & tyrannorum rabie, tanto ex tempore, parauit, diripere, decoquere, sorbere profani, sacræque certatim, quasi ad viscerationem famelici, inhiâtésque non desinunt. At satius fuerat quæ deuorarent suo Marte quærere; satius sese suo, quàm alieno saginare; satius venerabilem decrepitæ parentis canitiem suspicere, quàm in illius adhuc insēpultæ scrinia, hæreditatémque domesticam inuolare. Sed nihil horum in mentem venire cupidis potest; dedecorent, depauperent, licitentur; nihil saluum in instituto monastico, nihil intactum, aut tutum in latifundijs, nihil sanctum, aut integrum in domicilijs relinquant, nihil tum, crescant, habeant, locupletentur modo. Certè quidem vetusta nobilium ædificiorum rudera, quanquam vetustate labantia, veneramur: priscas icones squalore, sitúque marcentes, ex illustrissimorū virorum insculpta memoria, magno pretio habemus. Heroū aliquando nobilium liberos, nepotes, pronepotes, abnepotes, posteritatem vniuersam obseruamus; tametsi eius gloriæ propagatores interijisse, posteros verò etiam in noxas abiisse videmus. Quid dulcissimas Sanctorum exuias, sacræque spolia tumulis inclusa marmoreis, quàm piè, quàm sanctè suspicimus, colimus, adseruamus? Iam verò quas tot seculis, tot tyrannis obluētantibus, familiæ Benedictinæ reliquias exstare conspiciamus,



conspicimus, quis nisi amator sui, alieniue raptor in  
dubium trahat, nobilissima esse gloriosissimi ordinis  
veluti rudera inuictissimorum heroium viua adhuc, &  
spirantia simulacra, iucundissima innumerabilium  
Sanctorum pignora, diuinasque reliquias fundatissi-  
mæ, atque antiquissimæ sanctitatis? imò quotquot  
hodie diuina prouidentia, ad Christianæ Reipublicæ  
ornamentum, ebulliunt noui ordines, aut à mille  
plusquam, & ducentis retro annis ebullierunt, guttulæ  
modò sunt perexiguæ, aut fonticuli ad summum, qui  
ex illo ingenti Oceano defluerunt. Nihil temerè,  
nihil inscianter, nihil nisi certis, summisque authori-  
bus, dicam. Septem amplissimi, vt de minusculis alijs  
taceam, adstrictioris vitæ ordines notæ antiquæ,  
totidémque alij sacrorum Equitum ex illa veluti pe-  
renni scatebra emanarunt. Illi notissimi: Camaldulen-  
sis, vallis vmbrosæ, Cisterciensis, Montis Virginis, Cœ-  
lestinorum, & Montis Oliueti, cuius postremi sub  
disciplina, mulierum cœtus è turri speculorum à B.  
Francisca fundatus, meretur: atque Sanctis omnes illi  
Ordines institutoribus propagati sunt, Romualdo,  
Gualberto, Roberto, Guillelmo, Petro Moronio, &  
Bernardo Tolomæo. Equestres etiam celeberrimi:  
Auisensis Alfonso Lusitano Rege parente, cruce ru-  
bra: Alcantarensis, viridi, Gomerio Fernando autho-  
re: Mercedis, candida, Iacobo Rege Aragonum insti-  
tutore: Montesiensis, rubra, Guillelmo Eiliorro  
Principe: Iesu Christi, item rubra, Dionysio Rege  
Lusitanæ fundatore: S. Stephani, candida veste, sub

tegmine rubro, Colino Medicæo Magno Ethruriæ  
 Duce propagatore, qua sacra Ethrufca militia, Leo  
 XI. Pont. Max. etiam felici ordinis ornamento  
 floruerat. Quid ego dicam viros heroes, qui, stupen-  
 do numero, ex hac diuina schola, veluti ex Durateo  
 equo, ingentia orbis Catholici decora, prodierunt?  
 Duos supra quinquaginta circiter Pontifices Maxi-  
 mos, in quibus septem origine Gallos, Ecclesiæ dedit:  
 Cardinales ducentos, atque in ijs quinquaginta no-  
 strates Gallos ad augustissimam purpuram euexit,  
 quinquageno numero vndique sacro, & magno lu-  
 bilæo dicato tuis sanctissimis moribus referuato;  
 quinque Patriarchas Hierosolymitanos, vt alios præ-  
 teream, mille sexcentos Archiepiscopos, quatuor  
 verò Episcoporum millia gubernandæ Ecclesiæ sub-  
 ministravit: vitorum illustrium, ac Doctrina nobi-  
 lium insignioris noræ quindecim omnino millia ex-  
 tulit: Imperatores, aut Imperatrices tres, & quadra-  
 ginta, Imperatorum liberos quatuor, & quadraginta,  
 Reges, Reginæ sex, & nonaginta, ipsorum verò  
 filios septem supra centum, alios Principes innume-  
 rabiles aluit, fouit, tenuit. At Sanctos Ecclesiæ senten-  
 tia approbatos qui minimum dicunt quinquaginta  
 millia numerant. Deus immortalis! hoc Sanctorum  
 sacrarium, hoc tot summorum Principum domici-  
 lium, hunc tot heroûm perennem Oceanum, hunc  
 tot summorum antistitum fontem æternum, hanc tot  
 Cardinalium officinam, hoc tot Pontificum Maxi-  
 morum antiquum, augustum, diuinumq; conclaue,

tamen inuenientur in genere humano, non dicam Christiano, quid si in religioso? qui contemnât, expilent, violent, cōculcent, depopulentur? Sed demissiùs agere hic depressior ad scribendum magis, quàm ad dicendum, locus postulat. Hic opem, hic quidquid carissimum habes, Cardinalis amplissime, conferendum. Tot te Pontifices lacescunt ex tumulis; tot ex ruderibus istis collegæ adhortantur; tot Præsules ex sacris templorum adytis obsecrant; tot viri clarissimi Heroës suis immortalibus insignium lucubrationum monumentis etiam, atque etiam obtestantur; tot è cælo Sancti inclamant; tot Imperatores, ac Principes ex vastis quò secesserant, solitudinibus vociferantur; ipsa tota sacrosancta familia expapillata, sorditata, semilacera, manantibus lachrymis, tibi in genua miserabiliter accidit, tibi supplices tendit manus, fidem implorat tuam, illa quæ Reginæ Hester olim Mardochæus magis singultibus, quàm vocibus insulurrat. *Si enim nunc silueris per aliam occasionem liberabuntur &c. & quis nouit utrum idcirco ad Regnum veneris, ut in tali tempore parareris?* Imò equidem quis dubitat te ista morum probitate spectatum, illa vitæ Sanctimonia clarum, hactotius ingenij comitate amabilem, ipsaque tota autoritate, & gratia Pontifici Max. tenerimè charum, vniuerso Cardinalium cœtui venerabilem, & gratiosum, omnibus bonis mirè commendatum, idcirco diuino calculo ad hoc fastigium euectum fuisse, atque selectum, ut opportuno subsidio, mœrenti, iacentique parenti tuæ, ut dignitate, & integritate




AD ILLVSTRISS. CARDINALEM

præluces, ita studio, & ope, & fauore succurere? Verū,  
quid tua? mihi obſtrepēt iſti aliqui? primū, mirum  
in modum mea Eundem enim, Cardinalis maxime,  
cum B. Francisca Archimandritam B. Benedictū, re-  
ligioſa vita, & regula conſeſtaris: vt prætermittam di-  
uiniffimi Ciftertiensis Ordinis quem vndique omnes  
impunè dilacerāt, patronum tutelarem conſtitutum  
fuiſſe, imò perparum abſuiſſe, quin ſemel, atque ite-  
rum, omnium votis, Generalis illius Abbas legerere,  
quod ego à Nicolao Boucherat eius admirandi ordi-  
nis Reuerendiſſimo Generali præpoſito, vi o pru-  
dentia ſingulari, vitæ eximia Sanctitate, morum in-  
credibili facilitate, totiuſq; ingenij maxima grauitate,  
toto Gallia Regno, imo toto orbe Chriſtiano, quò  
Ciftertiensis Ordo iam pridem penetrauit, celeberrimo,  
audiuiſſe me mēmini: eum verò ordinem B. Ber-  
nardi Auguſtini noſtri æterno miraculo clarum ma-  
gis, quàm oculos meos, magis, quàm ipſa mea vilcera  
amo, colo, venerorq; vt feci hætenus, vt faciam in  
illa immanſa æternitate. Præterea ex quo tempore me  
es dignatus paterno pluſquam amore compleſti, ita  
ſtatui me totum tuum eſſe, mēque impoſterum om-  
nem, quem alio animum iam ante contuleram, atque  
omne ſtudio in eum Ordinem, quē egregius, &  
gratus alumnus ſuauiſſimè amas, transferre oportere.  
Nam qui me iniquiſſimè vexatum es benignè ſolatus,  
gremioq; complexus, qui in mea lite ad Tribunal  
Apoſtolicum, iuſſu Pont. Maximi, referenda, ius  
meum caſtè, atque integrè tenuiſti, pro vexata inno-

centia stetisti, æquitatem rebus omnibus prætulisti; qui me demum tum primùm cognitū, & exploratū, dignū iudicasti, qui tibi inseruirem, & quidem in munere amplissimo, & honorificētissimo, de quo, rebus maturis, & quod brevis speramus, stabiliti, gratias agā ampliores; nihil mei mihi reliquit in fecisti, quod ego tibi non perpetuo nexu obstrictum putem. Quare neminem eriam toto purpurato Collegio seligere aut potui, aut debui vel mihi magis beneuolum, & fortunatum, vel sedi Apostolicæ magis iucundum, qui meam hanc opellani Romæ, lucubratione menstrua, te vidente, spectantēque, absolutam, Pontifici Max. præsentaret, de cuius in me singulari beneuolentia me toties certum, beatumque fecisti. Denique nostra Sancta D. Benedicto tecum addicta me vel inuitum impulit, monuitque, vt hæc auderem Domino meo, magna libertate, paucis exponere, eiusque nomine, illa obnixè inculcare, vt quoties afflictam nobilissimam familiam Benedictinam vel ipse oculis videris. vel aliorum sermonibus inaudieris, vel meis scriptis deprehenderis, vel ipsiusmet lamentationibus, singultibusque persenseris, toties de exquirendo remedio recorderis. Ita Deus Opt. Max. te nobis diu, quod omnes ex animo efflagitant conseruare dignetur incolumem, me, quæ afflictissimi nuper, nunc tua, secundum Deum, ope, tuâque gratia felicissimi, semper amantem, ac memorem. Vale.



TABVLA,  
ET SERIES OMNIVM, QVÆ  
HOC PANEGRICO  
continentur.

- I.  *PISTOLA* dedicatoria ad summum Pontificem Paulum V. ubi sue profectionis Romane rationem reddit author.
- II. *Epistola altera ad Illustrissimum Cardinalem de Giury, qua eius patrocinio Ordo Benedictinus commendatur, & gratie aguntur.*
- III. *Proœmium Panegyrici, quo illa præcipuè breuiter continentur.*  
1. *Diuinitas se bifariam manifestat hominibus. 1. rebus creatis naturalibus; 2. miraculis.* fol. 1. & 2.  
2. *Authoris institutum aperitur.* fol. 3.  
3. *Quàm iure aptèque B. Francisca à Paulo V. debuerit in Sancto- rum numerum referri.* fol. 4. & f. 6. B.  
4. *Difficultas istius negotij Theologicè explicatur.* fol. 5.
- IV. *Tota Panegyrici delineatio ex Apotheosi veterum Romanorum repetitur sex maximè capitibus, quæ pyram imprimis ligneam attingebant.* fol. 7. fol. 8.  
1. *Ex triplici pyre congerie plena tabularum.*  
2. *Ex lectulo funebri ad tholum adposito.*  
3. *Ex Aquila in summo locata.*  
4. *Ex frequentia, atque applausu circumstantium omnium ordinum.*
- V. *Allusione ad Turrim speculorum, Vita B. Francisce, & tota consecratio ad illos Apotheoseos ritus comparatur.* fol. 8. B. ac primo pyra ex canticiis, seu lignea Turris illi allegoricè imbi exactè descripta erigitur in vniuersum. fol. 9.
- VI. *PRIMA congeries, seu contignatio huius sacre pyre aut Turris, tota ex Cedro, tenerioris, & iunioris ætatis statum virginalem B. Francisce sex capitibus repræsentat, ac describitur primum in genere.* fol. 10.



*Tum sex illa capita singillatim exponuntur.*

1. B. *Francisca oriens, & parentes.* fol. 10. B.
2. *Eius Baptismus.* fol. 11. A.
3. *Incunabula Ecclesie Catholice teterimo schismate laboranti auspata.* fol. 11. B.
4. *Virginitas plena miraculi.* f. 15. A.
5. *Indoles puerilis, & educatio admirabilis.* f. 15. B.
6. *Angeli tutelaribus conuictus familia is, & sensilis presentia usque ad obitum, fusè. f. 16. A. & sequ. ubi de tutela Angelorum, de vetustioribus Beate picturis, & de mira, quam ab illo custode hauriebat, disciplina.*

VII. SECUNDA contignatio statum conjugalem ad viuum refert composita ex ligno pomorum variorum generum, & ex vite, describitur vniuersè. fol. 22. A. Tum sex talia, seu picturae illi affixae singillatim describuntur ex senis praeceptis conuivialibus.

1. *Huius Sanctae erga maritum suum obseruantia, f. 23. A. quae elucebat*  
1. in colendo marito, 2. in eius obedientia, 3. in castitate connubiali mirabili 4. in summo erga illum amore. Quorum omnium imitatio mulieribus nuptis inducitur.
2. *Liberorum exactissima educatio. f. 27. A. ubi ostenditur eius liberos ferè omnes Sanctos obijisse. Tum illa proles cura matribus imitanda proponitur.*
3. *Familiae seu famulorum cura, quanta in hac Beata matrefamilias Christiana. f. 29. B. Ibidem ad imitationem matronae excitantur.*
4. *Erga vicinos, aliòsque externos eius agendi sanctissima ratio. 30. B.*  
1. erga pauperes pro corporum cura; 2. erga omnes pro animorum institutione, qua parte multa passim in eo genere edita miracula perstringuntur. Imitatio iterum inculcatur.
5. *Erga seipsam precipuum studium. f. 34. A. ubi quatuor precipua capita attinguntur. 1. cultus, & ornatus corporis, ubi fusè contra vanitatem illam muliebre, 2. sui summa despicientia. 3. mira in aduersis rebus patientia; ubi iacob demonum in illam odium, & in unctiones prolixè narrantur. 4. membrorum, & carnis seuerissima castigatio. Imitandi ratiocateris matronis temperatur.*
6. *Erga Deum qualem se exhibuerit. f. 45. A. Quo loco illa tractantur.*  
1. Amor in Deum, atque eius summus in sacram Eucharistiam ar-



dor, ubi ostenditur illam in consecrata hostia Christum solitam agnoscere. 2. Rerum diuinarum assidua meditatio, ubi passim miracula. 3. exteriora pietatis, & vocalis orationis exercitia maximis miraculis illustrata. 4. scrupulorum, & rerum curiosarum ablegatio, ubi de valetudine illi à B. Alexio mirè restituta. Demum ad imitandum aliæ eius sexus excitantur.

VIII. TERTIA contabulatio, viduitatis præcepta cõplectitur: Tota ex Platano, Palma, & Terebyntho describitur, f. 55 Inibi sex illa ite agalmata depinguntur, quibus sena alia viduitatis præcepta continentur.

1. Sancta familie institutio, quod de B. Francisca in Religiosæ familie institutione explicatur, f. 56. A. illaque tractantur imprimis. 1. Congregationis Turris speculorum fundatio. 2. eiusdem congregationis leges diuinitus acceptæ. 3. egregia documenta, quæ B. Francisca inculcare solebat. Imitatio Religiosis proposita.

2. Maxima in Deum, & constantissima fiducia. f. 61. B. quo loco exponuntur ingentia miracula ex illa fiducia patrata.

3. Perfecta orandi, & diuina tractandi ratio. f. 63. A. qua parte hæc tractantur. 1. Ad supremam contemplationis perfectionem euectam fuisse. 2. Quotidiani illius in Deum raptus. 3. Quadam illius præcipue ecstasies ad similitudinem cælestis beatitudinis. 4. Rerum arcanarum, etiam futurarum, & intimarum cogitationum inspectiones.

4. Lachrymarum assidua profusio. f. 67. B. 68. A.

5. Inculcata totius vite ratio. f. 68. B. simulque imprimis ibidem agitur de illius admiranda obedientia, qua etiam in media ecstasi obtemperabat.

6. Pia Christianæ charitatis opera, f. 72. 4. Quæ breuiter explicantur duodecim miraculis recensitis, quibus varias corporum agritudines, ex summa charitate sanauit.

IX. LECTVLVS Triumphalis ad Tholum locatus Sanctæ Francisce gloriosum funus exhibet, ac Tholi primum structura ex Cupresso exprimitur, f. 73. B. postea illa commemorantur.

1. Fœlix obitus B. Francisce. f. 74. A. & sequ.

2. Celebre illius funus publico miraculo clarum. f. 76. A.

3. Alia miracula sub eius funus, & feretrum facta. f. 77. A.

4. Illius tumulus cum veteri Epitaphio. ibid. B.

5. Miracula post illius obitum edita. 78. A. & sequ.

A QVILA,



S P E C V L V M

S A P I E N T I Æ

M A T R O N A L I S

E X

*Vita* S A N C T Æ F R A N C I S C Æ R O M A N Æ,

*Fundatricis Sororum Turris*

S P E C V L O R V M, & C.

P A N E G Y R I C V S.



A X I M A quædam vis est Diuinitatis,  
Beatissime Pater, cuius præclarissimum  
lumen tenebris ab omni parte densissi-  
mis circumseptum, & opaca quædam no-  
stræ mortalitatis nebula circumuallatum, prouiden-  
tiæ tamen omnia moderantis euibratum igniculis  
emicat interdum, atque perrupta nostræ imbecillita-  
tis caligine, quasi fulgur erumpit ex nubibus, & dis-  
sultatis quodammodo impetu, dilucescit. Nunc cum  
ex tanta varietate, totque ex generibus, nullum esset  
animal, præter hominem, quod diuinæ scientiæ ca-  
pax, aut interminatæ illius particeps Diuinitatis exi-  
steret, quæ natura illi anticipationem quandam sui

A

procreatoris iniecerat, ea expressam illius imaginem inculpsit in pectore: hominem summo consilio, & incredibili quadam celeritate mentis ornauit; illum tota conformatione corporis, non modo animi, stabiliiuit, vt sua sponte ad cælum, haud secus ac Heliotropion ad solare sydus verteretur, quò & illi radices obuertit, eo vt ingenio illum quasi ad cognitionis, domiciliique paterni conspectum, vt Plato testatur in Cratylo, excitaret. Illi concessit intelligentiam, quæ cum aliud nihil esset, quàm emanatio quædam illius immortalis intelligentiæ, & fluxio, vt ita dicam, diuinitatis ea solertissime posset ratiocinari; mentem quandam diuinæ capacem indidit, qua ex rebus, quæ sub sensum cadunt, ad suas ipsius functiones moderandas, ad reconditas naturas rerum scrutandas, ad cogitationes suas supra seipsum occultis veluti, atque infinitis quibusdam machinis, præstanti quadam, præsentique æternitatis imagine reuoluendas, sese ipse reflecteret: omnium seculorum non præsentium modo, sed longè diffitorum seriem replicaret: eoque tandem admirabili instrumento, immotus omnino, immensæ huius terrenæ molis abditissima quæque percurreret; mergum ad maria penitus percontanda ageret; cælos pernecitate mirabili præteruolaret; denique erratico veluti quodam obnifu decerrantium, ac veluti in sese pereuntium alarum ad diuinam essentiam inexplicabili celeritate transcenderet, infinitam, inaccessam, ex sese mille infinitatibus idealium profunditatum fecundissimam, vt soli Deo penetrabi-



lem, ita soli cognitioni merè diuinæ cōsentaneam. Ac fuerat satis conditori æterno, ista rerum creaturarum tanta, tam varia, tam certa, statâque miracula edidisse, quæ dum videmus, obstupescimus, nisi vel ipsa sibi humana natura vilesceret, vel illa rerum familiaritas, & obfirmata in commeando, agendoque constantia ex ingenita lege firmitatem, ex firmitate assuetudinem, ex assuetudine contemptionem, ex contemptione fastidium faceret: dum ex necessitate nescio quæ; ingrati! fieri arbitramur, quæ sempiternis præpotentis creatoris ordinibus, & perenni indicta serie semper eueniant. Quis enim se teneret? quis non miraretur? quis non maximè obstupesceret, si hodie primum solem adspiceret? Si Telluris sobolescentem fecunditatem tam æquabili varietate dissimilem, si vicissitudinem temporum, ac tempestatum, si vim beneficam, & arcanam astrorum omnia penitissimè peruadentem, si vniuersi diuinam, complexamque veluti naturali quodam fato compagem, si retrogradas elementorum reciprocationes vltro, citròque, mutuis deliciis luxuriantes, si denique immensam illam terræ iacentis, subsidentisque molem suis libratam ponderibus intueretur? Ergo sapientissimus ille mundi opifex Deus eam rebus legem fluenti nexu adstrictam imposuit, quam cernimus satis, parum, vt par est, adoramus, à qua vel tantillum abscedere absque illius nutu, natura non potest. Verùm cum ille eius solum lusus esset in orbem terrarum, non operæpretium infiniti negotij, id sibi iuris in omnia reseruauit, vt illius natu-

lis ingenij veluti frænos adduceret, cum veller, atque remitteret, omniâque secus posset efficere, quàm destinata illa complexio postularet: quæ nos monstra, & prodigia, si inuisa, & extraria sunt; portenta, si bonorum, malorumve prognostica; si verò suprema, si extraordinaria quadam potestate omnia naturæ curricula transcendente patrata, miracula appellamus: à quibus vt via quadam lactea ad omnium authorem, atque opificem agnoscendum, redamādumque, non tam spontè traduceremur, quàm odore veluti diuinorum aromatum traheremur. Quo in genere sunt, qui vnicè admirentur illas, inferiore sensu fatiscēte, abstractiones à corpore; sunt qui rerum aut arcanarum vaticinationes, aut remotarum inspectiones, aut futurarum prædictiones; sunt qui redditam ægris desperatis vi diuinâ, & insperata quadam, valetudinem; sunt qui cæcis aciem restitutam, claudis, ac mancis membrorum vsum reuocatum; mortuis denique vitam postliminio redonatam maximè obstupefiant Ego, B. P. qui illa magna duco, alia quædā maiora in Sanctis admiror, illa ipsius sanctimonix prærogatiua authoramenta, ex quibus illa alia profiscuntur. Noster ille magnus Clarauallensis, qui non modò diuinitus scribebat, sed mirè ipse, passimque patrabat miracula, de suo fortunatissimo hospite Beato Malachia dicebat, maximum miraculum, quod præstitisset Malachias, fuisse Malachiâ. ô Beata! ô sancta! ô diuina Roma! viuum, ac spirans simulacrum antiquæ sanctitatis, impietatis debellatrix, expultrix errorum, Caco-

S. Bernar.  
Maximū  
miraculū  
quod fuit  
ipse fuit.  
In vita S.  
Malachia

dæmonum triumphatrix, caput orbis habitabilis; specimen archetypum virtutis Christianæ, miraculum pietatis auitæ, hospita receptatrix omnium gentium, palladium Apostolicæ firmitatis, asylum æternitatis, perennitatisque Catholicæ; denique illibatissimæ Religionis emporium, arx fidei inexpugnabilis, scaturigo prodigiorum, officina sanctorum! quam tui partem habes non summæ sanctitatis impressam, dedicatæque vestigijs? Ignosce, B. P. inusitatus ille splendor, ac fulgor amplitudinis Romanæ, ita in hac me mea prima ingressione dicendi perculit, ut illa tantummodo, quæ suscepi, interrompere hortetur: veruntamen de Beata Francisca Romana dicere cogitantem, quam tanto apparatu, tam exquisita magnificentia, adeo incredibile fauore numinis, pacatissimi huius pontificatus studia, & vota omnia prosperantis, in Sanctorum numerum intulisti, par est in isto vestigio, eodem ipso numine auspice, pressè consistere. In quo tum multa sunt, quæ me perturbant satis, tum alia, quæ me erigunt, atque incendant porro magis. Ego ille aduena Gallus valida tēpestare quasi proiectus ad Vaticanū, exarmata, laceratæque nauicula, immani pelago sua intestina odia despumante, ferocium vndarum vorticibus ebullientibus, infremente, insaniente, bacchante vesanissimo subsolano, audeam etiam vix dum malacia exfuriata procella recuperata; oppido postquam vix dimidiato corpore enataui, ad Romana rostra de magna Romana, Romæ, non Romanus, Romanè dicere? de Sancta non Sanctus? apud supremam orbis



Christiani majestatem novus, atque ignotus? ad Vaticanum? ad pulvinaria Apostolorum? audiente, spectante, disceptante Pontifice maximo? nullo alio, quâ præclaræ conscientie inexpugnabili testimonio commendatus? heu me! effugiam ego crimen peripatetici Phormionis, quem ferunt coram Annibale, qui tot annos de Imperio, cum populo Rom. omnium gentium victore certauerat, aliquot horas copiosè, nec inornatè de Imperatoris officio, & de rei militaris tota ratione peroratè delirum, ac vesanum esse habitum Græculū hominem, qui nunquam hostem, nunquam castra, nunquam cruorem, nūquam solem, aut pulverem vidisset? sed me sustentat, ac reficit, Beatissime Pater, spectatæ huius tantæ sanctitatis humanitas, quæ me nuper suis pedibus procumbentem illa stupenda clementia, madentem etiam non, stillantemque suscepit in littore, quæ amplexata, quæ solata est, quæ omnem ex animo penitus mœrorem absterfit, cum & me verbis, & sacris amplexibus, & toto auspiciatissimo adspectu, affatūque complexa, suis præterea nec vſitaris, nec mediocribus beneficiis, & rebus ornauit; immeritum Beatissime Pater, sed mœrentem, & sperantem tamen, atque afflictum ab iniusta, & iniustata vexatione ad sedem Apostolicam nec frustra, nec immeritò appellantem. Pax sit rebus, Deo laus; etiam toto pectore gestio me ita iactatum fuisse, si me ad hanc propitiam Calypso deportare procella debuerat, atque ad istos amplexus Christianæ Sanctitatis immittere; vbi tam salutarem, tam tutum, tamque opta-



tum portum inuenirem. Gaudeo, exulto, & cresco me in sancta Romana, licet peregrinum, quod me aliqua ex parte contingeret, reperisse: liceat enim mihi semel exilire dicendo, & quæ nec fortuitò, nec temerè, sed aliqua numinis prouidentia, fuerunt, fortunato complexu consociata, connectere. Beata Franciscæ nobili parente, Paulo Buxensi, felicissimo fatu prognata, præcipua quoque, vti accepimus, religione, B. Apostolo Paulo deuincta, cuius suburbanam ædem Augustam quotidie dum viueret, obfirmato proposito, adire soleret: deinde ordinis ab se postea ad Turrim speculorum instituti Regulam eiusdem Apostoli Pauli dictatu consequuta; ad extremum à Paulo V. Pont. max. quod felix, faustumque sit, atque inclyto Populo Rom. auspdatum, & salutare, fastis æternis adscripta Sanctorum, non indignè feret, ut spero, oratorem quanquam omnium infimum, ac penè infantem, sed à sancto Paulo tamen oppido Segusianorum in Gallia oriundum, præclara sua facinora, resque diuino miraculo perpetratas, peregrino, atque inculto stylo recensere. Tametsi antequam ad illa præclara venio, atque maxima, in quibus exultare, & triumphare qualiscunque tandem illa debebit oratio mea; placet cum sapore quodam iucunditatis minimè ingrato consonantissimam illam dissidentium rerum ab ocula illa vi numinis conglutinatam similitudinem commemorando prægustare. Nam neque Sancta potuit, nec Romana debuit, nec miraculorum effectrix expetiuit, nec Pauli filia voluit ab alio Pontifice supremis

honoribus consecrari, quàm à Paulo V. in quo hæc omnia, conspirantissima consensione coniugata mirè consentiunt. Si consecrari, non modo laudari sanctā à sancto, scilicet laudatā à laudato oportebat, quē magis sanctū, quā Christū Domini? quē vita innoxia magis amabilē nostris seculis Apostolicū tribunal Pontificē excepit, quàm eum qui toto Tyara sacrosancto sanctissimus, sanctius viuit etiam, quàm induitur, sanctior inculpatæ mentis ingenio, tota passim Christiana Republica honoratur, quàm Romæ pontificio cognomento colitur? Si Romanum authorem Romana poscebat, quem Romanum magis, quàm è gente Burghesia pontificem, quo vel ipsa corporis maiestate dignissima imperio, vel antiqua probitate, vel prisca grauitate, vel natali Romano ne Romam quidem ipsam magis vnquam fuisse Romanā arbitror? qui nō allata foris, sed spectata diū suis oculis, consecrandæ illius sanctimonix argumenta non diu solum ipse spectasset, sed suis etiam sanctissimis moribus, rediuiua Romano populo id primum flagitanti expressisset? Ac si de miraculis fuerat afflatu Pontificio ferenda sententia, per quem aptius oportebat, quàm per eum, qui diuina sub sortitione lectus Pontifex, purpurato conclaui propemodum nesciente, Deo suis nutibus humana consilia ludificante, ita vixit deinceps, ita viuit hodie, vti è cælo lapsus magis inter homines, impenetrabilis prouidentix prærogatiuo calculo, quàm gratia, aut studio, aut factione mortalium ad illud amplissimum fastigium prouectus censeatur? nouit quid dicam

dicam tota Roma testis oculata gestarum rerum: audiuit, & gestijt illo delectu obstupefactus, & quasi in communi triumpho exultauit orbis terrarum vniuersus, cuius illa vox me sæpe afficit, reficitque mirabiliter pleròsque Pontifices aliàs suffragijs hominum, studiisq; delectos fuisse, Paulum vero V. à numine ipso donatum mortalibus ista tam extraordinaria suffragatione diuinitus obuénisse. Iam si Paulum parentem, Paulum sanctum tutelarem fortita, Paulum consecrationis Antistitem expetiuit à superis, & exorauit, proh superi omnes! túque præcella Trias imprimis, quæ nobis tantarum rerum effectrix extitisti! quantum, & quàm alium Paulum, qui non vsque ad cælum tertium deportatus, sed vsque ad inaccessum ipsum purissimis cælorum intelligentijs æternæ prædestinationis Empyreum, vsque ad ipsa profundissimæ Diuinitatis adyta, ad sancta sanctorum Pontifex transcendente volatu subleuatus, inibi ea arcana verba de sancta Francisca percepit, quæ homini loqui, nisi summo, inspiratòque Pontifici nusquam liceret? non dico an in corpore, an extra corpus. Hoc tantum affirmo, Beatissime Pater, atque hoc pace dicam tua, nulla re Pontifices maximos magis ad Diuinum illud numen accedere, quàm illa triumphali pompa sanctorum ritibus hisce solennibus decernēda. Primum, Christiano, ac Theologo more, explicata sanctitas, proprio comprehensa nomine, gratia est animo instillata cælitus, cui infixæ tantisper inhæret, dum se quis ab omni labe lethali purum, atque incorruptum absti-



net: de quo miracula quidem vt plurimum, & vitæ  
societas insolita quadam pietate exculta testantur, at  
& miracula patrare, impietatem vultu, vitam superci-  
lio, scelera parietibus tegere ita improbi possunt, vt  
hominibus ad tempus imponant, nisi non sceleratus,  
atque perditus Iudas ille extitit, quem & diuini scri-  
ptores commemorant opera admiranda cum cæteris  
effecisse, & vulgo mortales pro Apostolo numera-  
bant, adibant, venerabantur; quem Christus Domi-  
nus vnum interim ex omnibus Diabolum appellabat,  
intestina verò latrocinia ita iam deprauauerant, vt fu-  
rem se, atque latronem multo antea, quàm prodito-  
rem, atque sicarium exhiberet. Deinde hoc etiam vl-  
trò demus posse contingere, vt certa dum viuunt cer-  
tæ probitatis indicia aut habeant sancti impressa in pe-  
ctore vnctione Spiritus ob signata, aut alijs exhibeant  
nec fucata, nec tortuosa, aut perplexa foris (de quo  
tamen ne sibi quisquam blandiretur ille faciebat, qui  
neminem hominem certò scire ex ore sapientiæ voci-  
ferabatur vtrum amore, vtrum odio dignus esset) at de  
suprema hominis voluntate, quam volaticam, atque  
versatilem quamdiu versatur in corpore est cōsequu-  
tus, quis iudicare queat? De extrema verò constantia,  
de cumulata, atque vltima gratia vsque ad exitum vi-  
tæ retenta, quæ nobis, imò Angelis ne quidem aduer-  
tentibus vnica assensu uncula amitti potest, præsertim  
in ancipiti conflictu incerti, & horrendi, & summi  
agonis, quis non dico sententiam ferre, sed suspicari  
se posse confidat? vlla humana perspicacitate? vlla

quanta maxima diligentia : vlllo suscepto per omnes conjecturas, per quæcunque humana subsidia quàm exquisitissimo labore, ac studio : non est humani res illa consilij. Deum Deum esse oportet : cum ipsa æternitate consultasse : cum Diuinitate vixisse familiariter, ineffabilem prælagi numinis prædestinationem insuffrantem, inspirantemque audiuisse, in ipso Concilio assedissæ diuinissimæ Triados oportet, qui id se posse polliceatur. Quæ si nec sunt, nec esse possunt huic nostræ depressissimæ mortalitati concessa, quid reliquū est, nisi vt qui ipsum queat, audeatue, homo sit tamen, ipsius Diuinitatis suggerentis admonitu ad illa arcana subuectus aspiret, eiusque ex ore tum certò Deus ipse illa per sese, tanquam ex diuino oraculo proloquatur? Ac tenetur quidem summus Pontifex humana consilia, & testimonia scrutari omnia sapienter, inter homines collocatus vti humano more, atque ingenio tota consultatio transigatur : quæ tametsi adiumenta sunt ad consilium diuinum exquirendum & necessaria, & opportuna, & in eo adhiberi à Pontificibus quanta humanitus maxima possunt semper solita, at negotiū denique ex illa notitia determinari, absque peculiari Dei inspirantis instinctu, nullo modo potest. Planè cogitata, effata, effectaque Pontificum præpotentis afflatu prouidentia gubernantur. Parricidarum improbissimum sacrilegum Caipham vaticinatum de Christo fotere fuisse memoria tenemus, quòd eius anni Aaronicum Pontificatum iniuisset : etiam Doctiores Hebræorum magistri scriptum tradiderunt

Hebræorum Pontificum pectorale gemmatum, gemmis vi occulta quadam sua lumina collibrātibus, quasi quibusdam characteribus responsa, atque oracula reddere Iudaïco populo consueuisse. Mirum! sed verum, æternisque legibus consentaneum, ne vel improbitate, vel imbecillitate innata hominum vis illa suprema in suis sacris administrandis illigata, vincitæque teneatur. Audebo igitur, Beatissime Pater, audebo aliquando præcelsæ illius fortunæ tuæ causâ gestire, gratularique ex animo toti orbi terrarum?

Ezechiel.  
17.

*Hæc dicit Dominus Deus. Aquila grandis magnarum alarum, longo membrorum ductu, plena plumis, & varietate venit ad Libanum, & tulit medullam Cedri; summitatem frondum eius auulsit, & transportauit eam in terram Chanaam: & tulit de semine terræ, & posuit illud in terra pro semine, ut firmaret radicem super aquas multas, in superficie posuit illud. Ecquæ isthæc Aquila astra præteruolat, præteruecta pernicipibus alijs conuexa cœlorū, ipsam Diuinitatis immensæ scrutata profunditatem, æterni arcani medullam inde auulsam ad nos transtulit? atque exinde volatu retrogrado iterum nixa Romanis soli sincerum germen in ipsa conuexa cœlestium globorum superficie supra Empyreum, super aquas cœlestes, scilicet supra cœlos, quibus aquę dederunt nomen, conatu mirabili collocavit, vbi in totam æternitatem fructum glorię sempiternę proferret? Quidni ista ista Romana est Aquila, quæ mentis æternæ perscrutata recessus absconditos miseris hominibus replicauit, rursūque sementem Romana tellure*

פֶּשֶׁת  
יְבִי אֶקוּא.



gravidata profeminatam cælo intulit Franciscam Romanam vivificam sobole procreatam ? Certè quidem Aquilam, Beatissime Pater, præterquam Romana patria tuæ sanctitati communem, etiam Gentilitia illa Burghesiorum insignia propriam fecerunt. Aquilam autem maximè omnium pollere volatu, excelsissima quæque transuolare, defixo obtutu, imperterrita acie, in solis ardentem rotam intendere, pullos verò suis alis in sublime elatos ita probare ad radium solere, ut si immota pupilla astrum perferant, pro germanis habeat; sin conuiueant, pro spurijis abijciat; nemini, opinor, obscurum esse potest, qui vel mediocriter fuerit in ista vulgari politioris literaturæ luce versatus. Ad quem porro potius spectabit definitam diuinitus de cuiusvis sanctitate sententiam, vel eruere abditissimis ignotæ determinationis ex latebris, vel exinde erutam in vulgus efferre ? hoc est, ut verbo dicam, sanctorum vitam ad solis illius intellectilis, quem Plato, & Trismegistus appellabant, puta diuini verbi archetypum radium, atq; ideam explorare ? Adulterinas verò veterum simulationes probitatis specie personatas à veris discernere ? Annon profectò ad Paulinam Aquilam vel Romano volatu præpetem, vel Pontificia perspicacitate cælestem ?

Quamquam peto hanc veniam ab hac sublimi sanctitate, mihi ut liceat quandam bene longinquam veteris Romanæ magnificentiæ nec iniucundam, nec instituto meo alienam consuetudinem altius repetitam accersere: nam neque Primigenia illa Catholica

Ecclesia indecorum existimauit superstitionis antiquæ profanos ritus melioribus permutare quantum per Germanam Religionem fas esset, vt Romanæ illius dominatricis potentia recepti tot seculis mores, non tam sublatis, quàm aliquanto immutati, perfectique putarentur; neque magnus ille Hieronymus abs re Christiana esse censuit, quod spoliandis Ægyptijs Hebræi præstiterant, nos ad nostros vsus sacrilegis veterum transferendis moribus vsurpare. Illa gloriosa Respublica, quæ nihil minus animo, totaque illa infinita ambitione, quàm adumbratam quandam diuinitatem conceptam haberet, suo typho immortaliter infatuata, fundato præsertim, & florente imperio, quos Imperatores diuinum aliquod supra hominem facinus patrasse duxisset, eos verò diuinis honoribus consecratos superstizioso illo quidem, & sacrilego, verum apparatissimo ritu inanium Deorum indigentum numero adiungebat: quòd Constantino magno Christianæ amplitudinis assertori accidisse vni inter omnes accepimus, vt idem à Barbaris inter Deos, & à Christianis inter Sanctos censeretur. Apotheosin illi dicebant; quæ ea seriè, eaque pompa adornabatur, vt Imperatore, qui referendus in Deos, & consecrandus erat vita perfuncto, pyram tabernaculi instar in foro construerent vario lignorum cumulo exaggerato, quam auro, ebore, signisque, ac depictis tabulis exornatam alio super alio sese vsque tertiam cōtignationem in fastigium coarctante affabrè componebant. Aquila viua cum omnium Deorum aggestu in

*Herod. lib. 4. in Apotheosi Septimij Severi.*

*Alex. ab Alex. Genial. Diarum lib. 6. cap. 4. Plato ult. de Republ.*

summo culmine posita visebatur : senatus, equester ordo, viri triumphales, consularésque, quique in Rep. honores gesserant amplissimos, vndique magnifica purpura intermicante, procedentes lectulum in pyram festo carmine, hymnísque conceptis vndique circumsonantibus deportabant. Demum humanis, ac diuinis honoribus aggestis inflámata pyra cū vapore, & fumo Aquila agitata è summo vertice tabernaculi aëra petiisset, religio incussa fuit, adeò superuacanea vanitas illorum mentes infuscauerat, ipsius animum, perinane, cœlum petiisse, ipsúmque eo omni quod humana concretionem contraxerat, defæcato, in numero cœlestium, & concilio Deorum receptum, atque habitum fuisse : quæ ego totidem ferè verbis exactè ab Alexandro descripta bona fide narraui. Arripio omen ex illa Aquila; reliquam superstitionem penitus respuo, atque contemno. Quòd si illi heroës leuioribus prælijs alieno hoste triumphato victores, suo intestino scelerum omnium agitatore victi, errore hominum, & commendatione fumosarum imaginum euehi putabantur ad superos: cur non omni etiam celebritate maximi honoris, efferentur Christianæ illæ animæ Pancratistæ, quæ vitijs fractis, mundo deuicto, carne prostrata, Tyrannis conculcatis, Diabolo debellato, Tartaro spoliato, seipsis triumphatis, stadio exercitatissimæ vitæ decurso, iam suis in cœlo triumphis elatæ æuo illo sempiterno fruuntur? Atque si parua magnis rectissimè conferuntur, vt Tullius dixit in illo Oratore perfecto, faceßat



mihi procul illa profano cultu lignorum extructa  
congeries; aliam animo comprehensam habeo Salo-  
monis artificis sapientia, & pereleganti Diuini  
pneumatis rerum creatarum opificis, manupretio in  
perampla Catholicæ Ecclesiæ area excitatam, non  
tam pyram, quam turrin, & quidem ligneam ple-  
nam speculorum, & pretiosarum imaginum, com-  
positam alia strue, alia materie, alia Aquila, alio rogo,  
alijs tabulis, alio lecto, alia purpura, alijs aromatibus:  
in quo ne diffuat, aut exundet oratio: Turris illa re-  
uera speculorum, & triumphalis pyra triplici ordine  
lignorum fabrefacta mihi erit Beatæ Franciscæ vita  
omni virtutum apparatu, triplici statu, videlicet virgi-  
nali, coniugali, & viduitatis Religioso proposito cu-  
mulatæ compositissima. Tabulæ, & simulacra, seu spe-  
malumus haud alia, quàm eius virtutum & miraculo-  
rum imagines: lectulus, mors eius gloriosa tam grata  
varietate rerum maximarum præclara: senatus, &  
triumphales viri, certè amplissimus Cardinalium con-  
fessus purpuratus, quo suffragante, adstanteque, pom-  
pæ extremum negotium est exolutum: magistratus,  
qui flammam rogo submitterent, & reliqua turba po-  
puli acclamantis, vrbs Romana inclyta, & magistra-  
tus Capitolini quorum votis, & incensis precibus,  
Pontificia sanctitas, sublimitasque, hoc est illa sacro-  
sancta Aquila summo rogo imminens eius victricis  
sanctæ celebritatem gloriosam sanctorum in cælo re-  
gnantium triumphis consociauit.

At illa structura tabernaculi, ac turris triumphalis  
quàm

quàm apta ! quàm affabrefacta ! quàm multiplex ! nū-  
 quid non illa Canticorum ? *Sicut turris David collum* Cant. 3.  
*tui, quæ edificata est cū propugnaculis: mille clypei pendent ex*  
*ea omnis armatura fortium :* aut hæc Beata non sit illa for-  
 mosa sponsa, quæ se pulchram ait sicut tabernacula Ce- Cant. 4.  
 dar, sicut pelles Salomonis ; quæ tigna domorum sua- Ecclef. 2.4  
 rum iactat Cedrina, laquearia Cypressina, cuius emis-  
 siones paradus malorum punicorum, Cypri, cum  
 Nardo, Nardus, & Crocus, fistula, & Cinnamomum,  
 cum vniuersis lignis Libani : quæ quasi Cedrus exalta-  
 ta in Libano, quæ Cypressus in monte Sion, quæ pal-  
 ma exaltata in Cades, quæ plantatio rosæ in Hie-  
 rico, quæ oliua speciosa in campis, quæ Platan-  
 us exaltata iuxta aquas, quæ Cinnamomum, & Bal-  
 samum aromatizans, quæ Myrrha electa, quæ quasi  
 Terebinthus extendit ramos suos, quæ quasi vitis fru-  
 ctificauit suauitatē odoris ; qua diuina cōgerie defra-  
 grante, illo ipso igne, quem Christus in terrā immisit;  
 nostra Francisca cælestes spiritus obstupefactos elata Cant. 3.  
 syderibus coëgit in illam admirationem erumpere.  
*Quæ est ista, quæ ascendit per desertum sicut virgula fumi ex*  
*aromatibus myrrhæ, & thuris, & vniuersi pulueris pig-*  
*mentarij ?* Verè Cypressus in montibus, vitis in colli-  
 bus, oliua in campis, rosa in hortis, platanus in lubri-  
 co, Cinnamomum in sicco, Cedrus in nemore, pal-  
 ma in littore ; hoc est opinor, erecta in morte, fru-  
 ctuosa in thoro, mansueta in choro, vegeta in labore,  
 firma in periculis, depressa in prosperis, inuicta in  
 aduersis, incorrupta in corpore, intacta in mente. Ex

ijs lignis tergemina assurgit non temerè exaggerata, sed exquisito artificio elaborata substructio, Hexagona vndique strue, striatis opere Ionico, Corinthio, & Dorico per fenos angulos distincta columnis, quarum quaternæ singula latera ad prospectum adornant, paulo alio trium ordinum situ, quàm alioqui in humanis ædificijs consuevit. Primâ partem fascia pedalis multifaria diuersitate lignorum tessellata circumcingens stereobatæ locum obtinet: surgunt inde stylobatæ coronati, qui interjecta spatia aptè distinguât: nec spatijs, stylobatæ sue non suus ornatus adjectus: ibi singularû virtutû Hieroglyphica argumēta celata visuntur sigillis qua pedalibus, qua cubitalibus venustissimè circumscripta, supra stylobatas columnæ ad angulos binæ dispositæ: in ipsis verò intercolumnijs bini signorum loculamentis inclusorum ordines interjecti, vnus ad bases infernè profanarum imaginum, alter supernè ad epistylia veterum exemplorum sacre historię: in maioribus interuallis inter columnarum scapos tabulæ ingentes vbi illustrium Beatæ Franciscæ factorum argumenta picturis insignibus, vel speculis, si lubet, pulcherrimè repræsentata miraculo sunt. Epistylia denique columnarum variato ordine egregiè facta multiplicia vestiunt coronamenta, quibus iniecta interstitia fabrefacta corona cinguntur ad summum, vbi vel columbæ, vel Aquilæ, vel Dragonēs vigiles mordicus tenentes Eucarpus, restesque pomorum, & fructuum floribus, frondibusque multifariam intertextis bellissimè lemniscatos rostris obni-



rentibus cohonestant. In summo denique spectatissimus columellarum ordo coronatus compositi ordinis, sed item lateribus crySTALLINIS loco tabularum ad funeris miracula excipienda iniectis concinnè distinctus lecto excipiendo destinatus veluti tholum, & coronidem operi exhibet; quæ generoso volatu præteruecta Aquila aurea supremo fastigio, alis expansis, obuerso ad solem obtutu diuinioris cuiusdam potestatis, & Pontificiæ amplitudinis maiestatem ostentat.

STATVS  
VIRGINALIS  
Sex Specula.

Prima compages tota ex cedris, oliuísque compacta statum virginalem B. Franciscæ designat: quòd cedri, quas alij ligna setim, incorruptæ, æternæque, oliuæ autem pudoris amantes antiquis, nec nisi à virginibus satæ fertiles crederentur. Eucarpos flosculi generum omnium, frondésque ex lauro intertextæ, quam fulmini imperuiam ferunt grata varietate, columbarum è rostris pendentes componunt: intercolumnia senis loculamentis superioribus filiam Iephte virginem complectūtur, qua pro patre cum hostibus congregiente superis supplicantem, qua patri cum canticis occurrentem, qua vouenti assentientem, qua aliarum virginum chorum conscribentem, agrósque cum illo cœlibe comitatu percurfantem, qua sese procul à societate hominum in separato tugurio concludentem, vt Hebræi Rabbini plerique sentiunt; qua paterno gladio denique libera, atque innoxia collatendentem: quibus quæ Franciscæ virgini ante nuptias accidere bellissimè describuntur. In inferioribus ornatus causa vetera illa antiqui pudoris exempla cer-

nuntur duodenę Sibyllę virgines binę singulis spatijs collocatæ. Basibus affatim lilia sculpta tum spinis obuoluta, tum collibus adnata, tum aurea specie Gallica, alibi Syriæ Myrrhæ flores odoratissimi, qua corpora incorrupta vti & virginitate seruantur; alibi depressæ violæ, alibi maturiores Myrrhæ collectæ fasciculis, sacculisque, quibus inter vbera virginis sororiantis adpositis, incentiua libidinis mitigantur. Columnarum ordo Corinthiacus floridus totus, atque herbescens cum reliquo ornatu tendit eodem. Coronæ ad extremum maiusculis literis aureis inscriptum inuenio. SICVT

Cant. 2.

LILIVM INTER SPINAS. SIC AMICA MEA INTER FILIAS. Iam verò sex speculorum tabulæ totis affixæ lateribus, sex veluti tenerioris ætatis flexiones vsque ad initum matrimonium repræsentant.

I.

ORTVS  
BEATÆ  
FRANCIS  
SCAE, op  
pprius.

Prima ortum exprimit. Aspicias genialem thalamum purpura vndique opere Phrygio auro intertexta nitentem, Aquilis Romanis arte plumaria bellè elaboratis, geminis Aquilis cedrinis anteriores natalis thori spoudas aptè sustentibus? nam Romæ prognata Francisca anno Christi pro salute hominum corporati M. CCC. LXXXIV. Paulum Buxensem patrem habuit, Iacobellam Broffedesehiam matrem, vtrumque ex præcipua Romana nobilitate, pietate pari, & religione clarissimum, dignum vtiq; truncum, vnde hic eximius furculus, flösque pudoris illibatus effloresceret: nam Roma sancta tot myriadum sanctorum nouata, atque iterata successibus nequit non esse Sancto-



rum ferax, quæ ipsam sanctimoniam hospitalem, & diuturna hæreditate propriam est adepta. Ac si se Roma vetus heroicis illis temporibus formidabilem toti penè orbi habitabili exhibebat, quòd paucorum fortium virorum virtute bellica hocce perexiguum mundi sublunaris punctulum, in quo vno, Plinius inquit, humana digladiatur, & triumphat ambitio, subiugaret; quanto Roma Christiana potentior, quæ puellis infantibus aduersus effrenatissimum principem Tartarorum turmatim facto agmine conscriptis, Tartarum populatur, astra conscendit, ipsam sælicitatem, & nunquam interituram immortalitatis gloriam pro lauris, palmis uè flaccescentibus sæneratur? Quid verò aptius ad exemplum, ac speculum orbi Christiano proponendum, quàm Romana puella, cùm nulla fuerit vnquam, nec sit hodie toto orbe terrarum sapièter instituta, aut bene morata Respublica, quæ Romana sibi ad imitandum non proponat exempla, seu morte pro fide catholica oppetenda Martyres, seu il-libata castitate seruanda virgines, ac mulieres sexu fragiles, seu Religione propaganda Doctores, atque Apostolos, seu re ciuili stabilienda, sapiètes Legillatores æmulentur? quæ ego omnia vno verbo dico, cùm Romam nomino. Iam igitur nihil Sibyllas Italicas rara exempla Romanæ virginitatis moror, qui B. Franciscam Romæ inuenio.

Altera tabella sacros latices, & lymphas expiatrices facile expingit ad sanctæ Agnetis, sub forum Agonis (qua paræcia paterni lares censebantur) vbi auspicator

II.  
BAPTIS-  
MVS ap-  
positè col-  
latus.



primigenia labe expurgatam, vbi Christianæ Confirmationis Agonali sacramento munitâ, atque armatâ ferunt: vtrumque adpositè, nec sine singulari numinis prouidentia: quando, & B. Agnetis spiritus vna cum sacro latice indidem hausisse videtur (quæ admiranda virgo vix duodecennis & Romana, & nobilis de sanguinarijs hostibus, ac tyrannis robore inuictæ animi triumphauit) & eodem loco ad Christianum agonem peruncta sacratione Ceromate, in Agone Romano, per Christum Aiptam, atque Agonothetam quo hæ inuictissima, Amason pancratiasta, decurso laboriosissimo stadio, cum nusquam vel leuiter ad metas adhæsisset, supernæ vocationis brauium est consequuta. Nemo siquidem Imperator vel plura certamina cum hoste gessit, quàm illa cum Dæmone; vel grauiora prælia cum varijs gentibus, quàm illa cum carnis illecebris commisit; vel maiora spectacula ex collectis spolijs, quàm illa ex toto illo munda-no fastu conculcato edidit, vel plures palmas ex stadio retulit, quàm illa corollas ex quotidianis sui victorijs obtinuit: quæ vna plures Cacodæmones vicit, quàm omnes illi Heroes in acie milites viderunt, plures triumphos fœmina reportauit, quàm vel legimus ipsi, vel fastuosa Romanorum veterum insolentia iactauit.

III.  
INC V-  
NABVLA.  
Ecclesie  
Catholicæ  
laboranti  
auspicata.

Tertia pictura, Virginis Cunas circumuolitantibus quaquauerfum Alcedinibus ex ligno oliuarum confectas effingit: ea siquidem maximè tempestate diuino beneficio fuit B. Francisca in hanc lucem edita,

qua Principis Apostolorum nauicula turbulentissimi schismatis horrenda quassatione penè collabefacta, eam cladem sensit, qua clade vix maiorem vllam inde vsque à fundata Ecclesia orbis vnquam senserat Christianus. Atenim cum Gregorio xi. Gallo Lemouicensi Pont. Max. qui sedem Apost. Auenione Romam quasi postliminio restitutam exportauerat, vita functo, Sacri Collegij pileati patres Urbanū vi. Comitijs ad Vaticanum habitis, iis que satis turbulentis ad ann. M. ccc. LXXVIII. mense Aprili sublegissent, quarto post mense factiosi quidam, & disciplinæ impatientes ex sacro numero Robertum Geneuensem (nomē fatale Christiano Imperio) nomine Clementis vii. Fundis in Romana Campania, sub sortitione inauspicatissima subintulerunt. Quare cū res adducta esset, vt fædissima defectione Roma cum verò Pontifice defereretur, iterum ambitioso schismatico vexillifero peteretur Auenion; supremum illud numen, cuius nutu sola terrarum gubernantur, ita maximo malo medendum censuit, vt ex suo edito cœlo sese pro Romano Pontifice stare præsentem maximis indicijs demonstraret. Quod enim ferunt turbato, atque fluctuanti pelago iniectum oleum fluctus sedare; volucresque Alcedines cum mari nidificaturæ infederint, quantumuis iratum, commotūque salum tantisper conquiescere, dum pullos excluderint; idem mihi prouidentissimus Deus voluisse videtur, vt cū latè omnia sacrilegis armis horrescerent, animas sanctimonia excellentes, fulgentesque miraculis mundo inferret.

quarum merito, oppositūque turbæ illæ immanissimæ placarentur. Miratur B. Antoninus in illa generali coniuratione vtrāmque partem sanctos miraculis claros, vtrāmque viros, sine exceptione, doctissimos, vtrāmque successus subinde prosperos habuisse: longè mihi alia mens est Beat. Pater, & quanquam schismatici perduelles sanctos penes se allicere, & iactare voluerunt, vt ea sanctitatis specie mastrucati vniuerso orbis terrarum imponerent, eos tamen proprios, & veluti hæreditario iure redonatos germano Pontifici is maxime videbit, qui rerum gestarum momenta non vulgari decempeda, sed illa sinceri iudicij exacta statera pensabit. Non sum nescius tempore Clementis illius subreptitij, Auenione Beatum Petrum Luxemburgensem diuinum adolescentem, quem ipse Cardinalem fecerat, tantis, tam certis, testatīque, tam inauditis hæctenus prodigijs floruisse, vt de paucis ex Sanctorum numero, neque plura, neque magis testata legantur: vidi ego Auenione non numerata solū, verum etiam ritè testata, digesta, & obsignata mille nongenta sexaginta quatuor, inter quæ duos, & quadraginta mortuos proximè ab illius interitu biennij spatio, à mortuis suscitatos. Veruntamen ijsdem in actis autenticè compilatis, ego item perlegi sæpius illum tentasse sese à schismatici consortione seiungere, idque ita clam aliquando adornasse, vt coëmpta ex crassissima canabina tela veste vsuaria, purpurā abiecta, solo rituali breuiario armatus per pseudotyrum, elabi, remotis arbitris, & in vastam solitudinem secedere



dere tentarit, cùm in ipso vestigio, ab Ægydio, qui illi erat à confessionibus per vim retentus, atque ex itinere abreptus, deinceps illa tyrannide adolescens oppressus ibi consistere, in illo candore inculpatæ, iniurataque conscientia cogereetur. Atque vt diuina quoque demonstratione, cælestique indicio eius impietatis nihil præter domicilium habuisse ostenderetur, quæ miracula tot, tantæque patrauit, eo iam, anno ætatis duodevigesimo, vita defuncto, potissimum acciderunt, ne eius vita schismaticus gloriaretur, cuius gloriosus interitus Catholicæ Ecclesiæ deferuaret. De magno illo Vincentio Ordinis Prædicatorum, quem iure quis optimo occidentis Ecclesiæ Taumaturgum, atque Apostolicæ mentis veluti exfuscitorem appellauerit, certè à Versipelle illo Lunatico archipirata Petrò de Luna Pseudoclementis in schismate successore, ex Hispania subdolè, & veteratoriè accitum eum fuisse constat, illi vt esset rum à confessionibus, tum à concionibus: nam ea vna arte ingenium illud per omnia versatile, & captiosum suam factionem posse conualescere neque inscitè subaugurabatur: at ille Sanctus postquam Cardinalatum ab illa vulpecula vltro oblatum recusauerat, postea eius scelere magis deprehenso, cùm sæpe hominem admonuisset, sæpe increpuisset, sæpe per fugam deferere frustra tentasset, tandem seriò diuino viso sese inde proripere coactus fuit. At B. Catharinam Senens in maximum Religionis Christianæ miraculum, cle. mentissimus Deus primum Urbano sexto anxie admodum laboranti proui-

*Pseudocö.  
Perpini-  
ni manu.  
scriptum  
vita B.  
Vincitij.*

derat (qua auctore Apostolica sedes ex diurno septuaginta annorum diuerticulo, iam Auenione Romanam paulò ante reuerterat) quæ & crebris illi litteris animos adderet, consilia veluti Sibylla altera daret, remedia suggereret; quæ Principes Christianos in officio contineret, ac de eius germana electione securos, tutosque redderet; quæ transfugas Cardinales non muliebri fortitudine, vt resipiscerent, commonefaceret; quæ ad extremum penè sola orbis Christiani propemodum fatiscentis Atlantæum, vt ita dicam, pondus suis humeris, ac multò magis suis consilijs, imò verò suis precibus sustentaret. Verùm moritur intempestiuo tempore, illa perturbatione maximè ardente, Catharina Senensis. Quid agat Ecclesia? quò se vertat? quam anchoram capiat? quod oraculum adeat? quam Pharon adspiciat? tam præsentì, tam certo, tam potenti præsidio destituta? ô vim prouidentia singulari! Beata Catharina consenscente, Romæ ipsius loco B. Francisca ad eam curæ orbis terrarum partem puella nascitur, anno post schisma inchoatum sexto vix ineunte. Quo mihi verè videar esse dicturus ipsam bono Ecclesiæ datam, ipsam propriè Sedis Apostolicæ dulcem filiam, ipsam teterrimi monstri domitricem, ipsam superbi Amanis victricem, ipsam teterrimi Holophernis expugnatricem, quippe crudelissimæ post hominum memoriam seditionis conciliatricem fuisse, quo miraculo maius miraculum aut dici, aut scribi, aut cogitari nullum potest. Quo illi se & Romana ciuitas obligatissimam, & sancta Apostolica

sedes deuinctissimam, & Christiana Respublica ob-  
strictissimam in perpetuum, hac verò noua consecra-  
tione vel procurata, vel decreta, vel celebrata, sese ex-  
hibuisse illi gratam fateatur. Quam ego cum in cunis,  
hinc inde turbulentissimo schismate obstrepente, at-  
tentius intueor, videor mihi alterum Mosem infan-  
tem videre fiscella scirpea vorticoso flumini commis-  
sum, quo postea adulto, manúsque ad cælum sustol-  
lente, commisso prælio, acies Hebræa vincebat. In  
quo ne aliquid credar ex meo sensu vaticinari, tria ex  
illius vita iam Italicè ab alijs descripta, tametsi id acta  
non memorant, explorata habemus, quibus ad illam  
partem diuini consilij recognoscendam, ac reda-  
mandam adduci possimus. Primum se illi aliquan-  
do in somnis obtulit matrona honesta, admodum,  
& liberali specie nobilis, quam immanes gigan-  
tes insectati miserè obsessam ad internecionem pe-  
tebant: donec B. Francisca spectaculo attonita in  
preces ardentius prouoluta matronam eam formi-  
dolosâ vexatione liberatam, vixque dum ex metu satis  
respirantem aspexit: & erat ea vox, is vultus, ea tota  
maiestas corporis, vt Catholicam Ecclesiam esse con-  
staret; Gigantes verò illa generis humani potentia re-  
bellantium transfugarum, qui cæca cupiditate in trās-  
uersum acti sacra, profanáque omnia promiscuè ha-  
bent, superósque more Titanum manu confertum  
vocant: genus hominum insolētissimum, & ludibriū  
naturæ deerratis insigne, res inanis tamē, sed quæ Co-  
lossos Rhodienses flatibus suis possit euertere: ac de



Ecclesia obtinuissent illi quidem, si Principes, & letissimi quique rei Christianæ moderatores eorum laceris, distractisque velis velificari, aut eorum furiales Aquilones, & turbulentos turbines sequi voluissent. Præter hæc aliò viso Sanctos tutelares suos Paulum Apostolum, Benedictum Archimandritam, & Mariam Magdalenam, veluti præsentés aliquando habuit, quorum verbis exactè moneretur, vt diuinæ iræ auerruncandæ causa sese solito pressius in preces daret, ne offensum numen iam amentatas illas suas hastas, illaque ultionis horrida tela vrbi Romanæ intentata vibraret: quare cùm dicto audiens numini exorando acriùs instaret, intellexit aliò crispantiâ iam, iamque spicula fuisse à capitibus vrbis, orbisque deflexa. Denique inclinante tantum non, & præcipitante schismate, porrò illi Deus per B. Apostolum Thomam sub ann. M. cccc. xxxii imperauit in somnijs, vt magistrum, quo ad confessiones de peccatis utebatur ad Eugenium iv. Pont. Max. mitteret; eum moneret sese Basiliensi Concilio, quoad eius fieri posset, attèperaret, ne nouis incendijs materies ministraretur; eam in rem in consultationem certos Doctores, Deique famulos cum Cardinalibus adhiberet, quibus ad id omne negotium ventilandum vteretur: ita si quidem Deus humanitus agi imperat inter homines. Quòd Eugenius vti consultum à Beata fuerat abundè præstitit, plurimâque decreta turbulenti eius Synodi peculiari diplomate sancta esse, & rata voluit. Pertinet eòdem illi oblata altera Beati Benedicti

mirifica visio, quo Franciscam admonuit ipsam potissimum ad salutem animarum natam, ipsam datam, cōcessamque, illo funestissimo tempore, humano generi fuisse, in eamque idcirco præcipuè curam incumbere oportere. Ex quibus omnibus, ne fidei Catholicae momi hîc nobis obganniant, certam coniecturam accipimus, densissimis illius calamitosissimi seculi tenebris, ac procellis, clarissimum illud sidus obortum fuisse, ne suæ Iudithæ, suæ Hester, suæue Debboræ Christianis seculis desiderarentur. Ille enim sapientissimus omniū moderator, qui infirma solet eligere, vt fortissima quæque confundat, se magis præsentem, ac si fas dicere, magis Deū exhibet, paruis auxilijs, plerunque, quā magnis: neque se magis, opinor, formidabilem præbuit cū exercitu, quā cū arca Philistæos fudit; cū Abimelec armata manu, quā cū immanem Goliath limpidis lapidibus infantili Davidis funda vibratis prostravit; neque opinor cū Elephantorum, equorūque superbo apparatu varios populi Hebraici hostes, quā cū muscarum, & locustarum, & sciniphum plaga Pharaonem obstinatissimum obstupefecit. Planè in omnem partem ibi magis viget, vbi magis sola Diuinitas, quā vbi magis hominum opẽ sociata grassatur. Sed quarta illa tabella quarto illo speculo reuerberata animum pridem ad se rapit, vbi inter flosculos variè, veluti in quodam elysio, inter nutriculæ brachia volutata, lac ex vbere interim virginitatis insigne pressulis labiolis exfugit, itaque præcocis cuiusdam pudicitia, noua, atque in pau-

IV.  
VIRGIL-  
NITAS  
prodigio-  
sa.

cis hæcenus visa argumenta suppeditat. Quid enim mirabilius, quid magis apud homines inauditum, quàm B. Franciscam, vt ita dicam, lallaturientem, cùm infans nutricis gremio primulum gestaretur, nusquam, vti alij ante me scripserunt, se passam ab alio quoquam, nisi à parentibus vel leuiter contingi, aut attrectari; imò verò ne à parentibus quidem ipsis prius, quàm puerilibus fascijs tecta, & decenter operta fuisset? ac si secus facerent, tum se puerili eiulatu, infantilibus digitulis, formicantibus, lachrymulis, & suspiriolis tueri in contrarium solitam, à quibus nulla sibi arte temperaret, donec consuetis pannulis tegeretur? quod illi ipsi contestati sunt, qui ex longa obseruatione eius ætatulæ lactæolum pudorem fuerant toties in lactente puella mirati? Quod si sanctissimi Myrensis Episcopi Nicolai, quanta futura esset olim illius sanctimonia, ipsis incunabilis ostento fuit, quòd statis diebus hebdomadæ ab exugendis nutricis vberibus abstineret; quàm tam puellæ Franciscæ futuram impofterum castimoniam auguremur, quàm illi adeo cordi fuisse, antequam nosset, obstupescimus? Proxima ab quarta capedine sese summa venustate visenda figura obijcit, domestica à parentibus hausta cum lacte institutio, sic vt eius æqualibus ad varia ludorum, vt in illa ætate, studiola lasciuiantibus, illa manibus preculas horarias deuoluat. Videres infantem vt in autenticis illius actis legimus, ab Ephebis iam principio infantioris ætatulæ, ea iam factitare, quæ maturioris sanctitatis indicia redolerent: hinc inde pias orationes congerere,

V.  
INDOLES  
PVERILIS  
& educaō  
admirabi-  
lis.



quas statis horis Deo, superisque persolueret; litteris  
 eis maximè capi, quæ diuina tractarent, alias leuiter  
 quasi ex Nilo attingere; cum matre, cum ancillis, cum  
 alijs domesticis seruitijs per quàm libenter diu, noctu-  
 que de rebus pijs verba conferre; furtim eleemosinas  
 egenis adspargere, non familiæ splendore, non clari-  
 tate generis, non affinium consuetudine, non alijs stu-  
 dijs, quæ illam ætatem tenere solent, oblectari, sed  
 Deo, sed solitudine, quam etiam in tumultu dome-  
 stico reperiēbat; sed frequentatione sacrorum, sed  
 precibus, inedijs, asperitatibus vitæ strictioris, quibus  
 sine exemplo tenerum, delicatūque corpusculum  
 obterebat. Nō iam infantem Herculem nescio quem  
 in solitudine apud Xenophontem in Pædia Cyri vir-  
 tutis edentulæ, vetulæque monita amplexantem, aut  
 Daidulum in agrestibus syluis, vrsis, ac leonibus colla  
 frangentem, sed Baptistam in Heremo veluti vagien-  
 tem videre te diceres,

Xenoph.  
 Cyriped.

*Nunquid immunis fuit  
 Infantis ætas: monstra superauit prius  
 Quàm nosse posset, illa quæ contrà obuia  
 Reptant infans: igneos serpentium  
 Oculos remisso pectore, ac placido intuens  
 Arctos serenis vultibus nodos tulit,  
 Et tumida tenera guttura elidens manu  
 Præclussit Hydra.*

Senec.  
 Here. Oct.

Vix vndecennium ætatis attigerat, quando velut in  
 ludo puerili constituerat secedere à turbis, & solitudi-  
 nem quærere, saltē se, vbi vbi in promptu esset, Deo,

Acta pu-  
 blica.

arctius seorsim à strepitu hominum voto perpetuæ castitatis obstringere, nisi & parentibus aliud visum, & numini aliud occultiore quadam mente prouisum fuisset, vt nouum exemplar eo clarius, quo rarius in nuptarum genere ederetur. Porro hoc robore animi iam tum, atque hac indole virtutis, & continentia fuit, vt respiceret omnes voluptates corporis; quam non quies, non remissio, non æqualium studia, non ludi, non conuiuia delectarent; quæ nihil in vita expectandum putaret, nisi quod esset cum grauitate, cum pietate, cum modestia, cum seueritate coniunctum: deliciae autem illæ pueriles, quæ maturè cum tempore deflorescunt, nunquam occupatam eam, impeditaque tenuerunt: nulla luxuries in moribus, nulla immoderatio in vita, nulla cupiditas in studijs, nulla libido in consuetudine, nulla mollities in habitu, nulla leuitas in incessu, nulla corruptio in disciplina, nulla varietas, aut inconstantia in illa ætatula apparebat. Angelus potius in corpore humano, quàm puella inter homines videbatur. Audacter dicam, sed verè tamen, Angelos ex suis supremis orbibus reuellebat, vt ex similitudine ingenij iam cuperent cum illa inter mortales assiduè, & familiariter diuersari. Sexta exinde figura existit conuictum cum purissimis illis cælorum accolis ea ratione complexa, vt adiunctus ad latus vbique Franciscam stipator, & assecla Angelus prosequatur. Semel eius generis dicemus omnia, ne subcisiuis frustulis res magnas frequenter abrumpere cogamur. Ioannem Baptistam hîc operis parergo adpictum

VI.  
ANGELI  
TVTE.  
LA RIS  
cōuictus,  
& fami.  
liaritas.

adpictū Nicephorus tradit in horrifera Heremo iam inde propemodum à cunis Elizabetha parente demortua, ab Angelis in maternæ curæ partem succedentibus nutritum, educatum, eductum fuisse. Beata Francisca hoc amplius, perpetuum veluti honorariū asseclam humana figura spectabilem semper habuit, vsque ad extremum vitæ spiritum, cuius monitis, nutribus, & tota plusquam familiari sollicitudine regebatur. Tametsi enim autentica acta potissimum dicunt de prouectiori ætate, primū inito matrimonio, deinde marito vita perfuncto, custodem illi Angelum spectabili forma fuisse concessum: tamen huc de eo argumento omnia congeremus, cū vitam Angelorum æmulam ageret: ita siquidem Christus ne de paruulis hæreremus effecit, cū ore sacrosancto discipulos monuit, ne cōtemnerent quemquā ex paruulis, *quodd Angeli eorum in cælis semper viderent faciem Patris eius, qui in cælis est.* Ioannes Matthiottus (nam acta publica nec tam multa, nec tam singularia complectuntur) ciuis Romanus, cui B. Francisca annos circā vndecim, confessiones audienti operam dederat, testis oculatus, & grauis scriptum posteris commendauit Archangelum illi non propugnatorem solum, atque custodem, aduersus quotidianas tenebrosorum spirituum incursiones arcendas; verū ad totius ætatis singulas moderandas, dirigendāsque rationes concessum fuisse, à quo ne perleui quidem momento defereretur. In quo mihi videtur diuina benignitas ad amorem nostrum magis tanto benefi-

Math. 18.



Arist. de  
celo.

cio inflammandum, voluisse hominum sensibus semel obijcere, quæ cæteri ductores spiritus in singulorum tutela mortalium, quibus prælunt, quotidie occultis obsequijs exequuntur. Qui non minus idcirco beati sunt, aut magis negotiosi, & occupati, quam si soli Deo fruendo se sisterent. nam si cælestes intelligentiæ rotandis continuò immensis illis cælestium globorum orbibus affixæ non minus, vel ipsius Aristotelis sententia beatæ censendæ sunt: si, vt certiora consecretemur, & quæ nihil dubitationis afferunt, nihilominus Beata extitit Christi patientis anima vel rebus humanis intenta, vel ligno suffixa, vel ad subterraneos Limborum specus profecta, quam hodie est ad Patris æterni dexteram collocata; si Raphaël Angelus haud quaquam à fœlicitate decidit, quam semel adeptus amittere non potuit, ex cura illa tam singulari, tamque diuturna Tobix suscepta; si reliqui spiritus ad Mosem, ad Abramum, ad Prophetas cæteros passim missi nullâ firmatæ beatitudinis decessionē patiebantur (nam ne sic quidem, ex Philosophi sententia, essent beati) si ad hæc Deus vbique præsens, vbique beatitudinem ostentare, vbique sese offerre, etiam Latroni in cruce pendenti potest; si ad extremum ipse Stephanus protomartyr etiam istius grauiissimi corporis vinculis, & carcere occlusus, Christum tamen in cælis à dextris virtutis Dei, inter saxorum grandines, horrendaque lapidationis sanguinariæ crepitacula ex corpore adspexit, quid oblatrabunt isti ex luto, atque argilla ficti homines, qui diuina omnia sui circularis in-

genij plebeia regula metiuntur ? qui audiant vnum ex Archangelorum numero numquam à Beatæ latere discessisse, cuius studia omnia dirigeret, vota, voluntatesque componeret, dicta, facta, cogitata omnia moderaretur ? Ingrati ! sacrilegi ! qui qua se causa benéfico numini gratos præbere deberent, ea insolescere, ac sese impudenter efferre non reformidant ? Ergo illi aderat perpetuus comes Archangelus summè venustus, & tota specie pulcherrimus, candore, qui niuem excederet, oculis ad cælum semper obuersis, brachijs circa pect<sup>9</sup>, crucis figura, decussatis, cincinnis veluti auro crispantibus, tunica ad talos à ceruice protensa collum tegebat, candida vulgò, quandoque cærulea, rubra nonnunquam illi inerat. Tantus è vultu splendor emicabat, vt ægrè Francisca fulgorem oculis ferre posset : quin eo scintillabat interdum, vt nocte intempesta, haud alia face vel diuinas preces ex libro decurreret, vel cubiculi omnes angulos rimaretur, vel alia id genus domestica munia exerceret. Iussa aliquādo à suo præposito edicere qua statura, aut qua forma esset, illa in Archangelum directo obtutu defixa, eiúsque brachiolum circumplexa, manu ad verticem instar blandientis allata, adeo commodè designabat, vt pater figuram aptè discerneret, quæ puerilem non excederet. Iam quando Beato Thoma Theologiæ Principe, & nostro Dionysio Areopagita, aliisque scribingentibus, Angeli hominibus diuino munere donati sunt, vel ad propugnandum contra cacodæmones, vel ad collustrandum in dubijs, vel ad expurgan-

dum à vetitis, vel ad recreandum in aduersis: si Tartarei illi lemures illam, quod sæpe, multumque faciebāt, aut impunè pulsarent, aut inani horrore terrerent, aut captiosè in meliorem spiritum transformati in fraudem adducerent, momento Archangelus, aurea coma leuiter ventilata, concussaque, gratam quandam lucem euibrabat qua Franciscæ animus mirè firmatus recreabatur. Sin frequenti consanguineorum, aut amicorum concursu, qui tum officij, tum spiritualis quæstus causa ad illam confluebant, aliquid illi, vt in ista præfragili contagione, aut facto, aut dicto, aut cogitato minus compositè excidisset, vel se illa in curas domesticas superuacaneo studio profudisset, sese ille admonitor spiritus tutelaris ab illius oculis summouebat, ex quo illa in se reflexa, interioris conscientiæ latebris exactè discussis, in cuiuscunque leuissimi lapsus cognitionem veniebat, tum solertior facta, errorisque pœnitens futuræ cautionis emendatione proposita dulcissimi monitoris aspectum recuperabat, quo cum interim dum se illi redderet, gemens opinor, dolensque

*Cant. 2.* ita ex animo fermocinabatur. *Similis est dilectus meus: caprea, hinnuloque cernorum, en ipse stat post parietem nostrum, respiciens per fenestras, respiciens per cancellos. Reuertere: similis esto dilecte mi, caprea, hinnuloque cernorum super montes Bethel.* Quamobrè abstractissimus ille Dorotheus monebat magnā custodi cuiusque nostrum Angelo exhiberi reuerentiam oportere, ne extemplo fugatus aufugeret: quare cum quieti nos damus, modestè, sobriè, & consideratè agendum, ne indecenti.



aliqua turpitudine, Angelus qui nobis inuigilat, indignatus è nostro sese comitatu proripere cogeretur. Ex eodem manabat, quòd si quisquam grauius, præfente spiritu, laberetur, ille sibi manibus oculos obnubebat, quò admissæ culpæ conceptû horrorem restaretur. Beatæ Franciscæ pro pædagogo datum putares, qui labentem erigeret, perplexam instrueret, errantem moneret: nam & sanctos Patres video passim ita sensisse, cuique nostrum in hoc lubrico, & ancipiti deuixæ mortalitatis exilio, instar ductoris, atque magistri datum monitorem Angelum; hominem námque habere instar infantis, quamdiu hîc moretur, qui eo diuino magisterio maximoperè indigeret. Quid illos carnifices implicationis conscientix stimulos, quos scrupulos vocamus, quàm ille scitè admonitor spiritus retundebat? quàm reuellebat, extirpabátque radicitus? quibus cum illa aliquando orationi ardentius intentata fodicaretur, illam exporrecta, & serena fronte intuitus ita placauit, vt deinceps in perpetuum, inanissimam illam mentis vlceratæ scabiem persanaret; postquam perdocûisset ista friuola esse obstrepentium Cæcodæmonum terricula, & machinamenta minimi ponderis, quæ eludendo potius dispuluerata, quàm contrà nitendo depulsa frangantur. Ac iucunditatem conuietus familiaris, socialisque consuetudinis, quantam, quàm solidam, quàm sinceram, ac puram Deus immortalis! afferebat: seu cum Beata familiariter colloqueretur, tanta cælestis illam alloqui, tamque sincera dulcedine perfundebat, vt harmonicos concen-

tus humanos omnes, præ illo suaui fufurro inconcin-  
 nos, ingratosque duceret: seu in cælestium rerum me-  
 ditationem se traderet, tum verò ea tum scienter, tum  
 accommodatè, tum efficaciter de singulis virtutibus,  
 de pudicitia, ac de innocentia speciatim, aliisque, quas  
 magis in Angelica natura regnare prospiceret, dislere-  
 bat, vt suum illum Doctorem dictantem prosequi, at-  
 que ex eius ore concepta proferre liquidò appareret.  
 Magna sunt quæ dixi, & quæ captum humanum su-  
 perent; maiora, quæ dicam impofterum si non illo re-  
 bellantium censorum supercilio, sed sanctioris inge-  
 nij Christiano candore ponderentur. Nam quamdiu  
 nupta thoro deferuijt, hunc, quem modo dicebam,  
 comitem Angelum semper obtinuit; postquam verò  
 marito orbata se arctioris vitæ religione colligauit, al-  
 ter illi ex quarto Hierarchico ordine, haud paulò su-  
 blimioris gradus, illo priore permutato, fuit conces-  
 sus. Quemadmodum enim apud Aristotelem illæ ce-  
 lorum agitatrices intelligentiæ eo nobiliores existant  
 necesse est, quo propius ad supremam illam sphæram,  
 vbi Deorù domicilium supersticiosus Philosophus col-  
 locatum putabat, accederent, quòd nobiliora, & ma-  
 iora corpora circumferrent, haud secus planè philoso-  
 phandum est de hominibus, vt qui Pontificalis, qui  
 Imperialis, qui Regiæ, qui Principalis, qui alterius ex-  
 cellentiæ dignitate, vel vitæ perfectioris, sanctioris-  
 que præstantia cæteris antecellant, è superiori qua-  
 dam cælesti centuria, tutelares Archangelos nanciscā-  
 tur. Quos idcirco diuinus Apostolus quosdam thro-

*Arist. de  
 celo.*

nos pro pontificibus, alios principatus pro principibus, alios potestates pro magistratibus, nonnullos virtutes pro virtute præstantibus, tum alijs ex causis, tum ex tutelæ peculiaris officio, vti ego quidem existimo, nuncupauit. Iste alter nobilior Angelus veluti superior, extrema, ac visibili specie, sed multo elegantiori forma præditus, non capillorum vibratione illa sensibili, aut scintillantium oculorum indicio, verdm arcana vi quadam, ac propria, quam innatam, atque in sese penitus insitam circumferebat, Tenebricolas Genios auertebat, arcebátque: cultu etiam, ornatúque haud paulò aliò visibatur. Dextera triplicem palmæ rammum aureum gerebat, quibus terni glomi appensi non illis absimiles, quos bombyces conglobato serico obuoluunt, vnde ducta stamina Angelus, & collo implexa velut in globum adglomerabat, id quod continuò faciēbat, ad annum vsque M. CCCC. XXXIX. ad xviii. Kal. Sep. quando se dixit triplicem Franciscæ telam contexere imposterum pensi habere; vnam centenno, alteram quinquageno, tertiam triceno sub tegmine textilem, quo Euangelici feminis tergemnam fœcunditatem, triplici perfectioris vitæ prouentu, in Beata Franciscæ, virgine, nupta, vidua, exprimebat. Quod enim de paucis vsquam legimus, omnia triplicis eius status ad summum apicem prouecta exempla in vna Beata Franciscæ tenemus: sic vt in thoro pudico tricenus, in viduitate quinquagenus, in virginitate præseipim Religioso cumulo absoluta centenus fructus, culmis velut herbescens geniculatis, pullularit.



Verùm dum cælestis genius istis ordiendis multiplicium telarum staminibus occupabatur, feles circum obgannire, canes allatrare, monstra negotium filorum abrumpere, turbare, sæuire, miscere omnia; ne nesciremus quæ, quantæve subeundæ sint Angelo, cum teterrimis Tartarorum indigenis manibus, contentiones. Quin etiam sicubi correptioni sociali, vt inter Religiosos vsu receptum est, Francisca magistra operam daret, quod incredibili charitate, & mansuetudine, faciebat, vel priuatim cui vsus esset, remotis arbitris, vel vniuersè omnibus simul adstantibus, vel propriè sibi, quando vesperi quotidie, de more, ipsa defectus proclamabat suos, tunc ab ordiendi opere custos feriatu summè ad ea, quæ fiebant attentus tenebatur, nec vulgarem se ex ea specie voluptatē haurire, tota compositione, & hilaritate vultus testabatur. Aliàs statò officio recitando distenta ad verticem Angeli velut excelsam columnam nouo quodam fulgore splendentem videbat, quæ cælum ipsum altera extremitate contingeret, quo visu, vltra quàm credi potest, exhilarata tota ad diuinæ bonitatis encomia; oculis iucundissimo adspectu in cælum iniectis, rapiebatur. Denique illi officiosissimus spiritus pro nitidissimo speculo aderat, in quo haud paulò perfectius, sinceriusque, quàm in illo altero, tū præsentia, quæ latebant, tum futura longinqua cernebat, quæ benignissimus illi Deus indicabat, tam suo proprio commodo, quàm aliorum spectato compendio, quorum sæpenumero reconditissima sensa, in illo inexplicabili lumine

lumine intuebatur. Vnum perfectæ voluptati officiebat, quòd tanto lumine veluti fulgurabat, vt nec diu, nec satis, prout cupido erat, in eo occupatum obtutum tenere posset: vnde nocte nescio qua, imbecillis voluptate sensus præfulgido sideri oblucente, cum illum obniteretur attentius, acriusque solito speculari, tantum ex eo est repente, cum grauissimo cruciatu, in oculis cõ citatum incendium, vt nullo artificio pupillam refrigerare, nec quietis vllam partem capere potuerit, perinde atque obuersa palpebra, obstinato contuitu claram, ac plenam meridiani Solis incensam facem sustinuisset. Ecce vnde factum putetur, vt quamprimum illa excessit è viuis, illius imagines, cuiusmodi passim Romæ reperiuntur antiquæ, recentésque, cum Angelo assecla deinceps depingi cœptæ fuerint, libello ad manum Sanctæ adposito cum illa diuini Psaltæ modulatione, *Tenuisti manum dexteram meam, & in voluntate tua deduxisti me, & cum gloria suscepisti me.* Psalm. 72. Angeli quippe custodia se sustentatam intelligit. Et ecce, inquam, Angelicæ, virginálisque verecundiæ quasi centeno filo telam obtexam, centuplici fœnore remunerandam puritatem: ecce solennis pyræ priorem ex tribus congeriem primore Franciscæ ætate extructam. Ecce ad extremum vnde puellę virgines, quot illis necessaria esse possunt, in virginitate seruanda documenta colligant. Primum vt honestati maturè, à primoribus annis, quàm seuerissimè assuescant, vt quæ vel leuiter licentiam immoderatam sapiunt magis penitus ignorare, natali

indole quadam, quàm expugnare cum tanto periculo cogantur. Alterum vt licita etiam fugiant, constanterque exhorreant, ne paulatim natiuo pondere ad illa prohibita prolabantur; familiaritates, quantum honestè potest, omnes euitent; illa verò clara incentiua libidinũ, ex familiaritate colloquia, ex colloquijs officia, ex officijs tentamenta paulò magis, quàm grassantem pestem auersentur, primòque in aditu hosti resistent. Deinde non modo pudorem in pectore infixum, sed restatum, & clarum in specie circumferant; nemo siquidem castam putet, quã plerique appetunt, perindèque in virgine, amari, atque amare putandum est. Super hæc, vt non nisi necessitate cum hominibus, ita familiaritate domestica cum Angelis conuersentur; æmulatio sit vt vitæ suæ formam ad rationem Angelicam conformet, nihil, nisi Angelorum vel instinctu, vel comparatione aggrediantur: habet virginitas quo sese illi purissimæ naturæ conferat, fortasse etiam quod anteponat. Ad extremum quo ad pudicitiam cōseruandã nihil excogitari potest præsentius, si insectator Dæmon infestis titillationibus, si ancipiti perturbatione fluctuantis conscientiæ, si molesta vlla vexatione mentem, aut corpus obsederit, tum tutelarem spiritum veluti præsentem, & propugnantem, & Dæmonibus obluentem, & generosæ mentis conatibus gestientem, & rebus ex aduerso indecoris se obuelantem, velutique scædis factis erubescensem intueantur; ad illud se speculum attendant, in eo se lumine adspectent, ea vna regula totius vitæ rationes.



exactè, & examissim metiantur : non cibum, non somnum, non forum, non torum, non templum, nisi illo ductore, & comite petant, illius à magno Bernardo Clareuallensi præclare dicti semper memores, quouis loco, quouis angulo, quouis opere, quouis tempore honorem familiari Angelo esse maximum deferendum, quem non ideo non præsentem haberemus, quòd se hisce oculis spectandum non præberet : experta loquor, norunt, qui ista curant, sentiunt ad pudorem illibatum custodiendum, operæ, atque artis pretium esse, se vbique comitanti, prospectantique Angelo præsentem, & spectabilem, certa, perpetuâque æstimatione sentire.

*D. Bern-  
In psalm.  
qui ha-  
bitat.*

Altera contignatio coniugatis exurget mulieribus, senis ad latera figuris miraculo quodam artis optiçæ per totidem specula prominentibus. Lignum ex malis omnium generum Sydonijs, aureis, Punicis, cæterisque fructiferis dedolatum, tornatumque, nisi quod columnæ opere Ionico molliori, sed tamen solido, & erecto plenis vuarum pendentium pampinis adrepentibus veluti implexæ, conuolutæque, quod vitium ingenium est, maritantur. Ægyptia symbola stylobatis ornamento addita; canistri delicatioribus fructibus, Baccis, Amygdalis, Fragis, vuis præsertim, variato colore regnatibus, grata ad intuendum varietate onerati: alijs Cinnamomum, nuces Indicæ, thuris, piperisque arbusculæ depinguntur: eucarpi miraiucunditate visendi, mala Punica, granorum arcta societate sese rimulis ostentante, mala aurea primum

*STATVS  
CONIV-  
GALIS.  
Sex alia  
Specula.*

Cant. 7.

odorem extrâ spirantia; citrea odore simul, & colore,  
& sapore felicia; poma castis amoribus non aliena, illa  
inſcriptione, SVB ARBORE MALO SVSCI-  
TAVITE. Ficus rugoso habitu, trunco vim dulce-  
dinis præcipuam cælantes complectantur pampi-  
nis frondentibus lemniscati, ad Draconum rostra no-  
dati ex Burghesiorum ni fallor illustribus insignibus  
accerſita; nam etiam Draconem vigilem hortis He-  
ſperidum, vbi mala aurea ſeruabantur, datum custo-  
dem accepimus. Intercolumniorum bini ſimulacro-  
rum loculamentis iniecti ordines, superiores quidem  
ſex illa ſacrarum coniugum exempla proponunt, quæ  
in B. Franciſca connexa videmus, Abigail viro oppor-  
tuniſſimam, Rachel ſanctiſſima prole fœcundam,  
Ruth familiaris rei prouidentiſſimam, Heſter populi  
ſui vnicè ſtudioſam, Suſannam coniugalis præſertim  
pudoris cultricem egregiam; Annam Samuelis ma-  
trem rebus diuinis aſſiduè occupatam. Inferioribus  
conceptaculis ad ruborem noſtris mulieribus inijci-  
dum, ſex item matronæ ex media profana hiſtoria ce-  
leberrimæ continentur. Lucretia Collatini vxor fidei  
Genialis ſpecimen præclarum, Iulia Scipionis coniu-  
gis amantiſſima, Cornelia Gracchorum & genitrix, &  
laudatiſſima educatrix, Penelope ſapientis Vlyſſis ipſa  
ſapientior æmulatrix, Alceſte ſui Admeti aduerſorum  
caſuum ſocia uſque ad mortem oppetendam inſepa-  
rabilis; & illa imprimis alia Pythij Regis Celænarum  
vxor cordatiſſima viri vaniſſimorum ſpirituum emē-  
datrix. Sex lateribus, operæ pretio, ſex nuptialis ſtatus



veluti Christianæ leges, B. Franciscæ mirandis facinoribus sanciantur: tot enim, mea quidem sententia, Christianis mulieribus esse documenta debebunt, quæ fœminam illam fortem nobis procul, atque ex ultimis finibus adducere videndam, admirandamque statuerint, quam nos ex maximi Apostoli sententia, quasi coloribus depictam suis exprimere possumus.

1. *Mulieres viris suis subditæ sint, sicut domino, quoniam vir caput est mulieris.* 2. *saluabitur autem per filiorum generationem.* 3. *si quis autem suorum, & maximè domesticorum curam non habet, fidem negavit, & est infideli deterior.* 4. *mulieres similiter pudicas, non detrahentes, sobrias, fideles in omnibus.* 5. *similiter & mulieres in habitu ornato, cum verecundia, & sobrietate ornantes se, & non in tortis crinibus, aut auro, aut margaritis, vel veste pretiosa.* 6. *sed quod decet mulieres promittentes pietatem per opera bona.* Quæ enim matrona exactè nouerit, mordicusque tenuerit, quid marito, quid liberis, quid familiæ vniuersæ, quid exteris, atque viciniæ, quid sibi ipsi, quid superis debeat, ea perfectæ, sanctæque matris familias, numeros ex sapientū omnium, sanctorumque sententia expleuerit. Hæc illa sunt ipsa, quæ totidē tabellis hoc loco graphice colorantur. Atque Corona inscriptionē rei præfert illam, nisi me amo consentaneam, STIPATE ME MALIS QVIA AMORE LANGVEO. LÆVA EIVS SVB CAPITE MEO, ET DEXTERA IL-  
 LIVS AMPLEXABITVR ME. Primum vxoris officium, seu τὸ καθήκον, quod maritum attingit, primo illo, quod primum occurrit, agalmate figuratur. Nam

Ephes 5.

1. Tim. 2.

1. Tim. 5.

1. Tim. 3.

1. Tim. 1.

Ibid.

I.

VXORIS

ERGA

MARITUM

ob-

servantia.



postquam puella nostra mirabilis frustra solitudinem, vitamque cælibem aggredi conata, non vlla sua voluntate, multò minus voluptate adducta, sed mera, eaque satis violenta parentum iussione, & importunitate coacta Pontiano Laurentio nobili Romano, atque opulento nupisset, seseque in eius manum, ac familiam ad regionem Transyberinam dedisset, nihil antiquius habuit, quàm vt excellentes illas animi generosi virtutes marito præstaret, quæ primæ in vxore laudantur: obedientiam summa obseruantia copulatam, amorem, & fidem inaccessæ, & impenetrabilis castitatis: ex quibus pax illa nascitur, sine qua nuptiæ non tam imbecillitatis humanæ solatiâ, quàm diuturnæ carnificinæ cruciamenta videantur. Constat totis quadraginta annis, quibus vna vixerunt, ne minima quidem dissentiuicula, aut leuissimo iurgio sacrum connubij fœdus aut violatum, aut vnquam interruptum fuisse. mirum, & in hac calamitosa vita perrarum, vbi cum imperfectis viuere cogimur, vbi tanta offensionum senticeta non aliunde, quàm ex istius mortalitatis misera condicione pullulant: atque id illa etiam ijs artibus, quæ solæ id possunt, consequebatur. Primum, minimum quémque discordiæ fomitem principio præfocabat: dein ita cupiditates suas cum mariti studijs, rationem cum eius sensu, desideria cum illius voluntate coniunxerat, vt inde nec transuersum quidem pilum, quod aiunt, vllò prætextu, vllaue occasione discederet; ex quo assequebatur vt omnia vicissim maritus vellet, quæ ipsam cupere intelligeret: rur-

sūmque, certamine quodam mutuæ obseruantiaē susce-  
pto, ipsa seu orationi, seu alijs pietatis obsequijs stu-  
deret, accita à viro, neque à viro solūm, sed à quocun-  
que domestico pro familia accuranda, re inchoata,  
infectaque, confestim surgeret, obsequutura. In quo  
quantum Diuinæ maiestati placuerit, nouo prodigio  
tum demonstratum est, cū inter exoluendum quo-  
tidianum magnæ matris officium, calidissimè inter-  
pellata aliquando, quaterque eundem versiculum  
coacta abrūpere, postea obsequio illo ritè perfuncta,  
aureis characteribus descriptū inuenit; quod cognata  
vannotia prudētissima, & sanctissima fœmina, cū  
vulgares antè characteres legisset, se deprehendisse iu-  
rata postea, Apostolus verò Paulus id opera Angeli  
familiaris fuisse factum B. Franciscæ per visum affir-  
mauit. Ita Deus opt. max. Matronalem obedientiam  
suo cultui prætulisse, & diuino testimonio cōsecrasse  
videtur, vt sciolorum quorūdam inconsiderata inge-  
nia castigaret, qui falsa sanctimonix gloriola aucu-  
panda, ita vanis vxores solent religionibus circūueni-  
re, vt sprete mariti, & familiæ cura, dies, noctesque suis  
voluntatibus explendis absument, vnde adeo obdu-  
rata, exsiccateque suo sensu euadant, nihil vt rectum,  
nisi suo iudicio æstiment, viris se refractarias, atque  
infœcnatas præbeant; familias misceant; rem per-  
dant; nuptias profanent; pacem perturbent; pieta-  
tem, quod caput est, apud maritos in odium, & con-  
temptum trahant. Quid dicam de castitate ad eam  
perfectionem, thalami inter naturales illecebras, ob-



seruata, vt nihil illi aliud thorum genialem fuisse, quâ  
perpetuam adumbrati martyrij, & miraculorum offi-  
cinam verè videar esse dicturus: Nam liberis operam  
datura præterquàm assiduè auulsa à sensibus, & toto  
stupore corporis, ac mentis abstracta, ad illas interio-  
res animi delicias efferebatur: id etiam artis, & inau-  
diti hætenus ingenij conferebat, vt præter continuū  
dolorē, eūmq; inolerabilem, quem ex sanctæ men-  
tis instituto, & aliunde patiebatur, interim, quo peni-  
tus naturale membrorum incentiuum opprimeret,  
alijs corporis partibus varios cruciatus, vel nouitate  
inuitatos, vel grauitate impatibiles, teste Volaterra-  
no scriptore satis claro admoueret; quousque Lau-  
rentius facti, consiliique conscius acerbam vxoris la-  
nienam miseratus, tandem aliquot ante obitum annis,  
cum illa pactus est cælibem vitam vti ambo traduce-  
rent. En quàm arguta, quàm ingeniosa, & sagax reli-  
gio ad castitatē, etiam in matrimonij sacra licentia re-  
tinendam. Beata Delphina sancti Alziarij Comitris Sa-  
branensis Principis celeberrimi è Prouincia Narbo-  
nensi vxor, cū se præter voluntatem, iussu Roberti  
Siciliæ, ac Neapolis Regis, Prouinciæ comitris, cui v-  
térque erat consanguinitate coniunctus, viro tametsi  
sanctissimo, addictam ægerrimè ferret, eaque de causa  
Curie Regis pōpas inuita subire cogeretur, ad Cho-  
reas vt fit, inuitata delicatissimum corpusculum, aspe-  
ro cilicio sub pretiosa veste celato, inter saltandum in  
tripudio cruciabat; lapillos aculeatos clam calceo-  
lis nudæ plantę substratis ingerebat, vt illis veluti sti-  
mulis

*Volaterr.  
li. 22. frus-  
tum car-  
nis porci-  
na ardens  
sub pecto-  
re adhibe-  
bat, aut se  
toto cor-  
pore pico  
oblinibat.*



mulis choreę vanitatem presenti supplicio castigaret: atque quod omnem admirabilitatem superat, cū marito ita viuebat, vt eo prima, nuptiarum nocte, sese virginitatis in perpetuum voto concepto, consecrante, quod illa multò iam ante præstiterat, ambo deinceps nemine mortalium conscio, cælibes eodem in thoro, plusquam duodeviginti annos vsque ad vitæ extremum diem perdurarint: quæ omnia in B. Alziarij cōsecrati diplomate Pontificio authenticè perscripta reperiuntur. Quis verò Principem puellam Delphinam omni magnifico vestium apparatu nitentem exterius, ita se vlscisci interiùs iudicaret? quis pietatem in nugis, modestiam in luxu, frugalitem in delicijs, paupertatem in auro, vexationem in purpura, asperitatem in serico, abiectionem in gloria, religionem in chorea, virginitatem in thalamo, constantiam in puella, heremum in curia, adeo cum diuina ope non defuturam suspicaretur? non sunt facta Sanctorum humano iudicio, sed diuino calculo ponderanda. Equidem in matrimonio, audeo dicere, B. Franciscam cælibem animum penitus habuisse, quod ego maximum prodigium duco, solo corpore, ad præmium perfectissimæ obedientiæ, coniugij legibus, atque obsequijs derelicto. Virorū adspectu, perinde, ac puella virgo non turbabatur solū, verū etiam incredibiliter afflictabatur: eos imprimis vt piacula auersabatur, quos inhonestæ Veneris labe fœdatos præsentisceret, quorum intuitu magis, quàm aliorum offendeatur: quoties id sceleris vel nominari verbo tenus

audiret, roties illi pectus, atque viscera horrore nescio quo cõuulsa subuertebãtur. Idẽ sentiebat, sufferebãtque quoties per inominatas, & mulierculis prostituti pudoris vulgares vias necessarium illi iter esset, ad quas tamẽ cum illo cruciatu, omni ope, atque remedio, ex eo cœno eripiendas, ingenti caritatis studio, se depri-  
mebat. Aliquando trans Tyberim proximẽ ad Hebræorum aream, cùm iter necessariò ageret, quodam in tugurio, aliquot cacodæmones tripudiantes, bacchantesque aspexit, ex quo viciniam sciscitata, num sceleris quippiam eo loci proximẽ patraturum fuisset, paribi nobilium scortorum, magna lenonum, atque perditorum, hominum frequentia, venale, & clarum degere accepit: nec cunctata amplius ædiũ conducti-  
tiarum dominum ipsa conuenit; monuit non ferendum esse execratum emporium, turpẽmque cum quæstum in eius domo, cum tanta numinis iniuria, exerceri. facile persuasit. illẽ, expulso scelere, simul suas ædes meretricia, tartareaque frequentia expiauit. Hinc maiori rabie in illam succensus Diabolus, indignissimẽ passus se subinde eiusmodi ereptis ex faucibus prædis, à Beata Francisca fatigari; crepare, fremere, furere ardentius; illi vt tædium, vel desperationem afferret, sese passim cum furiali comitatu offerre, iam mascula, iam muliebri specie, lasciua, atque Sotadica gesticulationum infamium repræsentationẽ detestabilem; quæ illa constanti, ac virili animo, minimo momento disiecta omnia ludificabatur. Inde non multo interuallo, Beatæ mulieri, ad D. Ioannis Lateranensis

cum vannotia proficiscenti nequissimus ille, ac spurcissimus omnium libidinum, ac scelerum prægustator se obuium ad sacram SS. Petri, & Marcellini ædem dederat, dum illa tantisper an ex grauiditate (nam utrum ferebat) an ex lassitudine subsidere Paulum coacta infandum insidiatorem honorati, & elegantis senis figura laruatam conspicata, atque ab eo ad scelus nefariè prouocata è vestigio scelestum lenonem orationis præsentī, vulgarique subsidio, ad fugam impulit. Quo ille dedecore miserè elusus, & fractus, nocte proximè consequenti, cadauer hominis intolerabili fœtore pestilentissimum in eius cubiculum intulit, in quo diu, multumque volutatam vsque adeo purulenta ea mephiti infecit, vt deinceps lethalis ille odor per omnes corporis partes latè diffusus, maximè in interiore phantasia semper inhæserit, sic vt contracta perpetua stomachi infirmitate, ferè perpetuò nauseabunda cibos omnis generis fastidiret, egereretque: eoque ex tempore omnium virorum, adeoque mariti appropinquatione spurcam illam graueolentiam persentiret, imò illi omnia corporis membra, quoties facti illius in mentem veniret, horrescerent. Dicat aliquis, hæc si ita sunt, vbi illa vxoria erga maritum ex documento Apostoli amicitia, maximè in tanta nuptialis obsequij auersione? Dixi equidem modò, illam nihil in eo genere præter obedientiam, nisi cum ingenti cruciatu attulisse, in quo quantum viro tribueret, quantum voluntati diuinæ afferret ostendebat, quæ tanto incommodo obsequeretur. De cætero illi nec possi-



bilem sanctis, nec necessariam inanis vanitatis impo-  
nunt necessitatem, qui illos humanorum affectuum  
expertes, atque *απαθείς*, vt Stoicè dicam, esse volunt, à  
quibus ne Christum quidem penitus abhorruisse, fide  
tenemus, cum vel amicum Lazarum comploraret, vel  
Ioannem, præ cæteris carum, ac tenerum haberet. In-  
ueniemus in B. Francisca quod omnibus fœminis imi-  
tandum amoris vxorij exemplum proponamus. Nam  
si penè sacrilegum, saltem Deo valdè inuisum, & ma-  
trimonij sacramento iniuriosum censendum est, non  
inter se coniuges ea quàm arctissima, quæ inter homi-  
nes potest, necessitudine esse coniunctos, cum ea sa-  
crorum Christianorum parte, illa infinita charitas, qua  
*Ephes. 5.* Christus dilexit Ecclesiam, repræsentetur; haud qua-  
quam dubium esse, vel obscurum cuiquam oportebit,  
Sanctam, quæ cæteras omnes virtutes ad summum  
excoluit, hanc etiam excelsissimo fastigio erexisse. De  
quo vt nullam aliam coniecturam haberemus, quan-  
tum faciendum putamus, in illa flagrantissima vitæ ex-  
peditioris cupiditate, marito Laurentio hac calamito-  
sissima vita expedito, ipsam eius obitu tam acerbis,  
tàmque vberis lacrymas, eius desiderio, profudisse, ni-  
hil vt præter ipsum amarè, nullum vnquam tantum  
hausisse dolorem in vita, nullam nisi diuini consilij,  
de mariti interitu, consolationem accipere posse cre-  
deretur? Quo eodem ex genere, non faciam vt B.  
Delphinæ, eius, qua de proximè dicebamus, factû si-  
lentio iacere consepultum feram. Missus à Roberto  
Rege consanguineo B. Alziarius maritus Parisios, pro-

Caroli Calabri matrimonio, diem ibi conclusit extremum. B. Delphina, quæ Auenione cum Rege remanserat, per idem tempus, quo Alziarius coniunx Parisijs decedebat in cælum, visa est Regi, Reginæque solito mœstior è mensa surgere, vultu admodum immutato, vbertim lacrymas ex oculis fundere, eiulare, plângere, & extraordinario quodam sese mœrore conficere. Quareentina mutatione offensi Principes, cùm eius luctus ex ordine causam sciscitarentur, suauissimū Alziarium respondit Parisijs diem obiisse supremum, réque per veredarios cursores sedulò explorata, compertum est eadem illa hora, qua funebrem questum inchoauerat, contigisse. Geminum mulieribus Christianis propositum exéplar, vt maritos, Dei ipsius loco diligāt, colant, foueant, obseruent; non fastidiosæ, non morosæ, non insolentes, quarum plerūque id vitium est, vt minus id amēt, quod magis habent, id magis appetant, quod magis iustæ amicitix leges verant. Quod porro virum caput esse mulieris, illique mulierem subiectam esse oportere, tanquam domino, imò veluti Christo diuinus Apostolus definiuit, quid voluit aliud, quàm mulierem, si dici fas est, nihil audire, nihil videre, nihil eloqui, nihil gustare, probarèque, nihil sentire, nihil suspicari, nihil cogitare, nihil velle, nihil sapere, quæ omnia capite continentur, inconsulto marito debere? non pedem, non manum, non corpus, nisi illius sui capitis ductu, atque abitrio, commouere? Quantum ad liberorum educationem altero speculo representatā, mirabile est, quàm se ex-

Ex Actis  
Canoniz-  
ationis  
S. Alzia-  
rij.

II.  
LIBERO-  
RYM  
EDVCA-  
TIO.



cellentem omni ex parte matrem familias exhibuerit. Prolem ex Laurentio præclaram, & numerosam clementissimus illi Deus prosperavit: *Ecce enim sic benedicitur homo, qui timet dominum. Uxor tua sicut vitis abundans in lateribus domus tuæ. Quam illi felicitatem fœcundi vteri, credo, Deus indulsit potius, ut orbi Christiano prolis instituendæ exactam in B. Francisca ideam delinearet, quàm quod ipsa id admodum aut curaret, aut quæreret. Nam optimè conscia quàm caro steteret Heli sacerdoti prauam liberis disciplinam dedisse, quàm gloriosum contrà fuisset Annæ Deo magis, quàm suo genio parturisse, & nobilissimæ Machabæorum parenti adeo generosam cælo sobolem immisisse, quod ea filijs fortiter ad mortem oppetendam impellendis aliquando dixisset, fecissetve, ipsa, tota vita suorum mentibus, moribusque expressum esse voluit.*

2. Mac. 7.

*Nescio qualiter in utero meo apparuistis: neque enim ego spiritum, & animam donavi vobis, & vitam, & singulorum membra non ego ipsa compegi, sed mundi creator, qui formavit hominis natiuitatem, quique omnium inuenit originem. Tum vltimo decertanti ad vltimam Luctam exstimulando, Fili mi, miserere mei, inquit, quæ te in utero nouem mensibus portavi, & lac triennio dedi, & alui; & in ætatem istam perduxi. Peto nate, ut aspicias cælum, & terram, & ad omnia quæ in eis sunt, & intelligas quia ex nihilo fecit illa Deus. Hanc illa mercedem vnâ exposcit fastidorum, & laborum suorum, quam vnâ matrimonio propositam in Christiana schola didicerat, ut liberi cælo, non solo procreentur. Ergo eos, ante omnia*



prohibebat quidquam audire, aut spectare, quod non esset cum honestate, & cum pietate coniunctum : ab illis societatibus maximè arcebat, vbi suspicio esset aut friuola, aut vitiosa, aut non ita decora tractari : Dauidicos concentus, & sacros hymnos, non sputatilicas, & pruritu nefando aurium infames cantilenas edocebat : ijs magistris potissimum committebat, qui non magis literarum scientia, quàm probitatis cultu excellere, qualésque Philosophus Seneca dicebat, *Quos magis mirere cum videris, quàm cum audiueris*: vti vnà cum liberali doctrina, excolendæ pariter conscientiæ Disciplinam haurirent : diebus festis secum ad rem diuinam, atque ad sacras conciones gregatim ductabat, quos illa dies totos religioso cultui deuouebat. Denique in hoc omnium maximo, & imprimis arduo, & supremo negotio prolis optimè imbuendæ, vt quo semel imbuta recens fuisset, odorem deinde seruaret, quantum B. Franciscæ profecerit, ad vltimum apparuit, cū filios sui persimiles, sancta sanctos, quod ego in summis illius miraculis certè censeo, procreauit, vti Carolus Caluus Imperator, atque Rex Galliarum non magis Regium esse, aut gloriosum dicere solebat, Regnare, quàm Reges facere, aut factis à se Regibus Imperare. In cæteris vnum nostra Beata insignem extulit, Euangelistam appellauerat, qui inde à tenera ætate, senili maturitate quadam, & Prophetiæ quoque miraculo claruit. At enim semel educto è vagina gladio, qui ex Patris ense pendeat, eo in Patris sui renes leuiter obuerso, haud multo ab hinc tēpore,

inquit, mi Pater, hoc ipso in loco, & grauem, & periculofum ictum accipies: nec vana fuit, vel puerilis denunciatio. Anno M. CCCC. vi. Ladislao Rege Neapolitano ab Romanis per tumultum, & seditionem, ad vrbis custodiam aduocato, populari, vt sæpe affolet, contentione, inter ciues, & Ladislai milites concitata, Laurentius Parens, quod illi ante fuerat ab suo Euangelista prænunciatum, in illo ciuili tumultu, fuit grauiſſimo sub renes vulnere transuerberatus. Nec semel Euangelista adolescentulus, ac penè puer euentura prædixit. Virum alias religiosum, eorum mendicantium ex numero, qui sublata pera ostiatim stipem colligunt, certo prognostico admonuit fore, vt breui illum mendicantis habitum, cum honoratori, vestitu commutaret; vt dixit, vt accidit. Ille paulo post fuit inauguratus Episcopus. Præcipuo cultu Sanctissimus puer SS. Abbates Onufrium, atque Antonium proſequabatur; porrò horribili inguinali lue Romanâ urbem, fædum in morem, depopulante, ipse in pestilentem quoque morbum prolapsus se moriturum breui præſenſit: calidè Confessionis peccatorum ministrum Sacerdotem expetijt, matrem premonuit par illud Sanctorum tutelarium aduentare magna Angelorum turba stipatum, vt illum extempore in cœlum, æternum Beatorum domicilium proſequantur. Quâ opportunè profectò, illo ipso die, ineffabili quadam voluptate, Beatus nouem modo annorum puer ad celestem patriam ex funesto ergastulo euolauit, vixque egressus ex carceribus, decursione mirabili, metam attigit.

attigit. De quo ne vlla causa dubij hæreremus, eadem hora, qua ille decesserat, puella quædam in illa vicinia, lue quoque populari correpta, etsi iam linguæ vsum ex morbo perdididerat, resolutis momento faucibus, Euangelistam conclamat Pontianum numerosa Angelorum multitudine circumuallatum se conspicerе gloriosum ad sydera gradientem. Vaticinium fuit. Familiares attoniti, re peruestigata, comperiūt eadem hora Euangelistam è viuis ad superos emigrasse. Si id parum est, ecce iterum Agnetem puellam quinquennem fraternæ sanctimonix consociatam. Vix anno transacto, Francisca domi in cubiculo orationi, primum pungente aurora, vacabat. Euangelistam suum clarè redeuntē adspicit, eadem ætate, ea statura corpusculi, ea specie, qua obierat, nisi quòd multo pulchrior lucidissimi syderis instar emicās apparebat, altero veluti coæuo puero paris pulchritudinis comitante. Mater ijs spectaculis haud insueta, dulcissima sobole consalutata, simul per diu de cælesti gloria, qua fruebatur colloquuta, insuper ab eo certior facta secundo illum Angelorum conscriptum choro, demū extremū id audiit, quod maximè auebat, se potissimū è cælo delapsam reuenisse, vt Agnetē sororē iucundissimā sibi inter Angelos adnumerandam adiungeret: quibus genitricem affatus, solatusque diuinæ significatione voluntatis, repentē ex oculis sese in auras mira celeritate proripuit; ac post Paulum Agnes corpore expedita cælum petiit, postquàm decumbentis ad lectulum mater Columbam præcipuo candore albican-



OEcon.l.  
2.c.2.

III.  
FAMI-  
LIAE  
CVRA.

Coll. 4.

Ephes. 6.

tem circumuolitantem antè prospexisset, quæ succenso cereo ad rostrum appêso, iacentis puellæ membra singula pederentim veluti obsignabat. Iam satis deliberis, quæ Philosophus Aristoteles tanti momenti esse censuit, vt maximam parentum felicitatis partem in ea cura constitutam putarit, illa enim eius sunt in œconomicis. Cùm ergo tanta adhibeatur cura pro corporis esca, quid pro liberis, & matre educatrice? nonne protinus omne studium fuerit adhibendum? hoc enim solo hominum conditio mortalis existens per successionem immortalitatem consequitur, omniâque parentum vota huc tendunt. Quamobrem qui ista negligit & Deos ipsos videtur negligere. Maximè verò id exemplo faciendum existimat. Nisi enim parentes exemplum vitæ filiis præstent, euidentem excusationis causam erga se illis relinquunt. Ac timendum est, ne contempti à filiis quasi non benè vixerint, in senectute deserantur. Id nos quotidie lamentabili experientia accidere non tam videmus, quàm meritò ingemiscimus, vt sibi flagella fecisse non liberos parentes vt plurimum sentire cogantur. De reliqua familia ad tertiam figuram expressa non ero prolixior, de quibus Apostolus imperat, Domini quod iustum est, & æquum seruis præstate, scientes quod & vos Dominum habetis in celo. Atque iterum, Et vos Domini eadem facite illis remittētes minas scientes quia & illorum, & vester dominus est in celis, & personarum acceptio non est apud Deum. Pudet referre quàm turpiter in ea Christiani officij parte peccetur. Corpore, atque animo constamus omnes, serui, liberi que: vtrique eundem seruatore, ac dominum, eandem pro-

positam gloriam habemus: quo fit vt matresfamilias quia spiritum eodem ex fonte hauserunt, seruorum etiam curam gerere teneantur, neque eos ita, vt muta quædam, languidâque pecora contemnant, quos aliquando in cælo æquales, forte etiam superiores habituræ sunt; corpora verò ne vel immoderatè sana opprimant, vel ægra indignissimè, Barbarorum more, proijciant. Aristoteles optimus magister haud multo secus, quanquam minimè Christianus præcipit; *Cum* O Econ. 1.  
ca. 5.  
*seruis autem, inquit, ita versetur, vt neque superbos esse sinat, neque abiectos. Quapropter oportet considerationem habere, ac indulgere illis, & permittere singula secundum meritum, & cibum, & vestem, & quietem, & castigationem; verbo, & opere Medicorum artem imitâdo.* Ego autenticè scriptum in B. Franciscæ actis inuenio, tanta affabilitate tractabilem se, atque amabilem omnibus præstitisse, vt seruos præut germanos fratres, ancillas velut sorores, æqualésque coleret; imò gauderet ex æquo per omnia cum domesticis mâcipijs tractari, haberique: eos si aliqua leuicula culpa læsisset, demissè ab illis errati veniam postulare, errorémque, quantuluscunque esset, extemplo corrigere consueuisse. Qui si è contrariò diuinum numen aliquo piaculo prouocassent, demum ex aduerso illam lænæ grassantis ad instar inflammata, ardentémque id cuiuimodi foret, constantissimè castigatum vindicasse, non tam autoritate, quàm exemplo præfuisse, iussis herilibus religiosa passim monita ad Christianè viuendum addidisse: quantum ad seruorum corpora, nec torpere inertia,

neclanguere otio, nec succumbere immoderato labore sinebat: si ægri decumberent, tantum abest, ut quod feri homines faciūt, in impluvium abjiceret, ut eos in lectulo domi ipsa sua manu aleret, illis omnia abundè quovis pretio venalia, quæ necessaria erant subministraret. Specimen ex cognata vannotia capere possumus, quæ eodem tecto utebatur. Illa ex graui morbo ita gustus sensum obstipatum habebat, ut vel ad ciborum intuitum nausearet; quare auiditate quadam an muliebri, an ex ægritudine contracta, eam aliquando cupido canceri terrestris incescit, qui curiosissimè conquisitus cum nec prece, nec pretio reperiretur, B. Francisca misericors, iacentis commiseratione permota Deo fidenter supplicauit, ut infinita sua sapientia, præsentileuatione, ægræ vannotiæ subueniret. Neque irritæ, vel inauditæ preces. Dum domesticis simul omnes in aula domi cū matrefamilias versantur, è summo tabulato cancer eius generis necinopiniatò decidit inusitatæ magnitudinis. Gratia diuino obsonatori Deo ingentes habitæ; expetitur ægræ esculentum ipsa suo Marte conditum apposuit, impensius etiam, quàm illa sperauerat, refocillauit; nam eo cibo non celerius auiditatem, quàm ipsam simul ægritudinem propulsauit. Erga externos quomodo se gesserit mirari potiùs tacitè, quàm scribere tenuiter liberet, nisi speculum ea quoque parte tersissimum se mulierum generi proposuisset, quatuor illa, quæ Diuinus Apostolus admonet, absolutè complexa. 1. *Super omnia autem charitatem habete, quod est vinculum perfe-*

IP.  
ERGA  
PROXI-  
MOS  
QUOMODO  
SE  
GESSERIT.

Coloss. 2.



tionis. 2. Et pax Christi exultet in cordibus vestris, in qua  
 & vocati estis in vno corpore. 3. Induite vos sicut electi Dei,  
 sancti, & dilecti viscera misericordiæ. 4. Verbum Christi ha-  
 bitet in vobis abundanter in omni sapientia docentes, & com-  
 monentes vosmetipsos. Quæ ego conglobatim dum ex-  
 pedio, primum illius erga corpora charitatem, dein-  
 de erga animos studium expono. Ardebat illa enim  
 magis, quàm amabat, si quem aut rerum, quæ ad cor-  
 pus sustentandum pertinent, indigentem, aut eorum,  
 quæ ad salutem animi necessaria sunt, penuria laboran-  
 tem offenderet. Hinc erat quòd ædes illius Xeno-  
 dochium potius pauperum, quàm vnius priuatæ per-  
 sonæ domicilium videbantur. Nemo mendicus ab  
 eius vestibulo vnquam frustra sine stipe recessit; vul-  
 go à miseris omnibus nullo discrimine eius atria, por-  
 ticus, interiora domus frequentabantur: vnde solen-  
 ne illi erat nihil domi proprium quamuis pretiosum,  
 aut necessarium habere, omnia promiscuè solius ne-  
 cessitatis habita ratione vulgabat, familiaribus nonnū-  
 quam licet obstrepentibus, quòd se statim liberali cō-  
 giario, quæ eleemosinæ causa effudisset, reposituram  
 pro certo confideret. Vrbs aliquando summa anno-  
 næ caritate premebatur; omnia mendicis vndique, at-  
 que agris latè compita obsessa laborabant: B. Franci-  
 scæ Socer Andreottius commodum eo anno genero-  
 sioris vini selecto dolio sibi, familiæque prouiderat.  
 Nostra misericors, ad quam miseri omnes tãquam ad  
 commune diuerticulum conuolabant, largè omnibus  
 pretiosum liquorem adpersum depromebat: itaque

I. Corpo-  
 rum carã  
 quàm soli-  
 ritam ha-  
 beret.

breui quotidiana, nec interrupta benignitate, doliū focero infcio, exinaniuit: non multo post, focer visendi, explorandique meri anxius cū plenè, bellèque vacuum, atque exhaustum comperisset, suspicatus ic quod res erat; in piam nurum clamore, & non nulla exprobratione succensus caput de damno expostulare: at illa suauiusculè factum exculans, soluto primū, ac tranquillo animo esse iubet; tum recipit ipso vestigio se illi de eodem dolio propinaturam; cum vanotia ad cellam aduolat, vas vinariū, sine dolo, prout antea bene plenum offendit; acclamatur. hauritur. in stuporem itur. numini quā infimo ex pectore grates ingentes persolutæ; focer obstupefactus, edoctusque: nurus in virtutis proposito firmata magis; pauperes sustentati; omnes ad vnum prouidæ propolæ sapientiam admirati, ipsa ad institutam pietatem incensa semper ardentius mendicorum vsibus deferuire instituit, vnde aucta in dies, atque congeſta miracula. Alio quodam die, parum admodum grani, quod ex domestici horrei emissitijs quisquilijs recollegerat egenis elargita, eò postmodum regressa plus quadraginta modios germani, ac sinceri frumenti reperit. Crusta, mucidaque recitamenta ex eleemosinis hinc inde corrogata sibi ipsa seruata sumebat, eorumque in locum clanculum panem recentem arto-  
laganum in sacculos pauperum submittebat. Obfirmatè adeo, constantèrque ægris egentibus ipsamet studium, atque operam impendebat, vt illis curandis, totos quadraginta circiter annos, quibus vnà cum



Laurentio vixit, constet in eam curam incubuisse. Nosodochium S. Spiritus, & Campi sancti ante omnia, & S. Mariæ Trans-Tyberinæ præcipuo studio excolebat, vbi non solum ægrotis sua opera obsonabat, sed cibum domi suæ exquisitè apparatus suis ipsa manibus porrigebat: nec esculentam modo, vel poculentam vulgaria accurabat, at simul etiam medicamenta, sportellas, bellaria, dulciaria, aliâque ad ægrorum gustum subleuandum, acuendûmque non maiori copia, quàm munditia, & vrbana quadam, gratâque elegantia subministrabat. Estnè quo progredi possit vltèrius admirandæ matronæ erga miseros, ægrôsque homines munificentia? Inueniemus. non profusè tantùm illa ad victum necessaria, quibus opulèta fœmina domi abundabat, largiebatur, verùm ad inauditæ cuiusdam, stupendæque profusionis cumulum, & magni Pauli Nolani instar se ipsam ipsam in pauperes effunderet. ô spectaculum, non modo speculum vix vsquâ hominibus in tota antiquitate spectatum! ipsa sæpe numero fermenti, lignorûmque fasciculos, pedes, aut de suo, aut raptim aliunde ruri excerptos suis humeris, inde à vinea suburbana per urbem baiulabat, aut si oneri ferendo non esset, asellum onustum in oculis omnium, nobilis, & clara, & diues fœmina circumducebat. Non rarò, comitante vannotia, certos vicos ab urbe distractos adibat, vbi ipsæ remotis arbitris ignotæ mendicatum stipem postmodum egenis refundendam quærirarent, tam sinistro plerûmque successu, vt scommatis, salibus, & conuitijs, loco eleemosi-



narum, onustæ reuerterent. Id verò adeo ex professo faciebant, vt sub illud tempus, cùm solenniores ad S. Pauli eadem suburbanam stationes frequētabantur, affluente magna mortalium multitudine, ambæ ad sacræ ædis fores alijs se mendicantibus fœminis nonnunquam adiunxerint, paucisque nummulis hinc inde corrasis auditæ fuerint Deo laudes, gratésque iterare, quòd eo die ancillulis pecuniolæ tantum prouidisset, quantum illis ad tantillum lupinorum, & panis ad cibum satis esset. Vnde ad illam coniecturam ego adducor, non solum opis pauperibus afferendæ causæ, solitam B. Franciscam mendicare, verùm vt domesticarum dapum delicatiore delectu fastidito, atque egenorum vsibus reseruato, pauperum epulas prægustatas sibi de industria retineret, vt nec marito rem domesticam dilapidare, nec tamen egenis lautè tractandis deesse videretur. Quæ si vel quia miracula, vel quia extraordinaria, vel religiosarum potius, quàm nuptarum propria parum imitationis habitura iudicabuntur, meminisse tamen Christianas mulieres oportebit, etsi peculiarem quendam Dei inspirantis instinctum ad illa singularia sequebatur, tamen eo imitationis ansam præclaram præbuisse, tum quòd se diuinis instigationibus penitus conformabat, tum quòd nihil omnino marito inscio, aut inconsulto moliebatur, tum quòd in ea sexus infirmitate, fœmina, quantum fœminæ cum Dei ope audere, quantum facere, modo adsit animus, etiam queant, suis exemplis commonstrauit. Nunc quantoperè animorum salutem

tem anhelaret, quanquam ex illa opera nauata corporibus suspicari possumus, tamen aliquando ostendit, quando seu ægris opitularetur, seu victum inopibus procuraret, eadem opera eorum mentes ad Christianarum virtutum obseruantiam exacuebat, Christi seruatoris imitatione, qui corpora simul, atque animos eodem beneficio persanabat. Fuit in D. Cæcilie hospitali pauperum domo quædam fœmina, quam lecto periculosus morbus affligerat: hanc vaticinata B. Francisca, ex barbara quadam desperatione, filiũ obstipata gula strangulasse, detestandi parricidij commonefactam, conuictamque ad voluntarios pro scelere subeundos pœnitentis animi cruciatus, tum ad saniorẽ mentem faciliẽ impulsit. Qua ex causa, vt in promptu Nosodochij egenis decumbentibus Sacramentorum facultas adesset, sacerdotem suis expensis ad S. Mariæ trans Tyberim sustentabat. Incredibili ardore dies, noctesque flagrabat deuos sceleratorum hominum sensus ad meliorem indolem reuocandi: continuas eam in rem preces ad superos eiaculabatur. perennes ex oculis lachrymas profundeabat; pectus pugno complicato pullabat; corpus atterebat; inertia ingenia insidiatoris Dæmonis conatibus obsistere nescia præcipuo studio commiserabatur, se eorum causa ita vexabat, multabatque, vt cacodæmonũ nequitiam, & intentatas miseris machinationes longè molestius, quàm eorum ictus, & crepitus ferret. Quãdam sua institutione discipulã, supremo agone, cum morte luctantem subodoratade animi quoque inte-

2. Animarum curam  
quantam haberes.



ritu periclitari, sanitati restituerat, quo vitæ emendationis consilia impofterum iniret: id adeo indignè Cacodæmon accepit, vt, facta incursione, duo ferocissimi ex Tartaro lemures famulam Dei, obtorto, è neruis durissimis, flagello extremè cæsam miserandum in modum lacerauerint. Alteram eiusdem instituti Catarinam non tam morbo, quam deuexa ætate decrepitam, desperata valetudine, loquendi facultate deperdita, à sensu etiam abalienatam, iam, iamque moribundam tandiù in extremo conflictu retinuit, dum Sacerdos, qui ab vrbe aberat, quinto, sextoùe pòst die reuerteretur, à quo supremum Sacramentorum solatium consequuta, mori à B. Francisca permissa exspirauit, quasi precibus pendulam eius vitam teneret: tum enim Litanijs à Beata conceptis, ab ea in hæc verba iussa decēdere, *vade in pace, roga Deum pro me.* Dicto audiens obtemperauit. Ita hoc consequuta erat diuinitus, vt non ipsa modo Sancta esset, sed quoscunque alios sua familiaritate cōtingeret, sui similes breui redderet. Illius aspectu, alloquio, congressu illo toto sociali, ita singulorum ingenia obuertebat, vt siue dissensione aliqua, siue lasciuia turpitudine, siue inueterato quopiam alio scelere, aut vlla alia immoderata perturbatione laborarent, eos momento componeret, & meliora concipere animo suaderet. friuola, scurrilia, inutilia, turpia, aut quæ tantillum alienam famam attingerent, eorum à quibus frequentaretur, nullo pacto ferebat, frangebátque, ita vt vel ad diuiniora diuerteret, vel subito inchoatis alia



honestiora quodammodo adfuta, interruptione non ingrata, misceret; vel si illud non posset, interiecta salutarireprehensione prorsus abrumperet. Ita fiebat, ut quasi Aetnæum quoddam diuini amoris incendium, circum omnia vicina succenderet, atque undique in mortalium animos, ex sui pectoris veluti flagrantissima Pyra, ardentis pietatis scintillas, necnon cælestes igniculos euibraret. Quibus demum artibus id assequebatur, quod princeps Apostolus exigebat, non solum ut cum omnibus pacem firmaret, sed ipsa apud omnes beneuolentiam, reuerentiam, admirationem, præcipua matronalis dignitatis decora, ipsa pacis, & socialis amicitiae perpetua conciliatricula nancisceretur. Facile siquidem tu cedendo, alia nihil attingendo, cum omnibus pacem inuenias; maximè si te subijcias ipse omnibus, nemini anteponas, omnibus pro sis, nemini officias, ijs artibus doceas tyres etiam, nedum efferatos homines mansuescere. NAM quatenus modo ad personam vxoris attinet, ea ad quintum illud aliud speculum referuntur, quæ Paulus Apostolus de moderato præsertim cultu corporis præcipiebat, quæ uero Aristoteles naturæ vestigijs solertissimè indagata, ad sempiternam earum mulierum ignominiam, quæ Christiano nomine profanam lasciuiam obtegunt, in proba matrefamilias desiderauit, uidelicet frugalem in habitu, totaque vitæ conformatione temperantiam, & inuictam in rebus aduersis, maximè quæ maritum obsident, tolerantiam; nos, qui cum Christianis agimus, tertiam quan-

V.  
ERGA SE  
IPSA M,  
QVALEM  
DISCI-  
PLINAM  
obserua-  
uerit.

Oecon. li.  
2. cap. 1.

1. Cultus  
et fastus  
muliebri  
obsempio.

Horat. 3.  
Od. 27.

dam omnium Reginam adiungimus, lasciuientis corporis castigationem, cum moderata seueritate temperatam. *Sumptu autem, & vestitu, & apparatu* (inquit de matrefamilias Aristoteles) *minori etiam utatur, quam leges permiserint ciuitatis; considerans nec vestimentorum nitorem, nec excellentiam formæ, nec auricopiam tantum ad mulieris laudem, quantum modestiam in rebus, ac studium honestæ, decoræque viuendi valere: etenim omnis huiusmodi ornatus animi optabilis est, multoque firmiter ad senectutem usque ad veras laudes sibi, atque liberis comparandas. Quoad illam in aduersa fortuna constantiam, incredibile est quam Christianè non Christianus homo philosophetur. Quapropter decet non solum in prosperis rebus, secundaque fortuna unanimes se se viro præstare, & inseruire velle, verum etiam in aduersis. Si sit in rebus defectus, vel corporis ægrotatio, vel alienatio mentis, æquo ferat animo, & obsequatur. Tum post paululum magnum, negotium exemplis assequitur. Putare debet mulier hinc optimam sibi laudem si rectè se gesserit peruenturam: secum ipsa repetens, quia nec Alceste tantam sibi gloriam parasset, nec Penelope tot, tantasque meruisset laudes, si cum fortunatis viris vixissent, verum Admeti, & Ulyssis aduersitates parauerunt illis memoriam sempiternam: nam prosperitatis quidem facile est reperire participes, aduersitatis verò, ni optime sint mulieres, participes esse renunt. Nec mihi ille aliquid scripsisse verius vnquam videtur, quam cum asseruit formæ, & pulchritudine fœminas beatitudinem metiri, nihilque magis cupere in vita, quam esse, aut videri formosas. Quid illa insana? speciosa quero pascere Tygres? pudendum, ac deffendum*



satis, in Christiano cælo, nihil illas refugere, ut vanissimæ pulchritudini obsequantur, qui Spurinam nescio quem nouimus, apud Valerium, in media infidelitate, adolescentem elegantissimum, cum sese appetitum à fœminis cerneret, ut libidinis illis materiam tolleretur, sibi vultum dedita opera dedecorasse, orisque decorem vulneribus confudisse. *Fœdera seruasset si non formosa fuisset.* Arripio de istis omnibus, quod ille de vna argutè cecinit; syluam certè istæ adulteriorum, & maleficiorum accendunt, quibus Poetarum theatra omnia, Oratorumque suggestus personare videmus. Cæterum hac parte mulieres, ut in omnibus, semper extremæ vel nimia, vel pauca, quanquam rarò pauca, appetendo peccant. Neque enim ego ille sum Stoicus, aut ferreus, qui omnem à fœmina ornatum auellam: Philosophis sua materia prima informis, & omni elegantia carens, quam subtilissimus Augustinus idcirco, aut nihil, aut propè nihil appellauit, ex natua deformitate, appetitu inexplibili omnes formas, speciesque desiderat, neque in vlla potest quantumuis perfecta quiescere: quam enim anima rationali perfectiorem appetere poterat? Certè Aristoteles materiam alia ex parte veluti matrem nominauit; accipio omē, atque ex ingenita deformitate desperatam illam formæ cupiditatem satis ignosco. Verum animi illa est, prout proximè aiebat ille Philosophus, quæ verè formosas efficere sola, & perfectas potest. illa alia corporis fluxa est, florisque simillima, quæ momento temporis deflorescit. Quanquam haud inficiandum etiam



Cic. Orat. Perf. eas suum quendam cultum decere, ita vt inornatae cum sint, ornatae videri queant; idque eas maximè deceat non esse ornatas: quædam enim sunt socialis cuiusdam decori, quod Græci τὸ ὀρέπov nominant, ornamenta, quæ maritorum quoque oculos domi contineant, ac honesto quodam veluti incantamento deliniant: sed ita, vt illud Iuliae Imperatoris Augusti filiae mordicus teneant, quam frugalissimus Imperator cū ægre ferret comptiorem solere esse, quàm necesse esset probæ, vidisset verò illam aliquando modestius compositam, *Quinto hic in filia, inquit, Augusti probabilior est cultus. Cui illa, hodie me, inquit, Patris oculis ornavi, heri viri.* Vtique eo sanè non improbetur illa luxuria, vt obsequentes maritorum oculis, non ad spectuum alienorum aucupandis illecebris sese comparent Diuini ingenij vir Augustinus Christianam matronam seriò admonet, castigatque, quòd pannosa nimis inuiti mariti oculis obsolesceret, in quo muliebrem etiam refractariolam arrogantiam argutè perstringit. *Quid absurdius, inquit, est, quàm mulierem de humili veste viro superbire, cui potius expedit obtemperare, quàm in nigellis vestibus repugnare?* Alias, quæ non se virorum, sed alienis oculis ornant, videre est familias euertere, maritos ad versuras adigere, liberis ex faucibus pulamenta, quæ ipsæ vestitu deuorent, Struthionibus crudeliores auellere: alienis viris veluti retia, venerèasque tendiculas explicare: atque vt cum magno Philo-  
Senec. l. 7. Benefic. sopho dicam, *Non satis mulieribus insania viros subiecerat, nisi bina, aeterna patrimonium auribus singulis pependissent.*

Vt parum Comicus dixisse iudicio illius censeatur, cū illa diceret, *Videas mulieres totis fundis exornatas.* Ad quid? si illis sumptibus mariti sudant? si ingemiscunt? si ferre non possunt? nisi vt contentionum, & maleficæ zelotypiæ semina iaciantur, si aureo illi flumini eloquentiæ Christianæ credimus? *Ille ornatus & zelotypiæ suspicionem iniicere sæpè solet, & inimicitias, & cōtentiones, & pugnas concitare.* Ita enim accidit vt castæ mētes lasciuo habitu in suspensiones incurrant, cōtrā verò lasciuæ simplici ornatu obtegantur, prout castissima illa vestalis Clodia, cui luxus vestium pudicitiae laudem adulterauerat. *Castā quidem sed non est credita: rumor iniquus læserat. Cultus, & ornatos variè fudisse capillos læserat.* Quo in genere noster Aufonius subtilius etiā muliebrem illam insaniam castigauit.

*S. Chrys.  
hom. 21.  
ad pop.  
An.*

*Ouid. 3.  
fast.*

*Diffimules estis tūque, soror que tua  
Hæc habitu casto, cū non sit, casta videtur,  
Tu, præter cultum, nil meretricis habes.*

Quid quòd aliquæ nec viris, nec alijs, sed sibi cultū perditè amant, & aucupantur? *Studiosum, amānsque ornatus genus fœmincū est, multasque insignis pudicitie quamuis nulli virorum, tamē sibi scimus libenter ornari:* id S. Hieronymo, non mihi credatur; diū ille frustra hocce domesticum an maleficium, an latrocinium insectatus exprobrauerat. Hoc monstrum horrendum, immane, ingens, triplici extremitate formidabile Christiana Heroïna nostra genus sanctiorum quarundam Amazonum detruncavit: quæ nobili loco nata, nuptæque muliebres ineptias calcavit, quod de Platonis fastu

*D. Hieronym.  
Ad Gaudens.*



quidam Philosophus ioculariter aiebat, vt simplici, & mero vestitu pullo, non gemmis, non fuco, non multicoloribus mercibus, veluti ceterę tegeretur, quę omnia diuendebat, vnde pauperibus nummos, victumque faceret. Oportuit despicatissimo habitu fuisse, quę sæpe, vt dictum est, se alijs fœminis mendicantibus, ad templorum vestibula, miscebat, quę ligneis fascibus onustâ per urbem asellum agebat. Neque verò, illa egregia sui cōtemptione, suę mentis altitudini satisfactum putabat, nisi aliarum quoque mulierum luxû, absque inducijs, inlectaretur, in quarum animis vel sedula admonitionum cura, vel præclaro suo exemplo, vel occultis ad superos precibus, tantum profecerat, vt pleręque fastum, & pompam, & gemmas, aurum, sericumque cum modesto, atque Christiano ornatu, grato vniuersę ciuitati, opportunoque spectaculo, permutarent. Fucati verò medicamenta candoris, & ruboris omnia non aliter, quàm prodigiosum piaculum exhorrescebat, & ab alijs omni studio remouebat, quę insitam Dei conditoris beneficio formam einentitę adulterina, laruatâque obductione corrumpere. Nam ad eum modum discretissimus Cyprianus, in illas mulierum Citerias, cōceptis verbis,

S. Cyprian.  
lib. de ha-  
bitu virg.

pridem itilo illo suo vltore, desæuijt. *Manus Deo inferunt, quando illud quod ille formauit, reformare contendunt, nescientes, quia opus est Dei omne quod nascitur, Diaboli quod mutatur, &c. Nūc tu is oro quę talis es, ne cū resurrectionis dies venerit artifex tuus te non recognoscat? vt increpans vigore censoris, & indicis dicat; opus hoc meum non est,*

nec



nec hæc imago nostra est, cutem falso medicamine polluisti.

Larvas ego cum admirando Chrysostomo nominaui, s. Chrys. hom. 2. in Ioan. cuius illa sunt dicta præclare. Inanem gloriam hanc mæiores nostri omnes merito dixerunt; inanis namque est sicut larvæ, quæ pulchræ quidem visu, & decore, intus verò inanes reperiuntur, quare cum aspectu elegantiori appareant neminem unquam ad se amandum allexerunt. Pereleganter sanè, ut nostrarum mulierum fastus semel ex Philosophi Barbari ingenio retundatur, apud Xenophontem in Oeconomico istas excusationes eludit Ischomachus, cum se id maritorum imperio, saltem genio, facere mentiuntur. Age, inquam, coniunx, inquit Ischomachus, Xenoph. in æcon. nonne ea pactione cõuenimus ambo, ut sua alteruter alteri omnia conferret, nihil proprium reseruaret, omnia in medium, & in commune haberentur? ita, inquit vxor. Iam quæ mihi probam, & germanam dotem numerasti, si tibi, inquit, ego pro tua dote præstigas, aut offucias darem, id nè tibi gratum duceres futurum? aut tu fictas armillas, fictos torques, fictum aurum, quàm quæ tu pura attuleras, mallet? nequaquam, illa inquit. Atqui corpora, inquam, tu mihi, ego tibi conubiali lege tradidimus, nunquid? ita est, inquit. Age verò, annon ego tibi nativa mea forma gratior, quàm aliena fucatus, & coloratus? opinor, inquit, te alium ego haud vnquam feram. Tum ille Socraticè irretitam vxorem frugalitatem, & nativam speciem edocturus, & mihi, inquit, puta mētem eandem esse, nec tam mentito tuo colore delectari, quàm tuo. Hic mulier erubuit, & luxuriam, illa mariti sapientia, emendauit.

s. Quanta  
Beata  
Franciscæ  
sui despi-  
cientia.

Næ illi fatui satis, & ridiculi mihi oppido videntur, qui laruas, quàm mulieres malunt. Nihil B. Franciscæ tanto, tamque implacabili odio est detestata: sui generosissimam despectionem, pro præcipuo ornamento semper habuit: ardentem charitatem pro purpurisso, aut minio excoluit: pudicitiae candorem pro cerussa; morum incredibilem suauitatem pro serico; miraculorum, splendorem pro gemmis; Christianorum operum iuuicta patientia probatorum, pro auro, argentoque; lachrymarum vim perennem pro distillatis laticum pretiosorum ad leniendam cutem lotionibus; *Et lachrymæ eius in maxillis eius*; pro Cyprio pulvere naturalem pilorum ornatum decolorante, assiduum cum psalte Regio de peccatis admissis poenitendi studium, cinerem tanquam panem manducans, potumque fletu miscens; denique pro aureis, gemmatisque annulis, aut catenulis, egregiam viro, proximis, superisque præstitam, & seruatam fidem, constanti illo amore, connexam. Accidit aliquando ut lignis onusta de more, fortuito in plebeium nescio quem suo item fasciculo oneratum incideret, proximè vno ex Beatæ Franciscæ consanguineis consequente; quo occursum cum ille baiulus utrique notus, veritus ne illa ingerato occursum erubesceret affinis adspectu, se utrique intermedium, ut fasciculo utrique officeret, iniicere voluit: at illa lignis suis illius oneri in aduersum oblixis, impulsu sibi viam aperuit, & suum illum agnatum ex professo, ac palam consalutauit, præclara de muliebri arrogantia reportata victoria. Atque obsecro quid

illa quo se deprimeret, abijceretque non tentauit, que inauditarum inuentionum acumina non excogitauit? Viuo marito, ac sospite, eius permissu, iam suarum monialium caperat cætum instituere, quæ paulatim eius imitandæ studio quadam in domo ad Campitelli regionem coaluerant: eò illa semel profecta, vt quotidie, re familiari curata, solebat, priorem domus aditum ingressa, pro scalis, quibus in ædes ascensus erat, morata, anteriores ædium valuas occludi iussit: tum pulla ea extrema veste deposita, capite velis abiectis penè nudato, comaque in collum, atque humeros temerè crispante, soluto, brachijs, atque humeris expapillatis, cæterum sine cinctu discalceata, sordidata, lachrymis abundè manantibus, suspirijs miserabili eiulatu sonantibus, manibus in crucis imaginem decussatis, oculis in terram depressis, facie inflammata, labantibus genibus, humi postrata, voce tremula, inter mortuamque, vociferans obtestabatur, earum in numerum tanquam mendicam, miseram, & vile peccati mancipium recenseri; quæ ætatis florem vanitati caducæ, fluxæque infelicitate decoxisset; faciem creatori, ac Domino Deo seruasset. Haud enim ferè se alio nomine, aut appellabat ipsam, aut appellari ab alijs cupiebat, quàm peccatricem, vile scelerum sterquiliniû, omnis nequitiae retribuentum, sentinam, ac cloacam spurcissimæ turpitudinis; corruptionis, ac putoris horrendum piaculum, mendacis, vanitatisque insigne ludibrium, denique omnis funestæ miseriæ solenne, ac celebre documentum. Hîc tanta summissione il-



lius sociæ obstupefactæ vno ore pronunciant, nefas esse vt alia magistra, ac præses, ipsa superstitie, legeretur, quæ suo iure omnium dulcissima parens, ac mater extitisset. Ergo illis vno consensu ita deinceps omnibus præfuit, vt omnibus subesset, vt se omnium famulam non colorata religiosæ demissionis ambitione, sed sincera voluntate diceret, quæ omnium sapientissima veluti procreatrix habebatur. Tantam animi depresso modestiam inueteratus ille superbix buccinator cacodæmon ferre non potuit: illi se ea forma, eoque habitu aliquando obiecit, qui spiritalem ipsius magistrum referret, charta, & sepia, & calamo instructus de industria, vt illas, quod ille nefarius suadebat, tot suas illustrationes, tantasque, ipsa dictante, conscriberet, eum ad finem, vt post ipsius obitum omnibus retro posteris, maximo fructu, glorioso sanctitatis præconio innotescerent: qua eadem de causa illam iuberet, pingendi artem perdiscere, vt spissa diuinarum rerum, atque visorum illustrium volumina, prout plerique Sanctorum veterum, recentiumque consueuerant, ad posteritatis admirationem, atque memoriam exararet. At illa scelestissimum quadruplatorem exhibilatum, & omni ignominia consputatum, insigni constantia propulsauit. Aliàs quaterni eodem ex baratro Tartarei satrapæ, specie humana, se illi humillimè cum infima quadam reuerentia submittebant; prædicabant, efferebant, exaggerabant summam illius pietatem, modestiam, seueritatem in domando corpore, perseverantiam in religioso, accuratòque

proposito, contestari inter hæc, & professi se haudquaquam ultra posse illi obistere, in irritum cadere sua consilia aduersus eam omnia, aliæque generis eiusdem, subinde capitibus in illius gremium inclinatis blandiebantur: quibus ex aduerso inuicta fœmina, per contemptum, ac ludibrium superbissima colla, & vesanum sinciput manibus quatiebat; superisque interea grates maximas profundissima quadam animi abiectiōe pro collatis beneficijs tam diu referebat, dum larvæ illæ stygiales procul summotæ facerent. At non alias magis ista modestissimi animi demissio sinè enituit, quam quando miracula illo artificio dissimulabat, vt cū morborum omnia ferme genera solo contactu depelleret, redditam sanitatem vnguento nescio quo ex Amaraci, & Rutæ succo admoto celaret. Atque accidebat interdum, vt illa medicamenta vel morbis aduersa, vel ad rem penitus inutilia essent, tantū vt oculis fucū faceret ad gloriolæ fugam adhibebātur. Ægros tamen, quidquid erat, sanatos, vi vt diuina id factum acciperent, Deique vnus beneficio acceptum referrent, obnixissimè adhortabatur, quo fiebat vt nec Deo sua laus detraheretur, & ipsa vanitatis speciem auerteret. Sim infinitus, si omnia sui deprimendi studia dicere aggrediar, hæc sufficiant pauca de multis. Nunc immane est quantam rerum aduersarum animi, corporisque patientiam semper attulerit; quæ vna virtus, mea quidem sententia, sola societatem conjugalem securam, sola tranquillam, sola beatam vitam præstare potest. Ea si absit, om-

2. Quanta  
in rebus  
aduersis  
Patientia.

nia, demū sursum versus, sus deque disiecta, dissipataque pessum eant necesse est, Balsamum fruticem ferunt non nisi specillis fodicatum, laceratumque suauem opobalsami liquorem exudare: nusquam animi robur inuictum tantum, quātum in ista grauioris fortunæ laceratione diffunditur. Per ipsum tempus, quo in humanis versabatur connubij nexibus alligata, Romanam urbem turbulentissimi supra modum tumultus dissensionum ciuiliū agitabant. Sic maritus, ut in communi procella, magna vnda iactatus peracerbos communis perturbationis turbines hausit. Ille raptatus, ille iactatus, ille in exilium actus, ille fortunis spoliatus, ille vxore, liberisq̃ carissimis carere coactus. Frater mariti Germanus Paulucius in eandem calamitatum ratem iniectus, & ipse lamentabili exilio deportatus. Ioannes Baptista filius pro obside, ut magis dicam, postulatus; res domestica per illas iactationes penè in certum naufragium conquassata. In his omnibus imperterritæ matronæ inexpugnabilis animus, veluti cautes medio Oceano, vndique adlatrantibus vndis erectus, immotusq̃ subsistit. Palmam dicrees, quæ tanto magis obnititur, quanto magis pondere prægrauatur. Illa sexu fragili cuncta domabat, spumas liquabat, vndas frangebatur, ventos frænabat, re nulla illata humanitus vincebatur: semper eadem, atque sui similis, in prosperis iuxta, & in aduersis facies tum mentis, tum corporis apparebat. Omnia hinc inde humana reciprocis fluctibus immugiebant, flocci faciebat. liberos amittebat, ferebat. ægritudine vel sua preme-



batur, & æqui consulebat, vel mariti vexabatur, & tolerabat. fundatissimæ familiæ ruinas spectabat, nihil penitus se commouebat. obrectatorum calumnijs, hostium rapinis, domesticorum insidijs impetebatur, pro illis. egregia Christi discipula libenter orabat. benefactis malefacta pensabat. prunas ardentes amoris, in viscera non modo in caput ei aculabatur. Immanibus cacadæmonum spectris, nec spectris modo, sed petulantissimis prouocationibus, neque ijs tantum, at varijs, inusitatisque supplicijs, atque verberibus incessabatur, ludebat, sorbebat, prouocabat, omnia victricis, erectæque mentis, immobilisque propositi magnitudine ludificabatur. Sæpe illi, multumque illæ citeriæ, larvæque vmbratiles diu, noctu; opportunè, importunè, horrificis deformatæ imaginibus irrugiebant, quæ illa infanda spectra magis horrebat, sentiebatque, quàm si in mediam flâmis ardentem Ætnam præceps deuolueretur. Tum pro præsentis remedio, ad nocturna præsertim eiusmodi spectra auerruncanda, candelis sacro ritu expiatis utebatur, quas illi non semel violenter ereptas è manibus, humique proiecitas sceleratissim<sup>9</sup> agitator, sibi haud leuiter infestas testabatur, multo procacius, si illis caruisset, aut alias profanas accendisset, oppidò grassabatur. Sub illa certamina sæpenumero iactata, raptata, pulsata, quassata, aliò deportata, interim à marito vel ægro, ex lectulo accita, vel sano, ad domesticum obsequium euocata, interdum obsequi non poterat, interdum de industria hircere non audebat, ne moræ causa deprehēde-

retur: postea ad vocantis vocem profecta si de cunctatione à viro carperetur, suppresso eo quod erat, tantum se modestè, ac leuiter à culpa purgabat. Nocte quadam pijs ex more exercitationibus dedita ab interpellatore importunissimo, facto impetu, ex capillis correpta, ac sursum in aëra vsque ad Podium foras violenter abrepta, mox in viam præcipitanda pendebat, nisi diuina ope repente in tutum reposita seruarietur. Alia vice, turpissimi veteratoris implacabili odio, in culina supra focum aliquamdiù suspensa, mox casu, & metu simul liberata, pedibus leuiter vstulatis, subiectum euasit incendium. Simulacris porrò infandis vicissim sæuiebat, ijs maximè, quæ scæminis vulgò terrorem afferunt: serpentem sæpè se præbebat, aut serpentum cadaueribus illam pulsabat: varia alia eius generis monstra flammis ex ore, ex naribus, ex oculis eiaculantia ostentabat: ita die quodam, cum ad focum, marito ex morbo decumbenti, pannos calefaceret, anguis immanitate terribilis tetras ex faucibus flammæ eructans occurrit, seseque B. Mulieri toto corpore obuolutum circumplicauit, donec à custode Genio vitis fermento cæsus in frustra discerptus arceretur: cui alter momento leonis forma furibundus suffectus, pari cum infamia eadem ope fusus, ac fugatus abscessit. Quid illo naturæ furiato portento inuerecundius? quid impudentius? quid importunius? nihilo propterea castigatior molestus interuenire non destitit, imo eò processit, vt B. Franciscæ dorso, atque humeris petulanter, in terrificum draconem effectus

formatus in filierit. neque impunè. armata vi inuictæ  
constantie muliercula ignominiosissimè apprehesum  
vexatorem manibus tenere, premere, stringere, præ-  
focare propemodum, donec victus, & domitus, & pu-  
dore æterno suffusus euanesceret. Hic nos abiectissi-  
mi spiritus immortaliter insolescentem arrogantiam  
elanguisse aliquando credamus? quomodo vnquam  
posset? redintegrata vesania, in Hydram septeno gut-  
ture hiantem, septenâque horrentem iuba conuer-  
sus, præter vanissimum terrorem, celerrimè diuini as-  
seclæ præsentia extenuatus, aliud nihil intulit. Nihil  
siquidem illo abiectius, si illi, pede collato, fronte ob-  
uersa, opposito animo restiteris. Ille, cui nomina mil-  
le, mille nocendi artes, satis sua deformitate iam rete-  
ctus, atque prostratus, ad nequitia, & damnatæ teme-  
ritatis cumulum, sese, vt glisceret impunius, Angeli lu-  
culenti ostentatione falsissima personatum obtexit, ab  
instituta vitæ ratione dimouere omni ope contendit;  
ne sibi mortem vltro laboribus maturaret, admonuit.  
quid se enim uerò tantopere angeret? quam in spem  
se tor quotidianis malis excrucicaret? quid vana super-  
stitione tandem tam diu decertaret, quæ desperata,  
quæ deserta à Deo, quæ æterna definitione flammis  
damnata tartareis incassum ad omnia niteretur? ô ad-  
mirabilem fœminæ fortitudinem! explosum, irrisum,  
conculcatum exterminauit. Anceps consilij præsti-  
giator septem alios suos contenebriones ouicularum  
radiolo quodam vellere micantes induxit; septem S.  
Spiritus dona esse ad eam edocendâ submissa mentie-



barur. Abiecit, illufit. Hic illæ ouiculæ ftatim in lupos commutatæ minas intentare pro blanditijs ceperunt. contempfit, illos in veftitu ouium reuera lupos rapaces recognouit. Spe illa deiectus fylueftis hominis habitu, & colore pro S. Onufrio Abbate veterator irrepfis, heremum pètere, quæ folitudine adeò delectaretur, accuratiffimè perluaſit. Spreuit, omni facetia perpotatum fugauit. Simiam fe, ſclerum omnium laternarius, conſentanea profecto figura, præbuit; omnia domi euertit; libros, præſertim pios, hinc inde diſiecit. Illa irriſit, eluſit, cruciauit. Inter has turbas, ſi à domesticis accerſeretur, aut ſe Dæmon oppidò propriebar, aut illa factum opportuna excuſatione ſimulabat; ſi de fragore plagarum, ac verberum ſono, aut alio motu interim exaudito rogaretur, negabat, tacebat, aliò obuerteſcebat. ſolenne auertendis hoſtibus ſubſidium, preculę illę iaculabiles, ex B. Antonij, & D. Catarinę Senenſis experiētia probatę, collectęque. Chriſte mi libera me. dulciſſime Ieſu ſerua me. Anima Chriſti corrobora me. magne Deus, attende ad me. Angele tuere me. Et quæ talia ſunt valdè idonea ſemper in promptu. Itaque erraticos illos congerrones ita tandem ſpernere aſſueuerat, vt eluderet iam magis, quàm expugnaret; caſtigaret potiùs, quàm vinceret, imò paſſim virium infirmitatem illis, ſimulacrorum turpitudinem, ingenij nequitiam, conditionis vilitem, audaciæ insolentiam exprobraret. Quæ maior obſecro vlla conſtantia in ſancta muliere, quàm naturam vincere, contemnere fortunam, ſpernere aduerſa,

ipſos ipſos truculentiffimos humani generis æternos hoſtes non modò non pertimeſcere, verùm calcare, laſſeſſere, prouocare? breuiter, cum ſanctiſſimo martyre Ignatio Apoſtolorum diſcipulo, omnia tormenta, ipſiusque diaboli cruciamenta contemnere? Ille enim ita extrema omnia, dum raperetur in vincula, prouocabat. *Ignis, crux, beſtia, confractio oſſium, membrorum diuiſio, & totius corporis contritio, & tota tormenta diaboli in me veniant, tantum Chriſto fruar.* Quid tertium illud matronalis pudicitie certiffimum munimētum, quo laſciuientis carnis petulantia arcetur, & quatitur, vitæ nimirum aſperitas, quàm eminens in illa, quàm excelſum extitit? ſine Cerere, & Baccho languere vernerem quidam ſapienter Poëtarum cecinit, quæ fomenta libidinis ſi vt ligna foco, ita rebellanti corpori ſubtrahātur, in tuto pudicitiam eſſe uſu iam pridem expertum eſt, & comprobatum. Iam B. Francisca ſemper vnico paſtu diem trahebat, non neſcia quàm paruo natura contenta viueret: tum eius dicti memor B. Hieronymi, Chriſti ſponſæ haud ſecus à vino, quā à veneno abſtinendum eſſe: vinum, tota vita, guſtauit nullū; arte, & inſtituto magis abſtemia, quàm naturæ odio. Romanis olim mulieribus, florente Republica, ita illo inſidioſo liquore interdici ſolitum accepi-  
mus, vt quotidie mariti oſculum ab vxore caperent, vt ex vapore cōpotatio deprehenderetur, quam, in eo ſexu, idcirco capitalem eſſe voluerunt, quòd raram cum pudicitia affinitatem habere arbitrantur. Non vino modo igitur non utebatur, ſed piſcibus, aut falſa-

S. Hieron.  
De ſcript.  
Eccleſ.  
3. Quam  
ſeuera cor-  
poris ca-  
ſtigatio.

famentis etiam abstinebat: carnes perrarò, eâsque paucissimas, nec nisi summa necessitate coacta adhibebat. In morbo numquam oua, pullos, aut volatilia eiusmodi esculenta, multo minùs apozemata, aut vlla medicamenta admittebat, quanquam illa omnia promiscuè ægrotis alijs apparabat. Saccharum, mel, dulciaria, bellaria, sportellas, aromata, & illa alia gulæ, ac sensuum irritamenta non refugiebat solum, sed vsque ad stomachum exhorrebat. vulgare ipsius obsonium, lupini, herbulæ, legumina, mero sale, sine oleo, condita, fructus parcè admodum, & frugaliter attingebat: ac nullo gustu quidem, quem lingua, & constanti inedia sic hebetauerat, corruperâtque, vt dulcissima quæque amara, atque insipida duceret: æstate, præ nimia virium imbecillitate, aut caloris intemperantia, vespere pomum accipere, aut lactucæ aliquantum adungere à rerum diuinarum magistro iubebatur. Mirum, atque insolens. Extor, & tantis inedijs, nihil tamen in rebus agendis de alacritate, ac robore remittebat; quin ad omnia potiùs singularem quandam animi, corporisque præsentiam vegeta semper, & infatigabilis afferebat. Lectulus ad hæc perangustus illi ad vsu erat, qui vix vnum commodè caperet, quamdiù à mariti societate diuulsa seorsim viuebat; in quo sedebat potiùs, aut leuiter corpore inflexo subnitebatur, quàm cubabat, & vestita quidem semper ex lana, etiam interiùs, duas noctis circiter horas dormiebat: interdium quiescebat nunquam: atque in summa, corpusculum veluti intestinum hostem, sanè omnium vt



intimum, & nobis implicatissimum, ita & periculosissimum suspectè semper, atque hostiliter perdomabat. Luctam spiritalem putares, vbi duo pugiles pressè pes pedi, vir virò adstricti, vsque eo se pugnis, & calcibus, & rota volutatione membrorum fursum versus agitant, dum dentes sub pugno crepuerint, alterque supplantatus, aut aperto, & crudo Marte deturbatus, solum, toto corpore prostrato, concusserit. Cæteram debellationem peruiacium membrorum difficile est ita me verbis exprimere, vti illa expressit exemplis. Laneam vestem, atque Cilicium nusquam ad mortem vsque deposuit. Carbasinis, lineisue pannis, ne ægrota quidem assuevit. Sub cilicio perlapè, cinctu equina iuba intexto stringebatur. Flagello senis funiculis intortis, senis ad funiculorum extrema calcariū instar, stellulis propendentibus sese strenuè ad sanguinem diuerberabat. Horrebunt nostri delicatuli, cincinnatuli, ex Gebennensi Seplasia Epicurei pulli, benè curata cute farciti, ventre propèso sesquipede admodum venerandi; qui discum audire, aut patinarum sonum, quàm sacrorum flagellorum crepitum malunt; adipales, manuleati, macellarijque Theologi; magis ad caulas, quàm ad scholas; ad patinas, quàm ad paginas, ad haras, quàm ad aras; ad rura, quàm ad iura; ad macella, quàm ad sacella; ad solum, quàm ad cælum nati, qui nunquam summum Apostolum sentire potuerunt, non quasi in incertum, aut quasi aërem verberantem, sed castigantem corpus suum, & in seruitutem animi redigentem, ne cùm prædicaret alijs,

ipse diuina seueritate reprobatus damnaretur. At B. Frâcisca quadragintadiali ieiunio, solenni exrecordatione Christi seruatoris pro expiando humano genere tanta passi, quotidie se ad numerum, vti sanctiori sabbato singulis horis, eo voluntarij, Christianique supplicij genere excruciat. Circulo præterea ferreo, vt cum eodem Apostolo, adimpleret quæ desunt passionum Christi, carnem non rarò ita premebat, vt longo liuore putresceret, desupérque ingeminatis flagrorum ictibus ingentem dolorem afferret. Iussit magister, cui se illa crediderat, circulum cum aculeato verberare abijcere, quòd illam durare, seseque seruare cuperet; quæ dicto audiens, illa suo sanguine cruentata priùs probè lota, ne à cruoris maculis proderetur illi in manus dedit extempore. Etiam non hodie ea exquisitæ religionis admiranda monilia, vnà cum veste cilicina, ad turrim speculorum, summa veneratione asseruata monstrantur. Atque ecce quò progressa erat solertissima rebellis corporis vlciscendi cupiditas. Vasculum sibi ex demortui hominis cranio coaptauerat, quo tantulum id frigidæ, quod solebat, hauriret, vt vel potus voluptatem, victoria ex omnibus quæsita, præsentì horrore corrumpere, vel mortis recordationem assiduam ob oculos semper haberet. Triste poculum illi vannotia postea furtim surripuit. Præter hæc, quot diebus, digitis in pugnum inuolutis, sibi petus sexcèties ictu iterato pulsabat; vnde callosum, & liuidum diuturna pulsatione euaserat: tum si aliqua corporis alia parte peccauerat, pœnas quamprimum

repetebat, labéinque præfenti supplicio expiabat. veluti si lingua, vt procliue est, labi sibi videretur, aut eam morfiunculis, ad cruorem vsque, vellicabat, aut prona proiecta in terram, os humi volutatum, sacræ vltionis studio, conterebat. Quæ ego curiosius annotata non eo perscripsi, vt matronis omnibus, præsertim nuptis, imitanda proponerem (duram enim provinciam delicato, & molli, & inertî generi imposuerim) satis fuerit ad id quod propositum habeo, si perdidicerint, illa secum animis pertractando, seriò saltem, & ex animo, de sua mollitie, atque innata ignavia erubescere. Quæ enim, obsecro, B. Francisca, à teneris diuino cultui penitus consecrata minora peccata commiserat, quàm istæ faciunt, vt carius cælum, tanta laceratione corporis mercaretur? In quibus valeat sanè illud Apostoli, *Mulier sui corporis potestatem non habet, sed vir; similiter autem, & vir sui corporis potestatem non habet, sed mulier.* Ne vxor inconsulto marito vlla nouitate adducta extraordinarias corporis castigationes ullis aggrediatur, quin ductum in eo, atque ingenium sequatur viri, quæ pars viri est vna maxima, viro, & matrimonio deseruire teneatur, per me licet. nemo repugnat. ratio iubet. diuina scriptura loquitur. sapien. issima mater Ecclesia stipulatur, quæ ad hos vsus etiam statis ieiunijs, sicubi opus est, facile exoluit, vt foetum ferant, vt nutrant, vt alia grauissima eius status onera perferant. At contrà luxu diffluere, omnia macella ad delicias impatienter excurrere, gulæ se mancipium facere, mariti labores, & ne-



gotiosa lucra decoquere, familiam suo abdomine fatigare, omnia allatranti stomacho indulgere, cum vinum curare, vngere, saginare, quis in muliere ferat, præsertim Christiana; ego verò sanè id adulterio proximum duco. Aliæ, quibus scæmineo corpore virilis animus, & virtus inest, cuiusmodi plurimæ omnibus seculis, locis, gentibus, conditionibus reperiuntur, generosius quoddam vitæ institutum paruo negotio inire poterunt. Tu facile maritum inducās, ut mediocria, ut honesta, & visitata velit, colorem, inedia aliqua, absque cerussa, non incommodè emendabit. non te exiguae corporis castigatiunculae trucidabunt, saltando, tripudiando, vestiendo, excurrando duriora interdum patieris. Te maritus, nisi insanit, macilentam malit, quàm petulantem: facilius extenuatam, quàm lasciuam, taciturnulam, quàm loquacem, abstemiam, quàm intemperantem, solitariā domi, quàm in triuijs, in circulis, in choreis adulteram, sacris assiduam, quàm sceleribus vagam, & lenonum susurris adhinnientem feret. Possem nominare Principem in Gallia scæminam viuam, & superstitem, egregia forma, magnis opibus, tenera ætate, primaria nobilitate florentem, quæ eo virum armis, & ferro, & exquisitæ nobilitati narum pellexit, ut nec eam hispido cilicio aculeatam horresceret, nec se flagellis verberatam auerteret, nec ad orādum plurimas horas diu, ac noctu, summa hyeme, adulta ætate, nuda humo orationi, flexis genibus, immorantem interpellaret, imo ipse tandem singulis hebdomadis sacram synaxim adeuntem, vxoriarum virtutum

virtutum iam æmulus sequeretur. *Nihil difficile amanti* Cicer. in  
orat.  
*puto*, Cicero inquit. Addo ego, si placet, neque etiam  
 assuescenti. Consequens igitur est ut in sextum nupta-  
 rum speculum, sedula cura, ad nostram speculorum  
 turrim, secunda contignatione, sexto intercolumnio  
 additum inspiciamus, qualem se videlicet erga supre-  
 mum numen vxor omnium prædicatione laudanda  
 gesserit: quod ego negotium omne tribus officiorum  
 generibus expediuerò. Nam vel voluntate Deum co-  
 limus, cum amamus, vel intelligentia, cum aut veluti  
 præsentem in omnibus intuemur, aut interno cultu  
 adoramus, aut assidua meditatione recolimus, aut  
 grata memoria recordamur; vel externis sensibus,  
 cum eius sacra frequentamus, aut eum pia deprecatio-  
 ne laceessimus, aut alia exterius, ad ipsius cultum interio-  
 rem inter homines protestandum, factitamus. Mem-  
 bra flagellis coercere, corpus inedijs extenuare, mulie-  
 res ne adducantur excusationem habere poterunt,  
 vel virium, quod nequeant, vel virorum, quod pro-  
 hibeant; vel socordiae, quod non soleant, vel nego-  
 tiorum familiarium, quod impedian; vel sodalium,  
 quod irrideant: Deum verò perfectè diligere, Deum  
 colere, Deum cogitare, Deum interiùs adorare, nec  
 vlla obstare infirmitas, nec vir vllus, nisi amens, inter-  
 dicere, nec vlla inertia refugere, nec vlla occupatio  
 impedire, nec vlla vesania interturbare vnquam va-  
 lent, si ipsæ volent. B. Francisca, si de amore dicen-  
 dum est, tanto diuini amoris flagrabat incendio, nihil  
 ut vellet, nihil amaret, nihil respiraret præterea: cor illi

VI.  
 ERGA  
 DEVM  
 QUALIM  
 se præsti-  
 terit.

I. Amor  
 in Deum.

Gal. 2. suum penetrare sic addixerat, ut non illa vivere, sed  
 Christum in ea vegetare, sentire, intelligere, & velle vi-  
 deretur, atque iam cum Apostolo diceret, *vinum autem,*  
 Cant 5. *iam non ego, vivit vero in me Christus;* Iam cum alia sponsa  
 caneret. *Ego dormio, & cor meum vigilat.* Quippe, ip-  
 sius sensibus ad res humanas omnino sopitis, mortuis-  
 que, solus ille in illius pectore vigilabat, vivebatque,  
 quem ex Salomonis Rabbinum interpretatione concu-  
 lum suum non immerito appellabat; Iam illud suavis-  
 simè prægustabat, *Fasciculus myrrhæ dilectus meus mihi*  
 Cant. 1. *inter vbera mea commorabitur:* nempe Theodoretus in-  
 Theodor. *quit, in præcipua animæ meæ parte, scilicet in corde, quod in-*  
 in Cant. *ter vbera collocatum est.* Iam ad extremum cum magno  
 B. Cypri. Cypriano in illud erumperet. *Dico igitur Domino meo,*  
 sermon. de *Deus meus es tu, & dicit mihi dominus meus, ego Dominus*  
 Assumpt. *Deus tuus, homo cuius Deus est quid amplius querit? si suffi-*  
*cis tu Deo, sufficiat tibi Deus.* Quadam visione cælitus  
 collustrata iussa est versare semper animo supremum  
 amorē, quo inde ab æternitate nos Deus benignissim⁹,  
 & liberalissimus dilexisset, eoque potissimum dilexis-  
 set, ut ignominiosissimæ patibulo crucis mortem non  
 dedignaretur oppetere, quo posset mortalis homo  
 unà cum Deo æterna illa vita vivere: quo ex tempore,  
 nunquam intermisit quoties oraret, quoties de cælo,  
 de Deo, de rebus divinis alijs cogitaret, sponsum cæ-  
 lestem ardenter orare, ut ne se unquam à suo amore di-  
 uelli permitteret, sine quo vita illi acerba, & intolerabi-  
 lis, extremique supplicij quàm simillima; cum illo  
 deliciosissima, atque iucundissima viveretur. Hinc



erumpente foras incendio, sua conflagratione incendere mortales omnes cupiebat; indolescebâtque medullitus illius animæ deplorandâ sanguineis lacrimis infelicitatem, quæ Deum toto pectore minimè arderet, à quo ipsa, cæterique homines sempiterno amore præuenti, ad eum redamandum, æterna obligatione anticipati beneficij, impellerentur. Nam quæ illud dicebat, sentiebâtque. *Qui non amat Dominum nostrum Ie- 1. Cor. 16.*  
*sum Christum sit anathema, maranatha*, crebris quoque sermonibus vsurpare solebat, qui Deum tota animi contentione non diligerent, Cimmerijs plusquàm tenebris circumfusus, Andabatarum more, quadam magis insania, quàm ratione ferri, rotarique; omni motu flexibiles, omni leuissima aura versatiles circumferri, sicut inanem glumam, aut puluerem, quæ proijcit ventus à facie terræ; neque in re vlla magis consistere, quàm elementa, aut mixta videmus, dum suis quæque locis insederint; illud enim, vt alia omnia præclarè a B. Augustino dictum esse inquietum cor nostrum esse oportere, donec in Deo, veluti centro suo conquiesceret. Cuius præterea illa certè sunt scripta præclarè; *Da mihi te Deus meus, redde mihi te: en amo, &* *B. Aug. in Confess.*  
*si parum est, amem validiùs, & currat vita mea in amplexus tuos. Hoc scio quia malè mihi est præter te, non solū extra me, sed & in meipso, & omnis copia, quæ Deus meus non est, egestas.* Atque quādo diuini fornacē amoris Deus optimus, ad sacrum diuini holocausti altare succendit, veluti in veteri illa holocausti Mosaici ara cælestis ignis semper ardebat, cuius ardentes prunæ, ex quorundā doctiorū

sententia, B. etiam Hieronymo id suspicante, in carbunculos conuerterentur (qualem eum fuisse oportet, quo Eliaæ Prophetæ Seraphinus, cum eum ex eo altari forcipe abstulisset, labra expiauerat) ad illud sacramentum imprimis se inflammata Francisca torrebatur. Ibi toto corpore, nedum animo, liquefacta penitus deflagrabat; ibi se dulcissimo sponso ineffabili cōnexionē gloriosissimi corporis commiscebat: liceat nāque mihi limpidissimum illud, atque aureum Christianæ eloquentiæ flumen Chrysostomum, ita suo aureo ore fluentem huc deriuare, cuius illa mirè mihi animum sensu cuiusdam incredibilis voluptatis afficiunt. *Ardenter amantium est, ut velint sua corpora castè copulari inuicem, & figere oscula; ita hoc sacramento oscula Christo figimus, & corpus corpori copulamur: quod ne semel aliud cogitans magis effudisse, quàm inculcasse ex animo videretur, ut itaque, inquit, non tantum per charitatem hoc fiamus, verùm & ipsa re, in illam misceamur carnem, hoc per escam efficitur, quam largitus est nobis, volens ostendere desiderium, quod erga nos habet, propterea semetipsum nobis immiscuit, & corpus suum in nos contemperauit, ut vnum quid efficiamur; ardentem enim amantium hoc est. Quo eodem loco illa maximè ad rem eodem ipso ardore incensus exaggerat, Tanquam leones igitur ignem spirantes ab illa mensa recedamus facti diabolo terribiles, & caput nostrum mente reuoluentes, & charitatem, quam nobis exhibuit. Huc tota sese nostra Beata, veluti in altaris holocausti craticulam torrendam applicabat, vbi in pretiosum carbunculum diuini amoris continuo defla-*

Hom. 24.  
in 1. Cor.

Hom. 61.  
ad popul.

grantis conuertebatur. Adibat, vt minimum, semel in hebdomade: quædam eius familiares fœminæ in actis tradiderunt bis etiam mercurij diebus, & sabbati saltem confessione peccata expiare solitam. At quæ diuina eloquentia latis extollat, quanta, quàm inexplicabili, quàm infinita voluptate, puritateque hocce amoris infiniti sacramentum, augustissimam, inquam, Eucharistiam frequentaret? acciperet? exoscularetur? equidem nunquam absque lachrymis, veluti ex vaporario, flamma subiecta, distillantibus; imò ita in sponsum absorbebatur, ita illius præsentia difflebat, vt communissimè auulsa à sensibus extra se ipsa asportata raperetur, atque tam suauem inusitati odoris fragrantiam, eo loco, vbi sacramentum acceperat, exhalaret, vt qui præsentibus aderant, tam hyberno, quàm verno, aut æstiuo tempore, locum recentibus rosis, & lilijs, & omni florum varietate de industria stratum, ornatumque crederent, quasi illa suis oculis tum, ex Cantico multo ante suauissimè decantata, in B. Francisca experirentur. *Introduxit me Rex in Cellam vinariam, ordinauit in me charitatē* (aut vt doctiores malūt) *vexillum eius super me amor; fulcite me floribus, stipate me malis, quia amore langueo.* Ex eo sensu, quem ex illo musto diuinorum vberum scilicet humanitatis, diuinitatisque, æterno communis hypostasis in Eucharistia vinculo, connexarum sopita, & sensibus ebria capiebat, à sacrarum ædium altaribus auelli vix poterat, quantum per viri obedientiam, aut domesticarum rerum otium liceret, inter quæ illa templa maximè frequentabat, SS. Petri,



Paulique præcipuè ; Aræ cæli, S. Mariæ Transtyberinæ, S. Cæcilie, S. Mariæ nouæ. Tantùm porro, sapore quodam diuini sacramenti profecerat, vt inibi seruatoris Christi præsentiam sensibus hisce corporeis, paucis Sanctorum concessa sagacitate, sensili quadam, & lingua experientia deprehenderet. Ad D. Cæcilie cum sua vannotia ad rem diuinam profecta, in sacrilegum sacerdotem incidit aliquando, qui cum haud satis probaret primarias, ex isto præsertim genere nuptarum, opulentasque mulieres tam frequenter augustam adire synaxim, statuit, impulsu tetri cuiuspiam cacodæmonis, vtrique, pro Eucharistia consecrata, profanum panem, infectumque tradere: verùm Beatam nequaquam fefellit: illa, an quòd excellentem illũ animi saporem non perciperet, an quòd perspicacitate mentis collustratæ, sponsum absentem agnosceret, scelestissimi hominis fraudem execrabilem deprehendit. Rem extemplo, ingenti doloris sensu, Antonio à Monte Sabellio, quo ad confessiones faciendas utebatur, exposuit. Festinat Antonius rem à sacerdote perquirere; ille sudare, trepidare, pallere; fateri facinus admissum, veniam denique tentati flagitij, atque silentium efflagitare. Memoriam habeo, in re simili, B. Alziarium Comitem Sabranensem, cuius ante meminimus, cum Parisijs in Regio comitatu sacerdotem diuino instinctu recognouisset cæleste viaticum, vt putabatur, ad moribundum argentea theca circumferentem, eadem infanda perfidia, pro confecta Eucharistia, vulgarem panem accepisse, Rege, & Prin-

*In Bulla  
Can. miza-  
tionis.*

cipibus, ad exhibendam sacrosancto gestamini reue-  
 rentiam, sese componentibus, ipsum ne caput qui-  
 dem, vultu in contrarium verso, retexisse, ac rei inso-  
 lentia commotum Regem causam cur minimè sacra-  
 mento venerabundus accideret, petiisse; tum aperuif-  
 se quod suberat Alziarium; accitum præbyterum fas-  
 sum fuisse, qui sacratam hostiam, ex quadam incuria,  
 non haberet ad manum, aliam quæ prima se dedisset,  
 tumultuariè deporrasse, ne si fateretur incuriam, mo-  
 ribundum vltimam viatici opem implorantem offen-  
 deret. B. Ludouicum Regum nostrorum miraculum  
 non rarò templorum adyta, in salutato, quod aliàs nū-  
 quam consueuerat, sanctissimo sacramento, etiam ac-  
 census ante, appensisque lampadibus, præterire solitū  
 legimus, quod persentisceret sacramentum tum esse  
 nullum, idque ita fuisse semper, quoties in salutatum  
 prætermiserat, compertum fuisse. Enimuero veluti  
 Ionathæ, melle degustato, & discipulis ad Emauntem  
 sacramēto relictis oculos ad apertos antiqua recenset  
 historia, non aliter sanctis mellitissima cælestium deli-  
 ciarum mensa epulantibus internus ad spectus ad illa  
 arcana spectanda referatur. Hæ itaque sunt matronæ  
 sanctissimæ connubiales illecebræ, hæ æternæ veluti  
 in sponsum caritatis, Angelicæque conuiuij antecæ-  
 nia. Quid reliquum est nisi, vt quæ tam inflammato  
 ardore sponsum deperiret, tota cogitatione in illum  
 continuo defixa languesceret? alia, præter eum, omnia  
 fastidiret? Darij vxorem integerrimam fœminam Re-  
 ginam Persarum veteres tradiderunt, postquàm ma-

2. Rerum  
 Diuinarū  
 assidua  
 meditatio.

ritus ad epulas clarissimos, ac pulcherrimos quosque è curia procures inuitasset, cui illa quoque conuiuio intererat, sublati mensis, dilapsâque conuiuiis, à Rege interrogatam, quisnam ex lectissima nobilitate venustior, quis gravior, quis cultior, comptiorque fuisset visus, se nescire præcisè respondisse; causam iterum afferre iussam, addidisse denique, quòd in solum maritum intenta, quem solum amaret, solum cordi haberet, solum formosum esse duceret, se aliorum notasse, aut vidisse neminem. Dictum de Barbara fœmina, verum de B. Francilca, ac mirum, quàm vnice Christum, cui se totam, penitusque deuouerat, veneraretur, ac totum quodammodo mente, amore, ipsis propemodum oculis hauriret. In quo quam nos aliam familiaritatem, quam venerationem maiorem, quæ dulciora alloquia intelligamus, quàm assiduum studium orandi, meditandi, contèplandi, legendi, sacra omnia tum ore, tum mente tractandi? Hæc semotiori se gynæceo, à reliqua negotiorum strepentium turba identidem secernebat: hæc nugarum obmurmurantium, vestemque carneam succutiētium cateruam, cum SS. Augustino, atque Bernardo, ad fores interea sistere imperabat: hæc se ipsa in sese (ne sese quæreretur extra) quærebat, reperiébâtque; hæc primi momenti negotium, quod salutem attingit, remotis arbitris, solo disceptatore, & cognitore, & arbitro numine, pertractabat. Quo segregato feriatae animæ diuerticulo non contenta, domi recessum oratorium sibi in hortulo arcanum, spelûcæ instar, sub vmbriфера arbore Cydonia  
pomo



pomo adornauerat, quò subinde ad secretiora captā-  
da cum sponso colloquia secedebat, neque inconfi-  
deratè prætereundum profecto est, quod illi eo loco  
aliquando accidit, commemorando recordari. Eò com-  
mīte vannotia aliquando diuerterat, ne ad grauidam  
in vicinia parturientem, Romanarum mulierum mo-  
re, accurrere familiari inuitamento cogeretur; opti-  
mum factu rata interim, cum dulcissima socia recog-  
itare quàm arduum esset in tanta varietate, & pertur-  
batione domesticarum, vrbanaarumque in communi  
vita occupationum Deo perfectè, & ex animo infer-  
uire. Qua ex sermocinatione sensim vtrique gliscere  
animo sacra cupiditas nonnulla cæperat in remotam  
quampiam solitudinem conuolare, vbi expeditius il-  
lis, tutiùsque in meliorem eam partem, quæ porrò  
vna necessaria est, liceret incumbere. Mensis tum  
Aprilis adolescebat, atque ecce è cælo testimonium,  
illam secessionem superis cordi fuisse. Ex Cydonia  
arbore, pira, intempestiuo & trunco, & tempore, be-  
nè bona, & matura, ac probata decidunt. Mirantur  
attonitæ, ne veteratoris hostis astutia nonnulla sub-  
sit primò subueritæ paulum hærescunt; tum vnum  
explorant, nihil fraudis inueniunt; planè natiui esse,  
germanique saporis agnoscunt; authori munerum  
Deo grates ex animo ambæ rependunt, qui nec in-  
gratam suæ Majestati illam à rebus inutilibus digres-  
siunculam præsentī iudicio testaretur, illasque magis  
in dies ad rerum humanarum, suique despicientiam  
exstimularet. Reliqua pira maritis, ad eorum quoque

fiduciam exfuscitandam deferunt, vtrinque gratulationes, & supremæ bonitatis encomia decantantur. Verùm inter omnia incredibile dictu est, quàm quotidiana acerbissimorum Christi cruciatuum meditatione interiùs eius aleretur, & recrearetur animus, incendereturque quotidie, vt consimile aliquid ipsius amore experiretur; ex quo singulari quodam priuilegio consecuta erat, vt quoties de illa horribili membrorum Christi carnificina cogitaret, ipsa dolores iisdem in partibus sui corporis adeo vehementes, asperòsque sentiret, vt tum è vestigio moritura facilè existimaretur : quemadmodum B. Collettæ virgini S. Claræ concessum fuisse accepimus, vt hora sexta diei veneris Sanctioris hebdomadæ, qua hora Christus in cruce decesserat, mirabiles quasdam angustias persensisse, sic vt illius lateri plaga, Christi vulneri lancea transfuerberati, quàm simillima obtigerit, vnde tanta aquæ copia, notio quodam supplicij genere, cum dolore maximo distillabat, vt panniculis humorem sistere perpetuò manantem, passimque panniculos alijs alios sufficere necesse esset. Etiam B. Claram illam aliã Montisfalconis, mirabile dictu, auditurque ! adeo intentam Christi cruciamenta patientis versare animo consueuisse memoriæ tradiderunt, vt in defunctæ medio corde, exfectis visceribus, omnia illa salutaria assertæ humanæ salutis insignia, crux, lancea, sponsia, corona, clauis, & reliqua, impressa, sculptaque inuenerentur, quæ ibidem etiam non hodie religiosè culta, exhiberi que populo solita conseruantur. Illa interna,

hæc magis externa, quæ ego dicam; quanquam ex ea<sup>3. Alia em  
seriora  
pietatis in  
Deū exer.  
citiâ.</sup> veluti scaturigine, iisque scatebris interioribus, ista ex-  
teriora emanabant. Piorum codicum lectione supra  
modum capiebatur, insitâque muliebri ingenio  
fructuosè, & iucundè, & nullo periculo pascebat cu-  
riositatem: Deum illic loquentem, atque intimè sua  
arcana insusurrantem audiebat: quo quia nihil infe-  
stius cacodæmoni, præsertim in molli, atque otiosa  
fœmina esse potest, quâ desidia magis perdere, quàm  
aperto Marte consuevit, quemadmodum Annibalem  
Romani, Capuanis magis delicijs, quàm instructis  
exercitibus debellarunt; ideò sæpe importunissimus  
interpellator solebat, exiguam illam libellorum supel-  
lectilem, simiæ forma spectatus, abripere, spargere, la-  
cerare, donec secum maximè quos pluris faciebat ge-  
stare ipsa statuit, quo & insidiosi hostis invidiam elu-  
sit, & illud opis semper ad manum, quocunque ince-  
deret, deinceps habuit. Quoad vocales, quas vocant  
precationes, constat totis quadraginta annis, rituale  
Deiparæ matris officium, nunquam intermisso studio,  
recitasse, vnà cum quibusdam alijs statis, ac certis ora-  
tionibus, quæ vno libello horario continètur, qui ho-  
diè sedulo cultus, non sine admiratione, & singulari  
quodam sensu maximè pietatis, ostenditur ad Turrim  
speculorum. Id non in templo solùm, sed domi, sed  
foris, ruri, in vrbe, & loco quocunque, vbi sese oppor-  
tunitas daret, vbiq; tamè genibus flexis, aptâque cõ-  
positione mentis, & corporis, recitabat: argumento  
superstitiosis mulieribus, quæ nusquam se orasse con-



fidūt, nisi in templis pernoctauerint, vt si templorum commoditas, aut præ negotijs, aut alia causa defuerit, Deum vbique præsentem veneratæ, si quod quotidianum precarium pensum destinauerint, vbiuis locorum reuerenter exoluant. Mense Septembri, anno M. CCCC. XXXVIII. ad consuetam vineam, extra muros, versus eodem Apostoli Pauli, cum aliquot alijs instituti, exemplique sui mulierculis, profecta, dum alijs aliò alia de causa dilapsis, ipsa iam inambulans oraret, iam quotidianum virginis parthenium diarium genuflexo redderet, ecce ex insperato, profuso nimbo, largissimo imbre præcipitante, omnes ex cælesti eluione madefactæ comites stillare vndique, & perpluere cæperunt: solam Magistram ne gutta quidem pluuiialis attingere ausa inoffensam præteriuir. Ita B. Antonio Patauino ad populum, sud dio, dum aquis pluuijs maderent omnia, verba faciente, nihil auditorium immaduisse; ita B. Bernardum ad Robertum, ex ordine Cluniacensi solutiore, quò transfugerat, ad Cisterciensem, literis libero campo, cælóque rescryptis, reuocantem, imbre illotum, atque intactum, pluuiæ circum vndique inundante, memoria tenemus. Voluit ea significatione Deus ostendere, quã charas, gratasque famulæ preces acciperet, quamuis in vinea profano loco persolutas: tamen vbi facultas esset, præcipuo quodam, & indefesso proposito, sacra loca obire non cessabat: qua parte pietatis, non habeo dicere, vtrum plus illi molestiæ Dæmoni, an opis, atque solatiij præsens vbique ipsius votis numen attulerit.

Ad SS. Petri, Paulique solenni festæ dedicationis die, vnà cum indiuidua comite viam parabat: hîc ille sanguinarius insidiator comitem vannotiam per scalarum gradus deturbatam, corpore propemodum cōminuto, disiecit; accurrit Frācisca, procūbit in genua, valerudinē, vitāmque fidæ suæ comiti comprecatur. Passus est scelestus carnifex, ictu eo capitali, vannotiā emori exanimatam debuisse, ni sua opportuna ope collapsam Francisca Archangelus subleuasset. Haud minore periculo ipsa exempta aliàs, ætate iam adulta, fuit, dum salubrium veniarum promerendarum studio, ad D. Petri, cum alia quadam socia contenderet. Ambę in itinere acerrimis æstibus ad molestam sitim adductæ, refrigerandi corporis causa, in Tiberim leui declinatione descenderant. Cæterum dum incautē in lubrica ripa progrediuntur, cæcos delatæ in gurgites, iāmque vorticibus prærapidi amnis haustæ, oblutanti flumine, per vndas sese mutuò, consertis brachijs, complexæ magno interuallo raptantur, dum ad extremum, Sanctam Cicur, atque edomitus Tiberis veneratū, vtrāmque tranquillo profluuiō sanam, & incolumem in opportuna ripa restituit. Illæ hærentes periculi pariter, & miraculi stupore aliquantisper attonitæ, inde vt primum ex pauore animum receperunt, cæleste beneficium venerabundæ, procumbentes in genua, numinisque liberatricem clementiam impensè salutantes, grates laudibus miscent, sacram ædem adeunt, Principem Apostolum prædicant; miraculum recognoscunt; eidemque potestati acceptū

referunt, quæ olim Petrum tumidissimi pelagi vada calcantem, stantem in lubrico, hærentem in salo, tutum in procella, securum in fluctibus, tenuisset. Hæc summa huius narrationis. Nihil in mente, nihil in corpore Sæctę inerat, quod summâ pietatē vndique non redoleret: linguam diuinis affatibus, oculos lectione librorum, auditum sacris concionibus, manum religiosi operibus, gressum, omniumque compagem, molémque membrorum quotidianis maximarum rerum exercitationibus, & peregrinatiunculis exercebat. Thomas, ex Augustissimo Prædicatorum fratrum ordine, vir clarissimus, cui, totis viginti annis, cū Beata rerum spiritualium pertractandarum maxima fuerat necessitudo, sanctè, iuratèque testatus est, se neminem hominem in vita aut vidisse, aut audiuisse, aut adijisse aliquando, in quo tanta, tam assidua, tam constans, tam inuariabilis pietas appareret: quinetiam, ex illius diuturna consuetudine, se eam virtutum accessionem fecisse, eúmque gratissimum fructum magnæ utilitatis percepisse, quem, ex persona quapiam Angelica, potuisset. vsque adeò illa tria cum primis, charitas, sui despiciëntia, pietas, quidquid aggredideretur, quidquid ageret, quocunque se verteret, elucebant. Verum mulierum religiones, vt plurimum, quia curiosæ, in superstitionem degenerant, quia verò sui sensus retinentes sunt, infirmæ tamen, atque indociles, in scrupulorum, quos vocant inanem inquietamque, molestiam facile prolabuntur. *Simul autem & otiosæ*, inquit Apostolus, *discunt circuire domos, non solum otiosæ, sed &*



verbosa, & curiosa, loquentes quæ non oportet. Hinc enim, opinor, est, quòd in maleficorum genere, ferè solas mulierculas comprehendi videmus. Hos Beata fœmina scopulos, totius declinatione corporis, non secus ac quasdam pietatis Christianæ Symplegadas, euitavit. Hanc mordacissimam animæ lanienam sic refugiebat, sic ab alijs depellebat, vt diceret haud secus, quàm pestem ab ijs auersandam, qui sanctiorem vitæ rationem aggredierentur; siquidem eos nullam quietis partem habituros, nihil boni vnquam, eo statu perturbatæ mentis, suscepturos, gustum ex bonis operibus percepturos nullum: nosse enim Dæmonē, haud alia arte magis, omnem quamlibet piām viuendi institutionem vel adulterari, vel penitus tandem abrumpi; subdolum hostem omnis pietatis hoc vnicè attendere, vt huiusmodi scrupulos aculeis lancinet, ac fodiet pectus, quòd expedito eo compendio consequatur, si stimulatam mentem aut suscepti religiosi negotij pœnireat, aut sperato sapore destitutam nausea fatiget, aut inutili contentione lassatam opprimat, aut denique hærentem ad singula, nec tutò vestigium figere audentem, ipsa perplexa sollicitudine veluti labyrintho conclusam in deuia quæque circumagat, vnde se expedire non possit. hoc fallaces nutriculæ faciunt, quæ absyntho, vel synapi papillas illinunt, vt à puro lacte pueros lactentes auertant; hoc qui iniquo loco decertant, qui armorum, solisue fulgorem in pupillam hostilis exercitus obuertunt, aut tormentorum, & scloporum iniecto fumo, opportuna captatione

ventorum, ea veluti glaucoma ob oculos obiecta, hostē infuscant: hoc denique qui præstigijs & maleficio mentem infatuant, ne sibi videre quod videt homo videatur, sapiusque incerta, & fucata, quàm vera, & certa assequatur, dum anceps, ac dubius, inter vtrumque, hærendo vacillat. Curiosa autem ad vltimum nemo vnquam, tam deliberato proposito quàm B. Francisca damnauit. documēto est quòd damnatæ lectionis, & artis veneficorum, maleficorum, ac sagarum libellos, tum ipsos libellorum authores, non aliter, quàm inquinatissimum ipsum nefandarum artium nundinatorem, tenebrarum Principem perhorrescebat. Quotcūque eius farinæ volumina eo inexpiabili scelere deprauata vel fortuito reperire, vel arte alijs, clam, aut precario, ioculari, aut seria, occulta, an aperta vi, extorquere poterat, omnia protinus inflammabat: quod, ex primæuæ Catholicæ Ecclesiæ Christianis, multos fecisse legimus. *Ex eis, qui fuerant curiosa sectati:* hoc est, ex doctiorum interpretum explicatione, sceleratæ Astrologiæ monimenta. Neque sanè silentio prætereundum est illud quoddam in B. Francisca memorabile. Vixdum inito matrimonio, in mariti Laurentij manum, familiamque conuenerat, quando in periculosum satis morbū incidit, qui illi supremus, ac lethalis à Medicis iudicaretur: iamque exigua in spectrahebat animam, cū nihil cunctata strigosa quædā, atque edentula è sagarum numero, se vltro ingerit anus, quæ se depulsuram è vestigio egritudinem, (esset modo dictis fides) pollicetur: at pia, & sancta scemina, quæ

quæ flocci corporis sanitatem, præ animi valetudine, faciebat, execratam vetulam omni seueritate verborum, totiusque vultus conformatione censoria, castigatam, dein serio de diabolica nundinatione abiudicanda commonitam, properatò sese suo lecto proripere, proculque facessere imperat. atque generosæ matronæ constantiam extempore profusè diuina benignitas remuneratrix præsentì cū scenore, compēsauit. Saga summotà, religionē illi animo Deus indidit. B. Alexij sui popularis, valetudini recuperādā, tot aliàs certis euentibus expertum auxilium implorare. Fecit quod monebatur interius, nec tam ore, quàm pectore. Neque in cassum missæ preces. Consequēti nocte intempesta, somnum inter, & vigiliam, B. Alexius repentē cælodelapsus se illi obtulit, cubiculum omne clarissima luce compleuit; mox benigno vultu, bono animo esse iubet: macte virtute, inquit, filia, en vocatus adsum, præsentem tibi opem affero; ac ne vel dubia fides, vel veteratoris hostis insidiæ subesse credantur, tua ex longinquo morbo subita valetudo miraculi fidem faciet. Hæc effatus superiorem amictum, quem vulgò illa induebat, agræ imponit, euigilare eam, & stare præcipit; mox sublimis in cælum abit, unde descenderat, cælesti quodam odore relicto in cubiculo. Id verò non ludibrium sopitæ, aut morbo implicatæ phantasïæ, sed veram speciē fuisse rei demonstrauit euentus. Illa repentē, pauori mixta lætitia, expectata, tota sudore fluere capit, depulsâque repentē febri, valens, & vegeta surgit è lectulo, non magis re-



cepto munere, quàm B. Alexio spectato, læta submit-  
tit genua, & oculos pariter, manusque ad sydera su-  
stollens Deo opt. pro accepto beneficio, multiplices  
grates agere occupat: inde simul illuxit, ex more vesti-  
ta præ gaudio gestiens cognatam vannotiam conue-  
nit sub eodem tecto dormientem, cui ex abrupto,  
euigila, surge, mea vannotia, inquit, tunc me ex  
semimortua sanam aspicias? ad Beati Alexij reli-  
quias piaculares nobis oppidò adeundum: tu ex-  
pergiscere, induere, nec sit mora. eius ego mentis,  
precibusque sanata prodeò in publicum. Obstupefa-  
cta repentino viso vannotia vix vera esse credit, quæ  
oculis videt, ac dubia, ne pro cognata spectrum adspi-  
ceret, tunc es Francisca, quam conspicio, inquit, ô de-  
licium meum? ego verò, Francisca inquit, festina, Frã-  
ciscam vides, ego vannotiam te appello. Impigræ di-  
ctum, exilit. accurrunt ex vicinia aliæ, vulgatur miracu-  
lum, itur ad B. Alexij ad montem Auentinum, vbi  
ædes illi sacra eadem parte, qua sub paternarum scala-  
rum gradibus, quæ ibi prostant adhuc, tot annos igno-  
tus, nouo miraculi genere, vitam exegerat. Actæ nu-  
mini gratiæ immortales, tum sospiti sancto votum  
exolutum, vitæque de cætero diuino cultui in perpe-  
tuum, redintegrato voto, obstricta, dedicatæque. Ha-  
ctenus Christiani cõnubij, vereor vt magis ad admirã-  
dum, quàm ad imitandum, exposita documenta: quã-  
quam etiam quod facilè æmulentur sollicitæ, albæque  
illæ animæ habere possunt. Amabunt saltem, si aliud  
non poterunt. Volaticus est, & præpes amor: mo-

mento super astra transcendit: vinciri, includi, enervari, lassari non potest. Hic vigeat maximè, si nequit in cæteris; hîc regnet, hîc sese audacter efferat pietas matronalis. Deinde, si accuratæ contemplationi rerum maximarum aut mentis tarditas, aut solitudinis impatientia, aut negotiorum perturbatio officit, quid obstare poterit, quo minùs horulæ sextantè, quadrântemûe, sub vesperam, ad recogitandas diei exacti labeculas, suffurentur? an genu vbiuis muliebriter, ne viro quidem aduertente, submisso; an stando, an ambulando, an sedendo, an ad somnum itando, vt Vlyssææ Penelopes imitatione, serò retexant, quod diù vitiosè contexuerint, eoqûe pacto ad repentinos obitus, qui non rarò noctu incidunt, sese comparent? si sacram Eucharistiam vsurpare, octonis diebus interiectis, vel per viri voluntatem non licet, vel per inertiam nimiû videtur; at semel, iterûmque, quot mensibus, quid impedire in Christiana fœmina tantum, tamqûe humanum potest? Id modo cauendum, ne temerè, aut importunè maritis, solutioris exempli præsertim obstrepatur, neu domestica cura idcirco flaccescant, nam & B. Franciscam literis traditum est summa dexteritate, celeritatèque officio familiari, de industria, perfunctam, quod superesset reliquum temporis, pietati impendere consueuisse. Ingenij pretium erit ita se viro, itaqûe virum sibi attemperare vt, nec illo admodum inuito, aliquid velis, nec ille tibi iusta petenti facilè obsit. quod facile factu est, si moderata, si opportuna, si consentanea, si omnibus prouisa circun-

stantijs postules. Porro quotidie tremenda liturgiæ interesse (quod ego Christianę genus occupationis in maximis optimum, & fructuosissimum, & facillimum duco) vocales vero destinatas aliquot precatiunculas exoluere, sin minus in templo integrũ, at domi, in viridario, in hortulo, in agro expeditum esse; pios demum libellos, bene moratæ pabulum, ac dulce epulum animæ, frequenter terere, an designatis, ac subcisiuis, an fortuitis, & tumultuarijs horis, quæ vlla tanta mariti fanatici, tamque insana morositas prohibere; quæ vllius mulieris tanta socordia refugere potest? Christianas, & pudicas, & cordatas alloquor, quæ nõ omnia in otio, non in thalamo, non in lucro, non in delicijs, non in languida illa belluarum, aut Epicuræorum Sybaritica vita omnia reposita esse arbitrentur. Veruntamen hinc superstitionem, vti voracem, ac rapacem Scyllam, illinc scrupulosæ conscię latratum, velut Charybdim effugiant. Pro scrupulis hoc primum, hoc vltimum, hoc summum, hoc vnum in præceptis, ne sui capitis, neu suæ frontis esse, ne nimis excelsa appetere, ne de se superbè sentire, vno verbo, expertæ scientiæ magistros ad vnguem audire, ac sequi velint. Superstitiones porro nullo negotio amputabunt, si se verè pias, si Christianas, si piorum libellorum auidas, si nouitatum, & ingentis curiositatis inimicas, si simplicitate Catholica quadam ingenuas, candidasque, si Dei, si superũ, si germanæ religionis perfectè amantes exhibuerint. Iam quando è scopolosis cotibus enauigasse videtur oratio mea, nobis



que tãdem gemina virginitatis, atque coniugij erecta, ad solarium vsque, substructio est, iam expeditus ad cetera cursus ostenditur.

**E**RGO Tertiam Contabulationem cõsequitur, vt ad fastigiũ perfectę viduitatis, extrema operis manu, sustollamus. Materiã Platanus, & Terebinthus, & Palma structuræ subministrabunt. Nam Platanus viriditate potius, & latitudine frondium, vnde & Gręcum nomen hausisse videtur, ad opacandum patulis diffusa ramis, quàm pomifero proventu laudatur: humidioribus gaudet adnasci locis, eo frõdescit magis, quo amputatur magis, quo ingenio, viduarum statum lacrymabilem, & prole infœcundum, & humani amputatione solatij, magis virẽtem Platanus iuxta aquas representat. Tum Terebýnthus, quæ fruticosa, quæ amaræ proventu resinæ acerbæ, quæ nigra baccis, ligno quę, depressione, & colore, & sapore, vidualem obscuritatem commodè exhibet: melius Palma, ea parte, qua terram attingit nodosa, deformis, aspera, angusta, qua cælum prospectat, venusta, virescens, & iucundè frondosa, expansa quę; quam in certaminibus item signum esse placuit victoriæ, quòd virgentibus, Plutarchus inquit, opprimentibusque non cedat, ipsa quę adeo foliorum specie gladium referat. Iam Eucarpi multiplici earum arborum fronde contexti, baccis plurium generum pendulis, immixtis quę, aptissimè rostris Turturum subnectuntur. Intercolumniorum intercapedinibus viduarum veterum illustriora specimina duobus ordinibus collocantur. Superiori-

VIDUITATIS  
SEXALIA  
SPECVLA

*Iudith. li.* bus, sanctiores ex sacra historia supernè locatæ. Iudith  
*Ruth. lib.* mariti orbitate, domestica solitudine, Holofernus vi-  
*3. Reg. 17.* ctoria, solenni triumpho clarissima. Pulchra Noëmi  
*4. Reg. 4.* lachrymabunda, egregia familiæ moderatrix. Sarepta-  
*2. Reg. 14.* na, filio ab Elia vitæ reddito, memorabilis, Altera Eli-  
*Luc. 2.* zæi, multiplicato oleo, celebrata. Sapiens Tecuitis soler-  
 tissima oëdiorum, & dissensionum ciuiliū concilia-  
 trix. Anna Euangelica, quæ non recedebat è templo,  
 inedijs, orationibusque continuis commendata, qua-  
 rum singularum illustria facta, in vna B. Francisca con-  
 globata, admirabimur. Infernè, sex quoque profanæ  
 antiquis celebratæ matronæ viduæ coaptantur. Areta-  
 phile libertatis publicæ studiosissima vindex; pulchra  
*Plutach.* Eryxo optima prolis educatrix; Camma religiosissima  
*De gestis* fœmina; Xenocrite assidua sacri cultus sacerdos; Py-  
*illustribus* this quondam vxor omnium sui seculi tum coniunx,  
*fœminarū* tum vidua prudentissima. Timoclia pudicitie matro-  
 nalis, vsque ad miraculum, tenacissima, exempla Chri-  
 stianis mulieribus posita, quibus vel virtute proficiat,  
 vel saluari verecundia interim erubescant. Stylobatis  
 rosæ ex spinis adnascentes, tum nigræ, quales in Palæ-  
 stina fuisse aiunt, omnium, quæ vsquam reperiantur,  
 odoratissimas; tum quas vulgò Hiericuntinas vocant,  
 in specie emortuæ, intus, vi quadam viuifica, reuoca-  
 biles, quæ viduis illud tacitè loqui videantur, *mortuæ*  
*enim estis, & vita vestra abscondita est cum Christo in*  
 Deo; tum vulgares variorum colorum amænitate  
 pulcherrimæ, quibus genus hoc vitæ spinosum, & la-  
 boriosum satis, verum odoriferum, iucundumque su-



peris, obsignatur. Ordo columnarum Doricus, solidus, & virilis, & Martius perbellè dentatus, austerusque. Generalis inscriptio Platano valdè idonea.

TEMPVS PUTATIONIS ADVENIT, VOX TVR-<sup>Cant. 1.</sup>

TVRIS AUDITA EST IN TERRA NOSTRA.

Senis laterum figuris ad singula specula sex absolutæ viduitatis imagines ex Doctoris Apostoli Theologia reflectuntur. 1. Si qua vidua filios, aut nepotes habet, discat

primum domum suam regere. 2. Quæ autem verè vidua est, <sup>1. Ad. Th. 4.</sup>

& desolata, speret in Deum. 3. Inster obsecrationibus, &

orationibus nocte, & die. 4. Nam quæ in delicijs est vivens

mortua est. 5. Et hoc præcipe, ut irreprehensibiles sint. 6. Vi-

dua eligatur in operibus bonis testimonium habens, si hospitio

recepit, si sanctorum pedes lauit, si tribulationem patientibus

subministravit, si omne opus bonum subsecuta est. Quantum

ad primum, familiam in matrimonio quàm scitè, per-

fectèque instituerit, satis opinor proximè intellectum

est, at nos hoc loco non illa vulgaria, sed summa quæ-

dam ad excelsum expletissimæ perfectionis cumulum

consecramur. Haud in ea prolis gubernatione stetit

B. Francisca, maiorem quandam, & nobiliorem fami-

liam duxit, qua erudienda, regendaque diuiniore quæ-

dam illius sese efferret industria. Anno salutis huma-

næ instauratæ circiter M. CCCC. xxv. Martini V. Pont.

Max. Octauo, Laurentio viro suo superstitè, cùm iam

annos ageret ætatis admodum quadraginta, an ex fa-

ma, an ex emulatione illius sanctitatis sese ad illam ad-

iunxerant nobiles aliquot, piæque matronæ, quæ pau-

latim ipsa veluti magistra, velut in vnam quandam re-

I.  
FAM-  
LIA RE-  
LIGIO-  
SA RE-  
ligiosa, &  
diuina in-  
stitutio.



ligiosæ fodalitatis speciem, simul itando, ventitando, vititandoque coaluerunt, quarum incenso studio fouendo, alendoque, cum magis in dies rem prospiceret operæ maturam esse, obnixè iam tum cogitare cæpit de coeunda seriò cum eo exiguo numero, atque æterno quodam Religionis nexu, sancienda Societate, quam in rem ad diuinam primum voluntatem, & gloriam vndequaue rimandam, multum lachrymis, multum precibus, multum voluntarijs inedijs laborauit: statuit denique opportunissimū factu fore, si omnes, solenni ritu, S. Benedicti gloriosissimi Archimandritæ regulam complecterentur, arbitrio, ductūque Patrum montis Oliueti, ad S. Mariæ nouæ, in foro Romano, proximè antiqua rudera templi pacis, qui ipsi quoque ex eodem Benedictino instituto vitæ suæ momenta omnia moderantur. Incredibile quàm citò, quàm prosperè negotium conualuerit: id tum ne ad summum adduceretur, sola obstabat vita Laurentij, quæ tum adeo sanctissimæ vxoris vel cōsuetudine profecerat, vel quotidianis adhortationib<sup>9</sup> permotus fuerat, vel omnibus voluntatibus aslueuerat, vt & simul iam castè separatis thoris viuerent: & vxori pro arbitrio agere, conuenire, lectiorem vitam cum alijs instituere liceret. Interea ad rem in perpetuum diuinis præsidijs stabiliendam, sancendamque, Deus ipse hunc in modum manum admouere operi ipse constituit, claro sanctorum B. Franciscę tutelarium patrocinio cælitus demonstrato. Ad peruigilium eius diei, qui dies Christo genialis, latè toto Christiano orb

orbe celebratur, suum ex more cubiculum ramusculos arborum inumbrauerat, quo formam quandam solitudinis, qua mirè afficiebatur, effingeret. Hîc profundissimè in Christi nascentis contemplationem effusa, abstracta per ecstasim, derelictis sensibus, cum infinita quadâ feriatî animi voluptate, diutissimè Christum infantis imagine, præ manibus, & in gremio tenuit: deinde visa sibi in purissimo quodam, & Crystallino lenissimè submurmurante diuinæ misericordiæ fonte, à Principe Apostolorum Petro dulciter immergi, lauarique, ab ipso tremendum Synaxim accepit, cum incruentum diuini libaminis sacrificium ad altare fecisset, cui sui tutelares Apostolus Paulus, B. Benedictus, & Magdalena Christi amantissima interfuerunt. Actum inter hæc in confessu Sanctorum de legibus, quas teneri deinceps ab religioso illo matronarum cœtu oporteret: Sacro confecto, B. Francisca, solenni ritu, à Principe Apostolo consecratur, Deiparæ parenti, cuius sub tutela impofterum esset, præsentatur: postmodum redditur sensibus, quibus illa mirificis, vltra quàm cogitando assequi possumus, exhilarata spectaculis, Beata, ac florens Bartolomeum in diuinis magistrum ex Franciscanorum ordine exemplo conuenit: leges ei sacræ sodalitatî à Beato Apostolo Paulo dictatas, præscriptasque, eo, quo conceperat tenore, commemorat. Ex se habent ad hunc modum.

*LEGES SODALITATIS TURRIS  
SPECULORVM.*

1. Ad eum ordinem promiscuè virgines, viduæque ritè admittuntor, legitimæ tamen ætatis omnes, quæ de suscipiunda vitæ ratione iudicare queant, capiuntor; tum de recta intentione super omnia, & de obedientia per omnia præstanda, interrogantor, castæque ipsæ concipiuntor.
2. Ductu, instinctuque monachorum montis oliueti S. Mariæ nouæ vitam ducuntor.
3. Ne vilius coactu, neu prauo inductu, neu pretio, neu dolo malo, conscribuntor.
4. Hoc certo, & concepto habitu vestiuntor. Primum vestem candidam, extimam verò pullam crasso panno, filoque; velum porrò è carbasina tela purum, ac sincerum esse oporteto. Candida fidem, castitatem, puram intentionem, pulla voluntariam paupertatem, & oculatam definiti lethi recordationem, velum toties ad quæsitum candorem lotum, versatum, pulsatumque, quidlibet sufferendi, obtemperandi que constans studium repræsentantor.
5. Præter quadragintadiæ ieiunium solenne omnibus Christianis, tria alia sobriè, ac legitimè obseruantor. Vnum S. Spiritus à Christo ascendente, vsque ad Pentecostem esto. alterum Deiparæ parentis assumptæ, à Kalendis Augusti, ad magnam Reginam cælo receptam, ac triumphantem protenditor. Tertium diuini Amoris, totius Aduentus Dominici, menstrua fere intercapedine continetor.



6 Tribus hebdomadę diebus carnes edunto, ijs tamę vesperi parcę cęnanto. Diebus Lune, atque Mercurij, lactarijs duntaxat esculentis, aut piscibus vescuntor. Veneris, Sabbatique, quando commodum erit, abstinento. generosiora vina funditus omnia explosa sunt.

7. Septem horas, ad refocillandas vires corporis, ad maius Dei obsequium dormiunt.

8. Septem preces horarias exprofesso dicunt: per singula quę dixerint, meditantor. legere autem nescię eorum loco, ad matutinum quinquagies Dominicam precationę, septem postulationibus attentę conceptis, quinquagies item salutationem Angelicą percurrunt. Ad primam, ter atque trigesies iterant. Ad Terriam, Sextam, Nonam, sedecies singulis Christi cruciatibus ad singulos diligenter expensis, euoluunt. Ad vespertinas preces, quinquies, ac vigesies, ad Completorium, quindecies recitant.

9. Manę expergiscentibus Deo immortales grates exoluendi, pro nocturna custodia, conscientię latebras explorandi, excutiendique, emendationem verö de cætero proponendi prima, & præcipua cura esto.

10. Hę leges, hęc præcepta estunt, de quibus apud superiores, præut res exegerit, aliter, sancienti, eximendi, detrahendiue potestas esto. Paulus Apostolus tulit, fixitque. SS. Petrus Ap. Maria Magdalena, & Benedictus scribundis adfuerunt.

Quod instituti genus Deo, ac Deiparę cordi, fundatricem verö curę fuisse, gemina, præter ea, quę iam memorata sunt, prodigiola significatione demonstra-

tum est. Primum per quietem B. Franciscam seuerè S. Benedictus idcirco accusauit, quia puellam immatura ætate, suscipiendi Religiosi ordinis insolentem ad reliquum numerum admittere statuisset. sedulo sub hæc commonefecit, ne se pecunia, vlllo colore, vllloque pretertextu circumueniri pateretur, neu amplæ dotis auiditate, tanto oneri sustinendo impares caperet. Aliàs supra sensus euecta visa est sibi ad gloriosissimæ Virginis latus ad sistere, dein in genua aduolutam, suauissimè in ipsius gremium caput reposuisse: tum clemētissimam matrem, peplum textili aureo visendum, quo vestiebatur, Franciscæ obuoluendæ, protegendæque expandisse; aliud interius aureo subiectum amiculum candidissimum, & pulcherrimum reliquo sodaliū cœtui inumbrando, futuræ tutelæ magnifico argumēto, porrexisset, & explicuisset. Ex quo non longo post tempore consequutum est, vt Eugenius i v. Pont. Max. certior factus de optimo genere vitæ, rara integritate, spectabili exemplo, quæ in ea sodalitate elucescere in dies ac sese efferre magnificè palam, ac latè ab omnibus ferebantur, pōtificia sanctione, authoritatēque suprema, omnes illas leges sanctas, ac ratas in perpetuum ex S. Benedicti instituto esse voluit; exquisitis priuilegijs cohonestauit, eo denique ritu stabiliuit, quem illæ hodie longinqua obseruantia propagatum, vitæ inculpatæ fama, & gloria, & morum incorrupta constantia, ingenti ornamento ciuitatis, obseruant. Et moritur tandem fidus sanctæ coniugis hac in calamitosa vita comes, sociusque Laurentius Pontianus. Ergo oc-

casione diutissimè expetitam nacta totam se ei religio-  
se coniunctioni dedendi, addicendique, sub annum  
M. CCCC. xxxvi, denique se, relicto mariti hospitio, ad  
communia piarum sororum tecta secedere, eoque mi-  
serabili gestu, quem supra descripsimus, in earum nu-  
merum adscribi deliberavit; quam in rem domum cō-  
modiori loco, situq; coëmp̃tā, ad radices capitoli, ver-  
sus forum olitorium. pararunt, quæ ex turri ea parte cū  
speculis certis sita, Turris speculorum appellationem  
inde vsque seruatam accepit. exinde communibus  
omnium votis, & calculis, tametsi vna de numero vi-  
uere cupiebat, magistra omnium, & mater electa ni-  
hil antiquus habuit, quam vt suæ familiæ ex præcepto  
Apostoli, gubernationem quam optimam iniret, &  
quæ matrimonij vinculis impedita, vulgaribus vi-  
duis, matronisq; regendæ familiæ perfectum exem-  
plar extiterat, iam soluta marito diuinioris cuiusdam,  
excelsiorisq; regiminis speciem exhiberet. Illa enim  
sunt aurea præcepta, quæ inculcare passim solitam fuisse  
à certis eius præclari gestorum, atque dictorum au-  
thoribus hunc ad locum inserta descripsimus. 1. Non-  
nullos conscientia consiliarios aspernandos, ac mini-  
mè audiendos monebat, qui noua semper, nec alijs v-  
sitata ingererent, suisque sensibus magis, imò ple-  
rūmq; sceleribus, proh facinus! quàm vsitatis veterū  
sanctorum, ac patrum institutis niterentur, nouitatis  
magis cuiusdam, & vanitatis, quàm simplicis veritatis  
amatores. 2. Propriæ voluntatis, ac sensus penitus ab-  
iudicandū, explodēdūque instinctum esse dicebat,



neque ex parte, verum omnino voluntati, rationique diuinæ permittendum: duo enim illa, volo, nolo, quæ sapientes duo humani generis incendia esse dixerunt, ableganda penitus esse, & à religioso genere arcenda.

3. In omnibus, quæ diuinam seruitutem attingunt, animam christianam cæcam, ac surdam potius, quàm aliud quidlibet volebat esse. 4. Sceleratè factorum pœnitentibus ita documenta attemperari suadebat, ut iam quadam lenitate faciles, iam fructuosa seueritate formidabiles, qui illa tractant, pro captu cuiusque videri velint. 5. Ducta ab sagittarijs similitudine, superiores imperandi, subditos obsequendi rationem optimam edocebat: hos si quidem sagittæ instar esse oportere, quæ dirigentis impetu, ictuque contorta, recta sine deflexione dissiliens, fracto, atque dissipato aëre, ad scopum aduolat: illos sagittarij ingenium referre debere, qui nisi consultò sagittam arcui accommodent, nisi ad eundem ipsi scopum collimēt, nisi arcum manu teneant, nisi pedem commodè, & brachium, & oculos figant, ipsi operam perdant, & telum frustra per inane vagum, & erraticum emittant. Videas enim passim istos Icaros, sui opinione, & inani ambitione, sanctitatis imagine personata, inflatos, seque, currumque, equosque præcipites dare, dum alijs fastuosè imperare, quàm ipsi quæ imperant facere malunt. Cæterum, si secus faciant, seque sagittarios esse sentiant, tum illud Prophetæ principis vsu futurum, *Sicut sagittæ in manu potentis, ita filij excussorum*: sin minus aut de illo genere sunt, *Intenderunt arcum rem amaram, ut sagittent in-*

*Psal. 126.*

*Psal. 63*

*occultis immaculatum.* Quippe superbè, & asperè in claustris imperant, & cæci ipsi, & ex oculati miserè oppressos subditos, velut Andabate, in tenebris, licet immaculatos, & se multo meliores in incertum, ad exitiū immittunt; aut de illo alio numero viuunt, *Sagitta parvulorum facta sunt plaga eorum*; qui pueri ipsi, & rationis, & virilis animi, & consilij expertes, suo puerili brachio, procul suos ad perfectionis religiosæ scopum iacere non possunt, nec vim illam potentem ad iactum imprimere, qua ipsi, proh pudor! destituti sunt. 6. Sepe non tam ipsa monitis vsurpabat, quàm facto suadebat, homini cum capitali hoste cacodæmone decertaturo nequaquam agendum instar ignaui, ac timidi militis, qui simulac viderit hostem, abiecto scuto, fugit, verum gnaui, atque industrij Athletæ diuina armato confidentia, vsque ad metam intrepidè decurrendum: futurum enim vt palmam consequatur dummodo generosè, fortitèrque certauerit. Quare in eiusmodi certaminibus numquam ipsa cedebat, numquam fugiendi laboris remedia exquirebat, lætabatur potius luctæ patientia, ac de cætero pugilum certantium more, in eodem vestigio fixa perstabat, quousque fractus, & victus hostis, abiectus, & tristis affugeret: si enim hostem fugeret potius, & declinaret, quàm obstinato Marte peruinceret, verendum sibi esse aiebat, ne ex metu ita flaccesceret, vti è mentis statu tandem deiecta prorsus caderet: sin contra audientior iret, eiusque conatus vi præstantis animi retardaret, tum sperandum esse, vt breui illius laudatissime,

ex toto genere virtutum, fortitudinis singulare præsidium compararet. Cuius consilij causam aliam magnus Antonius apud S. Athanasium afferebat, quòd fuga si cesseris, teterrimus hostis inolescere, sin ei fortiter obstitueris, frangi, remitti que animo, prorsusque sibi ipsi vilescere consueuerit. 7. Ad extremum rectam religiosi status formam, ac veluti quam Plato dicebat, ideam, perquam lepidè ex apum comparatione repetebat, quam à Gregorio Magno Pont. Max. per visum singulari quadam ostensione didicerat. Quod genus animalium sagacissimum vbi fructuosè laborare, & tutò viuere possint, locum eligunt; inter se mutuò, sancta quadà colligatione magnæ necessitudinis viuunt: regem ceteris, vt corpore multo maiorem, ita forma elegantiorē eligunt, & incredibili reuerētia illi omnes obtemperant. Rex aculeum habet ille quidem, aculeo tamen numquam utitur: otiosæ in eo Regno penitus nullæ: omnes suo operi sedulò incumbunt: alia alij in tam populosa plebe minimè officit: locum, quem semel occupauerint, difficilè, & rarò permutant, secus enim breui, nullo negotio, dissiparentur: si iuniores honoratioribus loco cedere necesse sit, tum signo dato, & classico veluti insonāte, Regis nutu ante omnia expectato, sine quo numquam exire, nunquam se campo, cæloue committere audent, ornata, & composita acie progrediuntur: Principem quocunque inclinantem alacritate admirabili prosequuntur: lassatum, aut casu mortuum, humeris deferunt; tum si necesse sit, alium eius loco Hungaricum in morem, quasi



rem, quasi in castris, & clypeo sufficiunt. At examen  
emissum si aura sublatum, aut iracundiola agitarum,  
(nam sua illis etiam temeritas inest) aut ingenioli quo-  
dam ardore, quadamq; lasciuiâ correptum eruperit,  
tum crepitaculis æreis, vel testarum vulgo iacentium  
sonitu obtuso, fugiens iuuentus terretur, eaque si pau-  
da, ad alueum maternū regressa, in ædiculæ aditu glo-  
merata pependerit, vel statim ad proximam frondem  
se contulerit, nouum loculamentum in hoc adorna-  
tum illinitur herbis interius, deinde guttis noti mellis  
adpersum admouetur: tum facili manu congregatæ  
apiculæ, extemporanea ferocitate deposita, recondū-  
tur: ibi solito ingenio mira concordia deinceps viuūt.  
Certè quidem Tiberius Imperator, apud Nicepho-  
rum, Mauricio, cum eum Imperio inaugurarēt, apum  
Principem imitandum proposuit ea ex parte, vt quo-  
modo ille, licet cæteris apibus specie pulchrior, & cor-  
pore excelsior, & dignitate præstantior, aut aculeum  
non habet à natura datum, aut si habet, nusquam uti-  
tur; ita ille se in Imperio quanquam cæteris eminen-  
tem, imminentemque, tamen se clementem omni-  
bus, atque tractabilem, ac velut aculei expertem, præ-  
bere disceret. Eodem ex capite, optima sororum ma-  
gistra, suis pro speculo, exigua illa animalia propone-  
bat, vt prodesse alijs potius, quàm præesse studerent:  
otium haud aliter quàm domesticam pestem effuge-  
rent; tempus vtiliter pijs orationibus, & rectè factis  
impenderent, perfectè in omnibus obtemperarent,  
assiduis operis lucrarentur, quæ socijs subleuandis

prodesse, omnia in commune conferrent; nihil suū aut proprium haberent, nimias familiaritates effugerent, domi se potius continerent: & quoniam ex eo instituto ad illam claustrī arctioris solitudinem minimè tenerentur (exeunt enim passim, atque cum hominibus familiariter conuersantur) at absque Duce nunquam, certè religiosæ obedientiæ iniussu euolare auderent, sacris religiosarum horarum crepitaculis, accitæ vel non longè à materno alueo erumperēt, vel vtiliter ex fructuosis interim operibus penderent, ac postmodum facili manu obedientiæ, & dulcitudine domestici mellis, piæque societatis fragrantia accersitæ ad dulcis oratorij, sacrique hospitij aluearia reuerterentur. At de instituenda sacra familia plusquam satis:

II.  
SPES  
CON-  
STANS  
NEC NON  
maxima  
argua Dei  
fiducia.

Secundo loco Apostolus diuinam fiduciam in vexata, afflictâque vidua maximè commendabat: enim uerò præpotens ille artifex in derelictis, & destitutis humana ope rebus magis adesse, quàm in alijs solet; quia in illis eo infinita vis eius magis elucet, quo minus alieno subsidio refertur accepta, cum apibus, atque formicis se præsentiolem, mirabilioremquē, quàm cum elephantis ostendit, quæ perfectæ Reip. mirum ordinem, & solertissimi operis cæra, & melle elaborati magnificentia, summorum opificum manupretium vel exæquant, vel superant. Inde est, quòd viduis à magnis auxilijs, opibusque vt plurimum destitutis, benigniorem Deus opem afferre solet, iubetque ab alijs derelictissimo illi generi afferri, peculiari illius patrocinio delectari solitus. *Patris orphanorum, & iudicis vi-*



duarum. Viduam eius benedicens benedicam, pauperes eius sa- Psal. 67  
 turabo panibus. Dominus custodit aduenas, pupillum, & vi- Psal. 132  
 duam suscipiet. Restat igitur vt viduæ quæ se bonam  
 partem diuinæ curæ intelligant esse, in Deo spes suas  
 omnes collocent. *Beatus cuius Deus Iacob adiutor eius:* Psal. 145.  
*Ex quo consequitur; Spes eius in Domino Deo ipsius.* Ne-  
 que maiorem vllam iniuriam illi beneuolentissimæ  
 prouidentia facere possunt, quàm si de illa, cui se cor-  
 di esse sciant, immemoris animi ingrata deprauatione  
 diffidant. Nostra vidua, quod sit faustum, libera, &  
 soluta viro, hanc viduarum propriam, & familiarem  
 virtutem ad culmen extulit. Argumēta de multis pau-  
 ca sufficient. Fuit aliquando cū in illius monasterio,  
 vbi iam sodalitate firmata conuenerant, sub prandij  
 horam panis ad sororū cœtum, quæ tum quindecim  
 omnino numerabantur, alendum deesset. Francisca  
 Verulia, quæ triclinio præerat, Agneti tum loci præpo-  
 sitæ denunciat, vix domi crusta quædam ex superio-  
 ris cænæ reliquijs superesse, quibus è toto numero tres  
 ali possint; quæ ad B. viduam denunciata, *Dominus*  
*prouidebit,* inquit. nec plura effata, frustra illa paucula  
 coram omnibus in mensa reponi præcepit, deinde ad  
 dulcissimi nutricij sui prouidentiam sese toto pectore  
 conuertit, cui tenerimè ex animo interim decanta-  
 bat. *Oculi omnium in te sperant Domine, & tu das escam il-* Psal. 112.  
*lorum in tempore opportuno, aperis tu manum tuam, & im-*  
*ples omne animal benedictione,* deprecata suauissimè, vt  
 qui creatis rebus omnibus prouideret, quique sibi fi-  
 dentibus præsto semper esset, ne famulis ea necessitate



laborantibus, suam paternam opem recusaret. Vix fulæ preces, cum obsitas illas panis hesterni reliquias; nihil ipsa hæsitans, distribuit omnibus; quæ inaudito, post Christi, paruo pane tot millia mortalium pascens, simile factum, redintegrato miraculo, ita in earum manibus auctæ, & multiplicatæ ex tempore intumuerunt, ut ad satietatem singulæ sumerent, canistrumque de reliquo plenum reportarent. Huius non dissimile alterum ritè, ac legitimè actis probatum commemoratur. Ad portā Portuensē, eū ad locū quem *la Magine* Italicè appellant, ad ligna, ut solebat, pauperum vsibus colligenda, secum B. Francisca complures, ex sororum numero duxerat: hinc laboribus parum assuetæ matronæ teneriori corpusculo, ex itineris insolentia, ut fit, & ex lassitudine, importuna siti ardere cœperunt, copia restinguendi ardoris tum ad manum nulla aderat: decorum, & pudori iuxta, aliquam procul ad hauriendum ex fonte dimittere obstabat: quod proximū fuit, tutela diuina iam audentior, securiorque, primum spei plena in hæc ipsa concepta verba in actis expressa erupit: *Spem habetote in Domino, Dominus si quidem providebit.* Tum oratione ad præpotentem rerum omnium conditorem conuersa, te ego Christe seruator, inquit, qui coruulis, passerculisque necessaria poscētibus non denegas, qui me toties nec cogitantem, nec meritam præsentī tua ope es solatus, oro, quæsoque, ut quoniam incuriæ meæ fuit dulces focias ad hunc laborem, nullo parato subsidio, circumducere, solita tua benignitate, atque clementia, aliquo tuo supplemento, hunc

errorem meum corrigas, & penuriam expleas; tum famulas tuas exoptato solatio nonnullo reficias. Quis se hîc reneat? quis non exosculetur, admireturque iucundissimam supremi numinis ita cum hominibus, vt ita dicam, deliciatē, ludentēq; in orbe terrarum prouidentiam? citius exaudita, quā prolata precantis oratio. Mensis tum Ianuarius agebatur, cæli, hyemisq; fæda tempestate omnia horrebant: Sociæ ad vicinam arborem conuersæ, eam ad partem, vitem cōspiciunt frondētib; pampinis, veluti adulto Autumno, tot vuis onustam ad numerum, quot earum capita censebantur; quare suauissima quadam voluptate correpta B. Franciscæ, cū singulis vuas singulas colligere iussisset, Deo omnium bonorum authori quem propitium, atque præsentem experta esset, grates, ac laudes, vti consuēuerat, immortales habuit. Instare, præterea orationi, atque assiduis precibus Apostolus iubebat, de quo vt supra à nobis fuerint non pauca descripta in matrimonio, at perfectiora quædam hic sublimior segregatæ à turbis hominum religiosæ vitæ status desiderare videtur, quam si præcisè, ex Apostoli præscripto, perpetuæ, nec vnquam intermissæ orationi intentam fuisse dixerō, non mentiar: sic enim statuo ita Deo, iunctam continuo quodam fixarum cogitationum nexu vixisse deinceps, vt contemplationis excellentia altius à nemine conscendi possit, quā quò illa, non sine continuato miraculo, præteruolauit. Nam cum excelsissimū cumulatæ perfectionis apicem statuerunt esse, qui exactius illa versarunt,

III.  
RELIGIO  
SIVE  
perpetuū  
orandi, &  
diuina me-  
ditandi  
studium.



cùm quis pati magis, quàm agere in diuinis videtur, quemadmodum de magistro suo Hierotheo D. Areopagita Dionysius scribebat, *Erat, inquit, patiens diuina*. Ita enim, mea, quidem sententia, ad illam absolutionē, qua altius ferri humana capacitas nequeat, peruentum esse iudicandum est, cùm ad quandam similitudinē æternæ visionis, qua in secura illa beatitudine, diuinā naturā speculando, absorpta mortalitas vel extra se in Deum tota rapitur, eoq; pacto non tam agit ipsa, quàm agitur, vel in Deo omnia, veluti tersissimo quodam speculo, contemplatur; vbi beatificum lumē irradiat, vbi securitas perennitatem creat, cuius causa doctissimi homines, *illud vnum porro necessarium* de continuata æterna visione interpretantur, quod de meditatione diuinorum in B. Magdalena aliàs dictum esse contendunt. Nunc admiranda hæc vidua & supremum diuinæ ecstasis saltigium conscenderat & veluti iam illius clarissimi speculi præsentia frueretur, longè dissita, & arcana passim prouidebat. In comperto est ita fuisse sublimissimis meditandis rebus absorptam, vt manuarijs attenta negotijs etiam familiariter à sēsibus, per duas, tresue horas, in ecstasin raperetur. Quo tempore sensu adeo colligato, captoq; statu verò totius corporis immoto, iacentique, vel manibus ad pectus implexis, vel complicatis humigenibus, perstabat, vt vossellis, specillisue puncta, confixaque nihil penitus sentiret: motum verò alium ederet nullum, præter suauem quendam susurrum, perinde ac si cum diuis suis tutelaribus familiariter colloqueretur, inter-



dum verò in subcisiuas illas, intermortuasque vocolas  
erumpebat. Domine mi, quo abis! Domine, tam ci-  
tò? Domine quid me is perditum! Domine quando!  
heu me quandonam! quousque dilecte mi! vix mihi  
quousque! quousque etiam! quousque me miseram!  
Domine quamdiu! quamdiu, dilecte votorum meo-  
rum? aut quædam eiusmodi animi amore languentis  
interna symptomata. Tum sibi restituta haud aliud  
indiciu dabat, quàm si ex altiori somno excitata eu-  
gilaret. Quod si abiectioribus, & quotidianis familiæ  
exercitatiunculis implicata eas mirabiles auulsiones  
subleuati animi sentiebat, quid de profundioribus  
mentis in diuina secessibus, admirabili præsertim Eu-  
charistia existimandum, vbi tanquam immensa diuini  
amoris sorbebatur abyssus? Quotidianæ mensæ expia-  
tioni, quæ per sacras preces fieri solet, cum daret ope-  
ram aliquando, sociarum turba adstante, præsentique,  
genu demisso, manibus iunctis, abstracta à corpore se-  
mel diu permansit; altera die, eodem loco, eadem ex  
prece, quotidianum cibum auspicata visa omnibus rã-  
quam ex solis niditissimi radijs inflammata splendescere,  
oculis in aduersam triclinij fenestram affixis, atque  
suspensis, quo spectaculo attonitis socijs, ab eaq; post-  
modum quid rei id fuisset sciscitantibus, fuisse respõ-  
dit Deiparam magnam matrem, & B. Baptistã Ioan-  
nem Christi seruatoris cælestem prodromum, qui ea  
parte triclinij, se tùm illi spectandos obtulissent. Eodẽ  
facit obiecta cuidam matronæ species, qua illius ex-  
cellens diuinæ contemplationis vis singulariter com-

Acta pu-  
blica.

mendatur. Ea cùm esset Bartholomæa nescio quæ A-  
rettia, quæ eius sanctitatis fama pelleret ad illam visen-  
dam, an officij gratia, an audita suis oculis experiundi,  
interuenerat, tantisper, dum in aula cum sororibus cõ-  
moratur supra Beatæ cellam virgâ auream è cælo pro-  
tensam lilijs item aureis miro splendore micantibus  
propendentem aspexit. Quæ si cui miranda videan-  
tur, illa quæ modò subijciam etiam admirationem  
omnem longè superant. Principum Apostolorum  
anniuersario peruigilio, anno Christiani Imperij M.  
CCCC. xxxviii. Ex sacra B. Pauli æde Francisca com-  
pluribus socijs comitata in urbem reuertebatur: itine-  
ris, uti assolet, leuandi causa, in vineam exiguo inter-  
uallo, circiter molam D. Pauli diuertit, vbi cæteris ad  
quietem, qua cui libitum, confidentibus, ipsa ad ri-  
uuli ripam, qui locum illum iucundè præterfluit, me-  
ditationis causa acquiescens sese orationi componit,  
ex quo repentè correpta in profundissimam ecstasim  
illa tantummodo submurmurans audiebatur. *Ita di-  
uina gratia uti iste riuulus leniter, & tranquillè fluit.* Exin-  
de sensim suam, sensuumque impotens, in subterla-  
bente amne, super aquam inflexis genibus, totóque  
collocato corpore, ibidem pluribus horis, non modo  
non depressa, sed ne leuiter quidem madefacta per-  
mansit, sibi que aliquanto post redonata, sicca penitus  
veste, totoque intacto corpore prodijt. Quid nos por-  
rò ad exquisitam beatitudinis speciem desideremus,  
qui viduam versantem in corpore supra elementa su-  
blatam, supra sensus erectam, lumine illius cælestis  
æmulo



æmulo collustratam, Deo denique prorsus affixam, hærentemque videmus? An fortasse præterea vt anticipatæ cuiusdam felicitatis prerogatiua, in clarissimo illo, ac præcelso speculo alia à communi captu longè semota contempletur? Nec illi sanè ineffabile hocce cælestis beneficentiæ ornamentum defuit, adeò incomprehenso illi, atque inaccesso interminatæ diuinitatis speculo iuncta viuebat. Omitto sacrilegiū non consecratæ Eucharistiæ, ad D. Cæciliæ sacerdotis scelerè deprehenso, reiectum, & quæ alia superius eius facti germana recensuimus. Id autem, quod in ipso illo D. Cæciliæ templo contigit, nec nostro instituto alienum, nec commemoratu inutile, aut infructuosum videtur. Alium sacerdotem concubinato domestico nocentissimum, sacrum Millæ sacrificium peragētem totum infamilepra coopertum videbat, donec ad solemnem consecrationem peruentum esset: tunc enim absterla contagiosa scabie, in pristinum statum purus ad communionem vsque restituebatur, radijs præsentis Christi inuisam turpitudinem, & luem infandam infuscantibus; postea sacra communione ritè peracta, rursus execratæ contagionis dehonestamento infectus fædabatur. Rem à se visam, cum primum opportunum fuit, illa magistro moderandæ conscientiæ, ex ordine aperuit; rogauit vt nefarium sacrificulum commonefaceret, vti se crimine tanto abstineret: constitit commonitioni suus fructus. Ille se deprehensum miraculo ratus, facti pœnitens, dignas à seipso sceleris pœnas ultro repetijt; ac breui vitæ functus, meritis, præci-



busque mirabilis indicis, suisque factis, postliminio  
cælum amissum recuperavit. Si hæc pauca sunt: Ioan-  
nes Mattiottus B. Franciscæ spiritualis magister, incertū  
qua causa, ab vrbe abesse coactus aliquam diu, peregrè  
exinde reuersus, à Sancta discipula de morbo, què ruri  
pertulerat, deque rebus omnibus Bononiæ, nam eam  
vrbe petierat, gestis fuit minutatim admonitus. An ille  
idem Mattiottus, an quispiam alius, non satis mihi cō-  
stat, certè B. Franciscæ magister quisquis is fuit, ira in  
quendam cōcitatus exarserat, quo die Beatam, vt mos  
erat, inuisit, quæ eum secus, quàm solebat, in salutatum,  
& seueriusculè, nec genuflexo de more exceptum, ex  
abrupto deseruit, atque in cubiculum, illi propitiatura  
super eos, se recepit. Post paulum reuersa, mutato vultu,  
patri reuerentiam, quam consueuerat detulit, tum ei  
facti insolentiam admiranti, addidit, primo eius ad-  
uentu se illi socium adiunctum cacodæmonem con-  
spexisse, à quo ad iracundiam fuisset aduersus proxi-  
mum inflammatus, atque idcirco se ad placandum illi  
numen secessisse, iamque, venia exorata, criminis, &  
discordiarum laternarium facessiuisse. Cui ille culpam  
ingenuè, & rei gestæ seriem, mutationemque, quam  
senferat, animo eius precibus illa commotione libera-  
to, confessus est. Certum, ac rarum, & actis publicis iu-  
ridicè exploratum. Cecca, seu Francisca illa fuit, An-  
dreottij Clarelli coniunx puellam immaturo partu pe-  
pererat, valètem tamen, & vegetam, nihil vt baptismus  
urgendus iudicaretur; at nostra vates, instinctu fatidi-  
co, dedita opera, eam præter morem adiit, nocte con-

cubia, pressè pressè monuit piaculares infanti prope-  
randos latices. Parochus moras nectere, adultæ noctis  
importunum tempus obijcere: partus prosperitatem  
apertè causari. Beata ex aduerso instare, vrgere, iubere  
per omnem modum, vt periclitanti animæ, illa ipsa  
hora, salutaris expiatio maturaretur. Vaticinium cer-  
tum, & clarum, & cōmodum fuit. mox tincta viuifi-  
co fonte puella, momento vis repentinæ febriculæ  
grassantis extinguitur. Rursus ad B. Cæcilix ædē,  
fortè adolefcentem dormituriētem aduerterat, inte-  
rim in somnijs, lasciua nequissimi spiritus illusione, ad  
sceleris meditationem instigatū, qui à sacerdote, præ-  
lagæ vatis admonitu, ad loci reuerentiam, atque mun-  
diciam expergefactus, se periculosa tentatione spur-  
cissimi Dæmonis liberatum asseruit. Alter nescio quis  
Laurentius cognomento Tuccius adolefscens, qui  
Francisco Sclauio educatori suo, effrænata quadam in-  
genij, ac lingue intemperantia stimulatus, grauē quan-  
dā calumniam inurere, nemine sui deprauati consi-  
lij conscio, destinauerat; à B. Francisca illius intima  
quæquesensa rimante, illumque singillatim de omni-  
bus admonente perterritus consilium ipse suum, &  
flagitium fassus nemini nisi Deo, & Beatæ cognitum  
apertè damnauit, & de cætero abiicit, & reconciliata  
fide, mutato proposito, veniam ab Sclauio facilè po-  
stulauit. Nec minus Ceccæ Clarellix de partu, quam  
isti de conuicio periclitanti, per opportunam opem,  
attulit. Cecca in omnem euentum suspensa breui se  
deonerandam quidem fastidioso pondere vteri con-

fidebat, necdum tamen vllis pressa angustijs de partu adeo propinquo cogitabat. Anastasiam super hæc, vnam è religiosis sororibus suppetias B. Francisca præmittere tempore occupauit. Cecca securior, quàm grauidæ par esset, Anastasiam ingenti gratiâ conluta- tam remittit bona cum venia, rata nihil tam citò sibi eo auxilio opus esse: reuerfa domum Anastasia magistra renunciat fideliter omnia, quæ Cecca retulerat; iubetur tamen se in vicinam Ceccæ domum recipere, atque ibi in omnem exitum parata, postquàm vociferatē in partu inaudierit, accurrere, breui namque absque dubio parituram esse. Et prædictioni respondit euentus: vix destinatos lares intrauerat, cū grauida sola domitum relictā, certissimo vitæ, partusque discrimine, horrendum inclamare, opem frustra vndique, lamentabili eiulatu, implorare. at Anastasia momento ex vicinia aduolare, subuenire tempori. Commodo dum, & quasi ex condicō omnia visa concurrere; ac celerius fere, quàm à me narrata fuerunt an Anastasia opitulante, an potius, B. Francisca sanctimonia obstetricante, felicem partū enixa, conduplicato periculo Cecca perfungitur. Eodem argumento, Pernam Pauli Ioannis vxorem, ex partu ad extrema adductam desperatam iam, & conclamatam, parituram incolumem prænunciauit. Pallotix item marito suo Laurentio Alterio lingua ægritudine iam ad summum cum morte luctanti, sanitatem corporis à B. Francisca postulanti voti compotem fore certò sponpondit, modo ipsa vanitatis muliebris inutilia ornāmēta deponeret:



sic eadem opera vxori modestiam, & frugalitatem, marito valetudinem, vitamq; restituit. Postremum erit in hac narratione, vt innumera eius generis alia taceamus, Pernæ monialis cuiusdam, è turri speculorum, celebre, & maximum, tametsi in re perexigua, & pene nulla, documētum. Ea incauta, domesticis munijs ob- eundis, aliud agens, ex incuria, vim olei non magnam remotis arbitris, nemine aduercente, effuderat; ves- pere tanten, ex quadam occulta superbia, mente con- cepta, vt lege familiari tenebatur, publicè proclamare erubuerat: conuocatas sub hæc in vnum omnes, Beata magistra moniales admonet, iubetque strictiori qua- dam obedientiæ vi intentata, quæ facti se ream nosset interius, culpam demissè, modesteque publicè ex in- stituto promulgaret. Hic ad arrogantiam adiecta con- tumacia Pernæ fraudi, & exitio fuit. nam supra mo- dum in sua inficiatione obstinata, Deo peruiaciam vindicantè, mox à Dæmone obsessa occupatur, qui præfocatum ei gulam frangere, nitebatur, ni pia vin- dex permota periculo manu percussam, re iam com- perta, ab crudelissimo obsessore protinus expediisset. Id quod nemini nouum videri debet: quanquam e- nim parua iactura, at arrogantia, & refractariolæ con- tumaciæ maxima insolentia: maximè in re leui, cui nulla causa inficiationis iusta, vt sæpe aliàs solet, subesse poterat, præcepto præsertim urgente præpositæ: ita non pomi pretium, quod penè nullum erat, sed per- uicacia Adamum, nosque pessum dedit: ita Saulem nō pauca pecudes diuino sacrificio reseruatæ, vel inimico

Regi humana exhibita indulgentia, verum inobsequetisanimi pertinacia exauthorauit. PLACET NE modo nostram Platanum iuxta aquas latos spargentem ramos, an Noëmilacrymis irrigatâ suis in sua nuru prosperantem aduertere? Equidem velut, ex ore Apostoli, vidua, quæ in delicijs viuit mortua est, ita quæ vicino lacrymarum humore frondescit, tanquam lignum, me authore, habeatur; *Quod plantatum est secus decursus aquarum, quod fructum suum dabit in tempore suo, & folium eius non defluet, & omnia quaecunque faciet prosperabuntur.* Platanum quantumuis recidas, non excidas: tanto sese altius obnitens efferat, quanto plus frondium comoda amputatione deperdat. Viduam omnibus prefidijs destitutam omnia lancinant, detruncant, amputant. *Superat, & crescit malis. Tempus putationis aduenit, vox Turturis audita est in terra nostra.* Putatur, ingemiscit; ictibus non fatiscit. id ego in quarto speculo representavi. Enimvero, delicijs omnibus valere iussis, Sancta vidua inter aduersa, & aspera omnia fronduit magis, suaq; viriditate non solum seipsam, sed latè vicina omnia opacauit: imò vero iam tandem, *Extendit palmites suos usque ad mare, & usque ad flumen propagines suas.* Ac ne inculcata superius, de seuerissima vexatione, atque laceratione corporis, de hamatis, vncinatisque flagellis; de circulis ferreis, de setosis, aculeatisque cilicijs, de extremis inedijs, de toto horrore vitæ iteremus; hîc lacrymantem tantummodo referre pēsi habemus, iamque cum vatē sanctissimo vociferantem, *Inundauerunt aquæ super caput meum: dixi, perij. Inuocaui nomen tuum*

IV.  
LACHRY  
MARVM  
ASSIDVA  
PROFV.  
SIO.

Psal. 1.

Seneca.

Cant. 2.

Thren. 3.

*Domine de lacu nouissimo.* Sponsi blandientis applausu illo sponsa altera gloriatur. *Oculi tui sicut piscine in Hæsebon.* Hæc nostra geminas oculorum scaturigines suo quodam iure iactabit, sponsumque ex animo ad hunc modum affabitur; *Quis dabit capiti meo aquam; & oculis meis fontem lacrymarum? & plorabo die, ac nocte interfectos filia populi mei?* Siue enim vexatissimæ Ecclesiæ, sui que seculi ruinas circumspiceret, siue Romanæ vrbis tum exercitatissimæ calamitates aut præsentis videret, aut imminentes exhorresceret: seu in memoriam labeculas suas accerferet, seu sponsi in genus humanum infinitam Charitatem pensaret, tota lacrymoso liquore colliquefacta irremediabili geminorum fontium alluione diebus, ac noctibus inundabat, ita se, numquam intermisso fletu extenuabat, exhauriebat, exinaniebat, ut subinde lacrymarum à sponso fluentia repetere cogeretur. Ergo, qui illi in peccatorum confessionibus moderabatur, re explorata, veritus ne tanta, tamque perenniprofusione lacrymarum, vel oculorum aciem perderet, vel vitæ vsuram effunderet, pro summo illo, quo pollebat imperio, illam iussit modum fletibus aliquem adhibere, & sibi à continuo mœrore, quæ se tantoperè cruciabat, temperaret, seuerè pollicitus, eius se culparum arbitria ipsum, suo capite, suoque periculo persoluturum: nullam enim vim tantam criminum vsquam esse posse, quam iam illa tot lachrymis non e-luisset. Lacrymarum namque victoriam esse, atque triumphum, ex B. Hieronymi sententia, dudum accepimus. *ô lacrima, inquit, humilis: tua est potentia, tuum Re-*



## Vita Sanctæ

gnum, tribunal Iudicis non vereris; non est qui te vetet accedere: si sola intraveris vacua non redibis. magis crucias diabolum, quàm pœna inferni. quid plura? vincis inuincibilem, ligas omnipotentem, inclinas filium hominis.. At ne in infinitū eat oratio, præter hæc omnia; INCVLPA TAM vita,

V.  
INCVLPA  
TATIO  
TIVS VI-  
TÆ RA-  
TIO.

fidēq; viduā deposcebat Apostolus, nec non ab omni labe in omnibus immunem, atque innoxiam. Habemus vnā ex paucis, ab omnibus vitæ partibus irreprehensam, atque perfectam, si, quæ breuiter satis narrata sunt, hætenus recordamur, quæ illa omnia vel virgo, vel nupta, vel vidua vno tenore perfectæ, & incomparabilis sanctitatis exhibuit: qua inuariabili vitæ institutæ constantia, inde ab ipsis incunabilis, vsque ad extremum spiritum adeo perdurauit, adeo per omnium ora, mentesque, non modo tota ciuitate dum viueret, verum per vniuersam Italiam omnium virtutum, quæ in Christiana Sancta fœmina desiderari possunt, odore sparsit, vt viua, ac superstes apud omnes vulgo Sancta haberetur, quod magis statim intelligemus, cum de illius obitu communem omnium sensum cum maxima admiratione cōiunctum referemus. Quia tamen vna virtus obedientiæ cæterarum omnium vinculum est, & quasi parens, specimenque virtutum, illæque non immerito, & loqui victorias, & omnes perfectionis religiosæ numeros expleuisse censetur, qui se verè obedientem ad omnia, cum ratione, & virtute cōiuncta præstitit, hoc videamus sanè hoc loco, quàm se ex parte ad omnem exactam perfectè obedientis formam euexerit. Hoc primum, hoc perpetuum, hoc

antiquum

antiquum habuit, vt sapientem, & probum vitæ magistrum nancisceretur, cui in omnibus tanquam Christo pareret, quem suorum certaminum Agonothetâ, quem suæ nauigationis quasi nauicularium, quem viæ suæ ducem, quem sacrae militiæ antesignanum in omnibus, per omnia, super omnia sequeretur. Nihil refugiebat, nihil excusabat; imperare, multo magis obedire nouerat; præerat, suberat æqua semper, & læta; nihil alijs præcipiebat, quod non prius ipsa faceret: atq; ecce Abrahami fidem obtemperandi studio, filio immolando, lōgissimo interuallo temporum, reuocatâ. Sub annum reparati orbis M. CCCC. VI. commota, incertum, indictumque qua causa, aduersus Innocentium VII. Pont. Max. ciuitate, Ladislao Rege Neapolitano ad ciuile patrocinium, vt in populari rabie, accersito, Perinus quidâ Troïanus Comes, qui vrbis pro Ladislao tum cum summa potestate præerat, aut verius imminebat, Paulucium B. Franciscæ affinem carcere primum, tum nisi Ioannem Baptistam, Laurentij Pōtiani prolem illi obsidem ad Capitoliū sisteret, capite damnauerat. funesto nuncio mater accepto, puerum latebris cōtra iniuriam tegere, optimum id factu rata, deliberauerat. Domo iam vnâ cum filio foras prodeuntem suus in diuinis Magister offendit, qui ad illius solatium, fama illa permotus, accurrerat; qui in summa imperat, re æstimata, librataque, vt gnatum intrepidè comiti ad Aræ cæli ædem, vbi tūc erat, adduceret; quid vereretur? quin suas in experto toties numine spes omnes defigeret? quid cūctaretur innocentis affinis

certum exitium, obiecto filio, auertere? haud dubium quin fidei experiundæ causa, id iubere moderatorem Deus interiùs instigauerit. Atque illa nihil iussu morata, vocem tanquam à Deo emissam ex tempore hausit. calcata naturæ calcitrantis innata indole, ipsomet vestigio, læta, multis interea, qui rem humanitus æstimabant, ex aduerso dissuadentibus, ad Aræ cæli, ira, atque odio inflammatum Comitem conuenit; templū ingressa ad maximum altare aduoluta Frācisca, Deum auxiliatorem primum omnium, toto ex pectore, Virginemque Deiparam venerata, liquidò suauissimam miserorum Patronam, etsi tunc, de more, suo tabernaculo inclusam aspexit. Inter quæ à Paulucio, qui præsens aderat commonefacta, vt se Perino ad pedes abijceret; hoc modò respondit, cupere se antè ei supplicem vota facere, qui vellet, possetque vexatæ opem afferre. Tum rabiem ex ore, atque oculis stillans Tyrannus Baptistam parenti è manibus miserè lacrymantem, eiulantemque, vt pueri solent, per vim auulsum abripuit, in Capitolium abduxit, raptauitque: quæ dum agerentur, Beata raptorem, Simiæ ferocissimæ instar, dulcissimam prolem eripientis videre sibi videbatur: ipsa interea precibus geminatis, nihil penitus animo commota certum negotij exitū operiebatur. Non fides illam, nec obedientia fidem, nec constantia obedientiam, nec exitus constantiam, nec tyrannus exitum, sed sua tyrannum expectatio fefellit. Haud multo post Perinus vrbe abscessurus puerum adsportandum imponi equo mandat: at equus



hero humanior, nulla vi, nullis aculeis, nullisue calcaribus, nullis fustibus, nullis artibus impelli potuit, ut se loco moueret: quin alij equites alijs equis, puero retro ad dorsum iniecto, rem aggressi infectam omittere, ipse subringens, ac immane infrendens, spe delusus Comes, puero relicto, in rem malā, re infecta, abiire cogitur. ita Tyrannus à scelere, mater à metu, puer à periculo, Paulucius à vinculis, in summa, vniuersaq; populi Romani gratulatione, mulieris prece, & miraculo aduersus tyrannum armati, eximuntur. Quòd si illam Simiam expedita viduæ obedientia elusit, certè hos tauros vis eadem obtemperantissimæ mentis edomuit. Res ita habet. Die veneris sanctioris hebdomadæ, iter cum sua vannotia ad S. Crucis in Hierusalem proximè vrbis muros ingressura (qua antiquissima, augustissima æde, Christi cruciatuum nobilissima quæque insignia, atque mysteria celebrantur) iussa fuerat vnà cum socia, tota via, Christi seruatoris pœnas acerbissimas præcipuo studio meditari: neminem ex itinere, ea de causa, aut circumspicere, aut salutare, ne in aliena animus distraheretur. vix ad Xenodochiū, cui à Domino nomen impositum, appropinquaerant, quando in ferocissimos tauros incidunt, quorū incursum, reliqua multitudine præ metu huc illuc, in incertam, perplexamque fugam præcipitante, ipse præcepti haud immemores nō oculos attollere, non gradum festinare, non se leuiter commouere, multò minus conturbare ausæ, absit ut aufugere, iter inceptum intrepidè proseguere, spesque suas in Deum statos

rem, vt ita dicam, conijcere statuerunt. ferocientes belluas vim præsentis numinis perſenſiſſe diceret. momento velut edomita, par religioſarum affiniũ prætergreſſa, illaſas, ac ſanctas abire ſiuerunt, repentina quaſi indulgentia manſuefactę: quo clariffimo indicio nihilo obſcurius vim obedientiæ cohoneſtatam fuiſſe diuinitus cenſeo, quàm eius apud Caſſianum egregio factio, qui iuſſus rabioſam leonem apprehēdere, vinctamque abducere, fera domita, alligata, ac triumphata, ſui generoſiſſimus debellator obtemperauit. Nullam magis virtutem B. Francisca vel prædicabat, vel ipſa uſu factitabat, quòd ad reliquarum omnium excellentiam viam maximè compendariam eſſe diceret. Quanto verò magis, cùm nouum oſtentum illi eius ſummæ virtutis præſtantiam, velut in imagine delineauit? Adoleſcentem vidit aliquādo ante Chriſti pendentis imaginem, ad preces ſeruatori fundendas proſtratum, qui typum quendam obedientiæ ad ipſius pedes ad hunc modum expreſſum deprehendiſſet. Rotæ quatuor in quadro conclufa, catenis inter ſe, veluti quibuſdam retinaculis, ne ctebantur: harũ in meditullio ingens erecta columna ſurgebat. Primę rotæ inſcriptum erat. **VOLO, NOLO.** Alteri. **MAGNIFICE APPARERE IN REBYS MEIS DESIDERO AT IN TENEBRAS MEAS VSQVE DEVOLVOR.** Proximè inſequenti. **QVOD HABEO HOC QVÆRO, QVID MIHI VELIM NE SCIO.** vltimæ verò. **ID QVOD ASSEQUI NEQVEO, MAXIME APPETO.** Iam primę catenę ex

aduerso characteribus sculptum aureis legebatur. HVMILITAS, primam autem rotam tenebat. Secundę PURITAS, rotam alteram coërcebat. Tertię SPES, qua rota tertia implicabatur. Vltimę SAPIENTIA, quę rotę extremę volubilitatem implexis quibusdam nexibus retardabat. Intermedia columna fortitudinem indicabat, cuius firmitate catenę diuino præsidio subnixę retinebantur. Supra columnę Epistylum ara prominebat, in qua vir aspectu præditus venerabili, & gemmato diademate coronatus assidebat, qui Deo inspectori successuum, qui ex obedientia prosperè existere solent, rationem ex ordine reddebat. Ego interpretor, non tam eius virtutis momenta, illis simulacris expressa, quàm cæterarum omnium connexionem, catena illa Socratica à veteribus celebrata, in huius sanctissimę animę intimo penetroali cōstātem significari. Quod vt ego credam, altera illi immissa visione adducor, qua Regius fidicen Dauid eā aliquando per somnum oblatus certiolem fecit, eo ex capite omnia illa, quę naturę modum, atque ordinem excederent, diuino beneficio redundasse, quod sese obedientię strictissima religione cum Deo, cumque moderatore suo, quem Dei haberet loco, inenodabili illa obseruantia, deuinxisset. Ijs excitata magis, atque incensa, haud procliuè intellectu est, quàm inuictam, quàm infractam, quàm perpetuam sese in eius absolutione virtutis præberet. Illud satis notum, & exploratum, & propter rei nouitatem huc vsq;, quod sciam, inauditum, illam in medio ardore ecstasis, sen-



Plato in  
menon.  
Et Hipp.  
maior.

sibus planè desertis, & impeditis, subleuatam, solitam tamen, ad vnam obedientiæ vocem, sentire, audire, respondere, stare, progredi, & quiduis aliud, corpore licet tum semianimo, & sopito obire, pene ad instar veterum Dædali statuarum apud Platonem (αὐτομαθεῖς vocabant) quæ insensiles cum essent, atque exanimæ, arte tamen, atque ingenio artificis per sese moveri, volare, excurrere videbantur. Certum si quidem in ecstasi, quanquam suo semper spiritu corpus animatur, sensus tamen, vi animæ rebus superioribus pene tota collata, captos, & desertos penitus obtorpescere. Ecce iam quod tota miretur, obstupescatque posteritas. Hippolytus S. Mariæ novæ præpositus, Bartholomæo quodam Franciscano socio, cùm B. Franciscam obsequi ergo adiuisset, sermocinando de diuinis inter se, momento distractam, atque auulsam à sensibus conspiciantur. non ignarus, aut nouus Hippolytus quorsum res euasura esset, sopitæ iubet, ne se eius iniussu illo statu, locoque commouere auderet. Nec plura cunctatus, dômum reuertit. Fuit iussis fides. totâ eam noctem eodem immota vestigio hæsit, destituito corpore. Rita monialis denique tantam moræ patientiam miserata, fictitio præpositi, atque mutuato nomine inclamabat, vt cubili tâtis per innixa quiesceret: nihil obtinuit, tantum semimortuis oculis submurmurantem audiit, nolle se exurgere nisi eius imperio, qui id illi iubere posset. Rita igitur, postero die primulū illucescente, Hippolytum statuit conuenire; vti rei serie nunciata, Franciscæ cōsuleret. Ab illo hoc modo

retulit. I, Rita rectâ domum, ac Franciscæ seriò meis  
 verbis impera exurgere oppido, & corpore ad lectu-  
 lum composito, requiescere. Dictum, factum. simul  
 magistri nomen inaudit, experrecta surrexit. Huic  
 non dissimile factum, atque haud satis sciam an stu-  
 pendum magis, pridie conuersionis Apostoli Pauli cō-  
 tigit. Templum ei in suburbana Ostiensi via dedica-  
 tum, eo die, suo pristino more cultum religiosissima  
 fœmina adiuerat, vixque ad princeps altare venera-  
 bunda prociderat, quando infima illa, brutâque sen-  
 suum concretionem aliquanto semota, repentina auul-  
 sione, mentem ad diuina contemplanda transuexit.  
 Sociæ moniales, quas secum aliquot abduxerat, incer-  
 tæ quid agerent, eamne suis illis delicijs perfrui diutiùs  
 sinerent, an ab illo raptu diuellerent, dum inter se sus-  
 pensæ deliberant, vox cœlitus allata per ecstasim à Bea-  
 ta percipitur, qua, nomine obiecto obedientiæ, con-  
 surgere, domumque repetere extemplo iubetur. Mi-  
 rabile dictu, factûque, ad eam obedientiæ appellatio-  
 nem adeo assueta, præclusis, vt erat, desertisq; sensibus,  
 insensili corpore consopita, brachijs ad pectus, crucis  
 specie, configuratis, oculis cælo perpetuò fixis, gradie-  
 batur: iamque ad eam crucem peruentum erat, quæ  
 in media area, consecrati templi monumento, erecta  
 conspicitur, cùm sibi restituta, sensibusque reddita, cœ-  
 ptum iter ingressa cum socijs in urbem redijt, domum-  
 que reuisit. POSTREMVM à vidua summus magister  
 exigebat Apostolus, vt in operibus bonis testimonium habe-  
 ret, tribulationem patientibus subministraret, sororum pedes

VI.  
 PIA  
 CHRI-  
 STIANÆ  
 CHARJ.

TATIS  
OPERA.  
ubi simul  
varia sa-  
nctis cor-  
poribus  
miracula.

lauaret, & id genus alia. Sim infinitus, si cuncta conse-  
cter, siquidem incensæ charitatis ardorem, quo fla-  
grabat in proximum, memoria tenemus eum fuisse in  
B. Francisca, marito superstiti, quem in paucis, omniū  
seculorum memoria, legimus. Sublimiora hîc quædā,  
quando perfectum in vidua exemplar proponimus,  
strictim, & quasi per satyram, quæ ea parte miraculo  
clara præstitit perstringemus. M E N I C V M, ni Domi-  
nicum malis dicere, Tartallia filium quîndecennem  
adolescētem, è regione Triuij, grauissimo morbo co-  
mitiali miserandum in modum agitatum, Rentij auū-  
culi rogatu, manu ad illius caput apposita, persana-  
uit. Anno M. CCCC. XXXVII, P E R N A M mulierem an-  
nos natam XXXVII. horribili inguinaria lue afflatam,  
loco affecto admota manu, statim remittente febre,  
præsenti certôq; exitio liberauit. An M. CCCC. XXXVIII,  
FRANCISCAM Andreottij Clarelli cōiugem lethali  
fluxione sanguinis, Euangelicæ mulieris exemplo re-  
petito, visitatā, & tactam in perpetuum, subitò, nullo  
medicamine curauit. ANGELELLAM Petri Cresci-  
monij vxorem, quæ morbo Arthritico, dextri brachij  
ferè vsum amiserat, cū in eam in itinere, ex D. Pauli  
æde regressa incidisset, id à se magna fiducia postulan-  
tem, brachiumque vt manu contingeret proferētem,  
ex tempore sanam, valentemque reddidit. NVCCIVM  
Lælij Quintij filium biennem herniosum, iamque  
maxima inflatione periclitātem Riccia mater Chirur-  
go incidendum dederat. At ligatum, cōpositūque  
ad nouaculæ lanienam, præsertim pueriliter eiulantem  
miserata,



miserata, opifice sistere iussu, ad B. Franciscam, poscē-  
dæ opis causa, profecta, non vano consilio, aut spe ir-  
rita, filium inde sanum, & incolumem solo tactu san-  
ctissimæ fœminę reportauit. *PALLOTIAM* febre ar-  
dentissima æstuantem, iamque extremum cum letho  
depugnantem lecto, lethoque releuatam, cū eam  
visitasset, repentē restituit, quasi omne morborum ge-  
nus sua præsentiā propulsaret. *ALLEGGRAM* tertij do-  
minicani ordinis monialem, extraordinario dolore  
pectoris, & periculosissima, ac ferē perpetua, certē in-  
sanabili sanguinis vomitione, cū eam solummodo  
pro sua erga ægros charitate inuississet, exoluit. *FRAN-*  
*CISCÆ* item illi *Clarelliæ*, ex dextera mamilla ad eō in-  
tolerabili cruciatu distenta vexatæ, vt lancinanda, ape-  
riendæque nouacula, medici sententia, iudicaretur,  
iamque ea causa mater puerum alteri lactandum de-  
disset, dolorem omnem, & doloris causam absterisit;  
oppidōque reuocari puerum, & materno lacti re-  
stitui iussit. *MARSILIAM* Mutiam nurum suam,  
Ioannis Baptistę Pontiani sui coniugem, extremis qui-  
busdam, desperatisque doloribus in vitæ discrimen  
adductā, postquā ea, plena fiduciā, Socrus absentis  
opem vocasset, omni cruciatu, omni que periculo sta-  
tim exemit. *VANNOTIAM* nescio quam Romanam  
detestabili desperatione eō compulsam, vt gladio sibi  
pectus, necis sibi ipsi inferendæ consilio, transuerbe-  
raret, quasi ex compacto conuentam à desperationis  
extrema rabie, opportuno subsidio, ad sanio rem men-  
tem reuocauit. *RITAM*, utrāque mamilla exulcerata,

excruciatâ, post omnia remedia frustra tentata, certo vnguento, quo in speciem dissimulare miracula consueuerat, leuiter admoro, curauit. L V D O V I CÆ Annibalis cōiugi, triginta iam annos natę, prolis incredibili desiderio, quod mulierum ingenium est, dudum inutiliter, atque anxie laboranti masculum filium, sterilitate abolita, sponpondit, ac breui suis precibus impetrauit. Quid dicam, nisi ad omnem de hominibus bene merendi occasionem intentam mirabilem viduam omnia suis beneficijs, sua pietate, suisque miraculis peruasisse? quam si nostrę viduę miracula patrantem assequi non poterunt, at sanè miseris omnibus, inexhausta quadam beneuolentia, & indefessa benignitate, commoda subsidia procurantem imitentur, quę ego Christianę humanitatis Deo pergrata officia magis mira, quàm ipsa miranda miracula iudico. Tãdem aliquando, Beatissime Pater, turre speculorum adducta ad tertiam contabulationem, extremam adhuc quandam meam manum expectat.

LECTV-  
LVS IN  
THOLO,  
vbi de se-  
licis obitu  
B. Fran-  
cisci.

ILLA ANTIQVA superstitione veteris Apothoſeos, præter lignorum struem triplici illa contignatione erectam, Alexander, Herodianus, & reliqui etiam lectuli mentionem faciunt, quem cum Imperatoris cōsecrando corpore, purpura, auro, gemmis ornatum in summa strue, in ipso fastigio collocabant, vt subiecto incēdio cremaretur. Ego, ne nostravera, & magnifica vmbraticis, & inanibus illis vlla parte cedant, B. Franciscę funebrem lectulum, ipsius pretiosa in conspectu Domini morte, multis clara, non gemmis, sed

miraculis sumptuosissimè apparatus, in huius mei Panegyrici apice, atque in meæ turris speculorum supremo tholo componam: placet ex cupresso tholum excitare, columellis, ad reliquæ structuræ formam, cōpositi, mixtique ordinis eleganter, per sena item intervalla, distinctis; nam Cupressum veteres feralem, & funebrem arborem vnam ex omnibus habuerunt, quam nos non aliunde, quàm ex monte Sion excisam extremo operi adhibebimus; vnde summæ coronæ commodum inscripsimus, QVASI CUPRESSVS IN MONTE SION. Sion nostrates Theologi cælestem patriam in excelsu locatam interpretatur; ibi ego sanctissimæ matronæ funus exoluam, cuius cælestem penitus, & Sione dignissimum obitum immortalis, quasi superiori vitæ idoneam, gloriosamque coronidem adiungam. Ergo moritur tandem, hei mihi! moritur, intempestiuo tempore, B. Francisca, tam suo magno bono, quàm Christianæ Reip. detrimento. Extremus illi dies fuit VII. ID. MARTII. Anno Christianæ salutis assertæ M. CCCC. XL. suæ ætatis LVI. Felix magis dum moritur votorum compos, quàm dum viueret, tam varijs vitæ procellis obnoxia. Ille qui alienis canaliculis iam cælum amplius non contemplatur: qui in volatica sensuum fide veritatem non venatur, qui sub pedibus vacillantis, titubantisque fortunæ expectationum suarum munitam arcem nutare non sentit; ad quæ cura, studium, anxietas, & quæ sunt alia id genus minutiora miseriarum dragenieta accedere iam verentur; cui elementa, & mixta omnia obsecundant,



humana velificantur, diuina deferuiunt; deniq; bruta ista, & rotatilis mūdi moles sub pedibus plenè subiugata, conculcataque intra suæ leuitatis reciprocationes semper euoluitur, is demum, mea sententiâ beata, tranquillaq; vita frui censendus est: id autem mortē solam posse afferre in comperto est. Quantis ergo lætitijs gestijsse, eo mortis appulsu, suspicari possumus? Atque, vt primis vltima responderent, ex charitate in proximos, qua semper exarserat, mortis gloriosæ causam inuenit, eo mortis genere felix, quòd seruatorem Christum pro humano genere morientem, etiam supremo interitu imitatur, cuius vitæ vestigia non leuiter pressa ad exigui prædicationem temporis, sed penitus fixa retinuit ad immortalitatis gloriam sempiternam. Ioannem Baptistam filium, quo de supra diximus, graui morbo iacētem inuiserat, vt materna cura, ægri molestiam solaretur, illiusque animam interim cælo, per Christiana, atque vſitata subsidia compararet. Illis officijs, dum horam ex hora trahit, nec inopinatò, noctis ineuntis interuentione, magistri spiritalis imperio, Turrim speculorū petere prohibetur, in domo Ioannis pernoctare, in Tranſtyberina regione, cogitur. Interim, ea nocte, ipsa pariter ardore febrili adalligata, postri die malo inualescēte, vt sibi ad iucundissimas sorores aditum obsessum, & interclusum sensit esse, in eam primam, & summam curam incubuit, vt conscientiæ moderatorem accerferet, animum quàm accuratissimè expiaret, extrema animæ Christianæ solatia omnia, quæ moris sunt, ritè sacramenta suscipe-

ret. quibus exactis, eo diuino beneficio, quod ego equidem omnium, quæ in vita sperari possunt, maximum duco, ita se Deo obstrictâ, deuinctâque persensit, vt omnes, qui tum illi adstarent, Augustinianos præsertim Religiosos, incredibili contentione obtestaretur, vt pro inexplicabili illa susceptorû sacramentorum accepta gratia, largitori munificentissimo numini, quanto maximo fieri posset cordis affectu, secum gratias immortales, consociata voluntate, rependerent. Proxima nocte, postquàm in febrim inciderat, clarescebat illi conspiciendum Deus obtulerat, innumerabili Angelorum choro stipatum, prædixeratque, septimo post die, statuisse se illam hac mortalitate miserrima expeditam cælis inferre; quare quatriduo ante, quàm ex vita decederet, à Francisco Ioanne Angelo Sclauo, ciue Romano, sacerdote clarissimo visitata, cum morbo aliquanto leuata illi videretur, ideoque ægrotae dixisset sibi videri, fortè numini gratum futurum, vt ipsa multorum, maximè sociarum bono conualesceret, etiamq; adhuc cum illis viueret; illa multo aliter de se sentiens, Deo, inquit, laus, Deo grates immensæ, æternæque, ego ad diem Mercurij, aut ad summum Iouis; hînc ad tutiorem vitam commigrabo. Et fuit ita. consequenti die Mercurij, hora noctis admodum prima, nono Martij, hisce humanis tendiculis extricata, liberiore curriculo, astra conscendit. Aliquanto antea tantisper, dum in illius cubiculo Missæ diuinû sacrum fieret, sub consecrationis tempus in ecstasi raptam spiritum iam iamque efflaturâ rati, qui præsen-

tes aderant, Magister spiritalis imprimis, & suæ aliquot moniales in lacrymas certatim omnes effusi, funebri eiulatu, illam iteratis vocibus exorabant, vt secum manere diutiùs vellet, idq; quod in promptu haberet, à Deo supremis precibus impetraret. Hic suorum fletibus, atque suspirijs satis emollita tenera, illa, & Dei plenissima anima, quod B. Martinum fecisse, in simili suorum imploratione accepimus, ad suavissimum nume conuersa, Domine, inquit, *si adhuc famulus tuus, filijs meis sum n̄ cessaria, non recuso laborem, fiat voluntas tua, sicut in celo, ita in terra.* Deinde cum mortem propinquam præsentisceret, idq; tum ex præmonitione illa diuina prospiceret, tum ex inusitato quodam tutoris Archàngeli spectaculo, qui eo die, qui dies illi vite vltimus fuit, summa festinatione, & extraordinaria diligentia triplicem illam suam telam, de qua alio loco memini me dicere, ordiri, atque absoluere nitebatur; sermone ad filias moniales conuerso, quæ totę lacrymis diffluentes suauissimæ matris lectulum circumsidebant, eas magna vi inflammata charitate animi in hæc verba nouissima adhortabatur. vt omnes inter se inuiolabili quodã mutui amoris vinculo nexæ, iugatæq; viuerent: vt violenti cacodæmonis quotidianis incursibus fortiter obisterent: vt mundi fallacis insidijs, illecebrisque vigilanter occurrerent: vt Domini Christi vestigijs prorsus insisterent, spesque suas omnes in eius patrocinio collocarent: vt in virtutum omnium studiū maximè sui despicientiæ, & obedientiæ constanter incuberent: vā enim illi, quæ se in obsequentē, aut refra-



ctariam exhiberet. Ad vltimum quæ, totius vitæ fermè  
curriculo subterraneorum lenurū importunissimis,  
atque continuis agitationibus oblecta, & vexata fue-  
rat, vltimo mortis articulo, ab illis penitus triumphatis,  
fugatisque libera, cum quotidie tota vita Parthenium  
Deiparæ matris officium recitasset, visa extremum ne-  
scio quid, formicantibus labijs, submurmurari, à suo  
Moderatore, quidnam diceret, interrogata, respondit  
iam iamque animam emissuram se Deiparæ virginis pre-  
ces vespertinas persolvere, quibus oppidò absolutis,  
dormienti magis, quam morienti similis, nullo cuius-  
quam doloris indicio, sui semper ad vltimum com-  
pos, leniter oclusis oculis, quieto, & tranquillo vultu,  
laboriosissimum vitæ stadium palmæ properanda de-  
currit. Vt primum urbem gloriosi obitus fama perua-  
sit, veluti signo dato, incredibilis mortalium cuiusque  
ordinis, ac generis iucundo spectaculo oculos imple-  
re cupientium concursus fieri trans Tyberim cœpit,  
vbi decesserat; vrbs tota momento confluere; non  
pueri, non puellæ, non senes, non debiles domi se  
posse continere. Currentibus calcar admouit nouum,  
& propositum palam omnibus in corpore extincto  
miraculum: funere ad S. Mariæ nouæ elato, sacrum ca-  
daver duobus diebus, tribusque noctibus, inibi inse-  
pultum ad vota, importunaque desideria populi re-  
seruatum, tam gratum ex sese odorem perpetuò exha-  
lauit, quod cōceptis verbis autētica rerū gestarū acta  
solenniter descripta testatur, vt rosæ, & violæ, & omnis  
generis flores ibi copiosè conspersi putarētur. certiori

prodigio, quàm ex Alexandri Magni corpore, cuius ex viui membris balsameum quendam odorem exspirari solitum Plutarchus, nescias an putidulus assentator, an veridicus scriptor, memoriæ prodidit. Ergo totius amplissimæ vrbs congratulationes, augeri cœptæ. Ægri quoque relictis grabatis adrepere, visendi, osculandi que cupiditate, vires, vti assolet, subministrante. Plerique impetu quodam ardoris irruentes certatim ante alios prouolabant, vt primi gratum gestamen attingerent; tanti que vndique ex omnibus vrbs partibus repente concursus facti, adire, contingere, osculari sancta pignora decertantium, vt se mutuò prementes penè alij super alios corruerent. In augustæ ædis ingressu, vt quisque ad feretrum propius accedit, dum venerabundi odoriferas salutant, sub odorantur, que reliquias, ingenti religione perfusi vim lacrymarum leniter decurrentium maximâ profundunt: consilia ineunt melioris vitæ; nouam Populo Romano in cælis Aduocatam perditissimis temporibus gratulantur: ab eo loco diuelli nequeunt. Super omnia tristissimul, ac dulce spectaculum augent horrendi vndique ægrorum præcipuè, ac debilium clamores exauditi, confusis vocibus, & festis acclamationibus patronam, matrem, & suam Romanam Dorcadem appellantiū, valetudinem que, ac sanitatem crebris, iteratis que vlulatibus exposcentium; vestes, indusia, alia suæ curatricis insignia munera ostentantium: non nihil reliquiarū ex demortuæ vestibus, aut cadauere certatim abradere gestientium, feretrumve manu contingere gaudentium.

dentium. Neque voces vanæ, nec preces irritæ recidebāt: protinus depulsis morbis, restitutisque viribus multorum, diuina sanctissimi funeris vis extitit. Ex reliquo numero, Iulianus quidam, trium mensium vlcere in infimo pede contracto, medicamentis omnibus irritò exitu tentatis, Sanctę inhumatę adhuc funeri applicans ex veste frustulum præcisum vulneri admo- uuit, sanitatemque è vestigio recuperauit. Andreotia item vnde quadraginta annos nata, Petri sanctę crucis eadem vxor, renum, ac dorsi cruciatu acerbissimo ita oppressa, vt lecto moueri, seque sustinere non posset, permota miraculorum fama, quę ad ferculum B. Frã- ciscę etiam tum insepultę patrabantur, illi se, ardentis- sima fusa prece, commendauit; vixque oratione dum finita, perfectè conualuit, ac iam lecto exurgens, suis viribus nixa, curriculo ad salutare Sanctę reliquias, ad mutuam coram referendam gratiam conuolauit. De- nique illo triduo, triumpho potius, quàm funeris instar exacto, corpore nulla parte vitato, aut corrupto, imò perinde, vt si viueret, viuido, tractabili, colorato, & odoris illa continuata fragrantia admirando, placuit, quamuis populo Romano plurimum reclamante, lacrymanteq; , sepulture mandare, quod ægrè tandem, vti constitutum fuerat, effectum, duodecimo Martij, in ipso S. Marię nouę sacratissimo templo. Verum eodem anno, ad vi. Kal. Augusti, cum clara in dies, testata miracula exaggerarēturq; ex humiliori loco corpus miro adhuc odore fragrans ante altare princeps deportatur, ibique honoratiore monumento reponi-



tur, ornatu marmoreo, atque porphyretico, superiniec-  
ta craticula ferrea, ea forma, quam hodie videmus,  
cui Epitaphium sepulcrum huiusmodi, recenti, & glo-  
rioso testimonio sculpi fecerunt. IN ISTO LOCO  
REQUIESGIT VENERABILE CORPVS BEA-  
TÆ FRANCISCÆ DE ROMA, DICTÆ ALIAS  
DE PONTIANIS, QUÆ FELICISSIMO TRAN-  
SITV, MIGRAVIT AD DOMINVM. ANNO A  
NATIVITATE EIVSDEM M. CCCC. XXXX. DIE  
NONO MENSIS MARTII. CVIVS VITA AN-  
GELICA MVLTIS MIRACVLIS FVLGET IN  
TERRIS, EIVSQVE BEATA ANIMA AETER-  
NIS GAVDIIS EXVLTAT IN COELIS. Is lectu-  
lus, id ferculum, ea veluti sella triumphalis, hoc appa-  
ratu, illaque magnificentia, per me in summam turri sub  
meum tholum reponatur. Iam ad perfectionem ope-  
ris iubeo, consciscóque, vt sex illa latera, ne lectuli pro-  
spectum impedian, ex purissimo, illustrissimoque cri-  
stallo, vt ita dicam, fenestrata, accurata incisione, per-  
petrata post mortem B. Franciscæ prodigia, bina sin-  
gula ita referant, vt in transuersum intus in tholo le-  
ctus pompaticè ornatus appareat. Atque vt ille ex fu-  
nere fragrantissimus odor emanás repræsentetur, volo,  
ac statuo, vt mera, sinceraque florum omnium gratif-  
sima genera, lilia, rosæ, violæ, narcissi, & reliqua, non  
arte ex ligno, vt superius, elaborata, sed ex hortulis pu-  
ra, ac recentia, varijs sertorum, & Eucarporum, & va-  
sorum, & coronarum, & lemniscorum inuentioni-  
bus, vndiq; in tholo, exterius, interius, ad columellas,

ad epistylia, ad stylobatas, ad coronides, visenda, ac triumphali colorum, odorumque omnium pulchritudine intexantur. Post hæc, sese efferat primo loco PETRVS PAVLVS de Molaria, qui ad nouum ædificium domus turris speculorum, cum sublimi loco magnam trabem statuere vellet, subita decidentis trabis ruina oppressus, & pro mortuo ab omnibus habitus, vnus ex monialibus oratione in periculo, B. Franciscæ commendatus, exiguo spatio interiecto, liberius iam meante spiritu, alleuare oculos cœpit, indeque paulatim redeunte animo, circumstantes agnoscere, ac demum sensus omnes cum voce, & vita recepit. AVGVSTINA ANGELI DE VITERBIO ad idem latus exprimatur. Ea ex graui oculorum morbo, haud dubiè cæca, sic vt iam lumen adspicere non posset, postquam omnia vulgata remedia nequicquam ad mouisset, denique, re B. Franciscæ commendata, & panno, qui eius corpori impositus fuerat, pupillæ adhibito, mox claram lucem sanis oculis haurire, postea penitus conualescere incepit. Alterum latus ANTONIVS DE PALVMBARIA, & IACOBVS DE CLARELLIS excipiant. Ille, anno ætatis quinquagesimo, lethali in capite vulnere accepto, iam sex ossibus à chirurgo detractis, mortem inter, & vitæ dubius, à B. Franciscæ voto ad opem vocata, & panno, quo illa utebatur, ad plagam illato, statim perlanatus est. Hic pestilentia tactus, cum fœda impendentis mortis facies oculis obuersaretur, valetudine à medicis complorata, Gentilescæ sororis voto, de B. Franciscæ tumulo in-



## Vita Sancta

uisendo, tum de Iacobi imagine cerea offerenda, continuo horribilem morbum, & imminentem cladem euasit. Succedant duę matronę lue illa vulgari, eadem præsentissima ope, ereptę, MAGDALENA CLARELLIA, & ANGELOTIA, eadem vna capedine expressę. Prior, tumore pestifero exsecto, vehementer læsa brachium tantum non amiserat, & dolore grassante, mortem proximam expectabat: tunc mater ipsius, humanis auxilijs desperatis, rumulum Beatę, suę popularis, diuinę quærędę opis causa, petijt, ei filiam commendauit, domum reuersa, ea ipsa hora, qua precem fuderat, malo liberatam offendit. Altera, simili incisione, contagioso tubere lancinato, iam latere amisso, continua capitis agitatione suborta miserabilis, simul se voto ineundę cum alijs, ad Turrim speculorũ, societatis, si præsentis ægritudine leuaretur, obstrinxit, visa sibi B. Franciscam in hæc verba loquẽtem audire: *Filia, non morieris*, extemplo meliusculẽ habuit, statimque conualuit. Prodeant geminę alię, febris simul, & Arthritico cruciatu exemptę. AGNES Pauli Lelli filia, & ANGELOTIA altera quędam Turris speculorum sodalitio aggregata. Agneti extremẽ cum morte luctanti, & carbonis instar ex morbi violentia denigratę Iacobella, & Augustina, Parthenij officij libello, quo B. Francisca vulgò utebatur, ad pectus applicito, certum à Beata exitium sunt deprecatę. Angelotię, præter febris ardorem, linguę præterea facultate, ex articulari illa fluxione destitutę, mutęque, tum ad noctem proximam, medicorum iudicio, de vita certissimẽ pe-



riclitanti, Iacobella Socia non prius eundem illum precarium codicem pectori primum, tum capiti imposuit, quàm illa loquendi vsuram, & absolutam valetudinem recuperavit. Consequantur in ordine ANTONIA Ioannis Christophori coniunx, vnà cum FRANCISCÆ Pauli Totti vxoris filio quadriēni. Illa febris, & pleuresis coniurato dolore, eò perducta, vt in sequentem diem Medicus pronunciaret viuere nō posse, iam iamque postremo sacrae vnctionis auxilio muniendam duxisset, prece ad B. Franciscam conuersa ex animo, panno illius vsuario ad partem maximè laborantem leuiter tacta, geminis repente leuata doloribus, postridie valens, & sana de lecto surrexit. Franciscæ Tottia gnatum ex tibijs adeò caprum, vt liuidæ plagis, atræque, obstipata sanie, putrescerēt, nullaque omnino gradiendi esset reliqua facultas, spes verò sanitatis multo deterior, brachijs delatum ad Sanctæ Mariæ Transtiberinam ædem plenissima fidei deportauit, vbi ante tabellam B. Franciscæ procumbens, vix illius patrocinio dolendam miserandi filij vicem commendauerat, quando puer se humi demitti matrem precatus, primo stare suis pedibus, tum gradum figere, deinde paulatim incedere, postea ipse domum redire, denique ligamina abijcere, emplastra deponere, saluus, ac sanus de cætero viuere visus, solenne prodigij testimonium propagauit. Concludet hanc seriem recens, & spirans adhuc nostri seculi celebre factum, magno theatro, tota Roma spectatū. Ante quinquennium, anno ineuntis seculi tertio, Christi corpora-

ti M. D. C. III. BELI quidam in Mahometana perfidia obduratissimus, cum ante viginti annos, in Turcarum triremibus infestam Mediterraneo Piraticam exerceret, à Christianis captus, & in urbem deductus, iam Marchioni Malaspinæ Triremium Ecclesiæ præfecto seruiebat: is sepius, vt fit, à varijs de resipiscendo com-  
monitus, cum obfirmatus in scelere magis in dies ob-  
duresceret, & cani surdo omnia viderentur, ex casu, quem referam, quam refugiebat, huius Diuæ patrocini-  
nio, salutem reperit. A Catarina Malasпина præfecti  
sorore germana sæpenumero cum munusculis ad æ-  
des Turris speculorum, ad Maximillam præsertim Ale-  
coram bonam missus, cum ea occasione à Religiosissi-  
mis mulieribus de capeffenda Catholica fide virgere-  
tur, se tamen obstinatum ad omnia, & impenetrabi-  
lem ostenderet, monita respueret, consilia, & argu-  
menta omnia, obfirmato proposito, ludificaretur, æ-  
gre tandem, officiosa Maximille importunitate, persua-  
deri se passus est, saltem vt preculam illam secum ipse  
identidem iteraret. *Beata Francisca memento mei* Ecce  
tibi igitur, ô admirabilem clementissimi numinis be-  
nignitatem! dum aliquoties an serio, an ioculariter il-  
la repetit, piæque sorores interea dulcissimam Magi-  
stram non cessant, ad mentis sanitatem infideli homi-  
ni comprecandam, assiduis precibus sollicitare. Serio,  
sed aliquando tamen propitium Dei numen ei cæco  
aperuit oculos, vt ex infidelitatis lutulento cœno ere-  
ptus emergeret. Nam, nocte intempesta quadam ho-  
ra quasi noctis septima, profundissimo somno sopitus,



puerum, qui à se stipem expolceret, ea forma, sibi videre videbatur, qua B. Franciscæ tutelaris Archangelus depingi solet: dein experrectus, viso domesticis alijs feruitijs, atque heræ imprimis Catarinæ exposito, solito lætior domum Oblatarum Turris speculorum adire iussus, re omni cum illis, cum Maximilla maxime communicata, ingenti gaudio, summa constantia, maxima admiratione, ferocitate deposita, errore damnato, superis gratulantibus, hominibus applaudentibus, se Christianum fieri, postulauit; atque doctus in fide, & piaculari postmodum lymphâ initiatus, beneficij memor, miraculi authorem professus, Francisci nomen expetijt. At quis me ferat iam mea prolixitate immortaliter fastidiosum omnia referentem? quod fieri nequit, aut plura, quod in promptu est, dicere agredientem? aut plurima summi momenti, breuitatis stultio, prætereuntem?

**V**ERVM ILLA sublimis, auium Regina, magni Iouis ales, armigera, fulminatrix, solaris, rupicola, cælicola, Romana, Imperialis, bellicosa, signifera Aquila, quam in summo culmine busti triumphalis, ex veterû scriptorum historia conspicio, me ad se rapit, & pectus meum penetrale, infinito quodam congratulandi studio, concitatum ad illa aliquâdo magnificam orationis maiorem quandam inflectere hortatur. Cresco, Beatiss. pater, & exulto, & viuo magis, cum cōsidero Sanctam tot annis pontificale suæ sanctimonie toties tentatum, quæsitumque suffragium, cum ad finem distulisse, quousque Pontificem maximum ge-

AQVILA  
IN SVM-  
MO LO-  
CATA.



nere Romanum, sibi que in alijs vnice expetitur, aut diu expectatum consequeretur, aut singulari apud Deum gratia, quod ego non dubito, impetraret. Illud namque illa Burghesia, Romana, Pontificia Aquila perficere potuit, quod Eugenij i v. transuersa regula non direxit; quod Nicolai v. clauis non reserarunt; quod Callixti i i i. & Alexandri vi. sacrificæ vaccæ non expiarunt, quod Piorum i i. & i i i. Lunatæ cruces non illuminarunt; quod Pauli i i. Leo ad repere non potuit; quod Sixti i v. Iulij i i. Innocentij i x. arbores non fructicarunt; quod Innocentij viii. quincunces non ordinarunt; quod Leonis x. Clementis v i i. Pij i v. Leonis x i. glandulæ non penetrarunt; quod Adriani vi. Leones ad repagula decussati non perfregerunt; quod Pauli i i i. lilia neque olfecerunt, neque fragrarunt; quod Iulij i i i. corollæ non coronarunt; quod Marcelli i i. velocissima cerua non decurrit; quod Pauli i v. directa, quod Pij v. transuersa repagula non terminarunt; quod Gregorij x i i i. dracones non viderunt; quod Sixti v. nec leo superauit, nec stella ostendit, nec monticuli conscenderunt; quod Gregorij x i v. vel rastra non expurgarunt, vel arbores non germinarunt; quod Clementis v i i i. nec rastra secreuerunt, nec sidera penitus illustrarunt. Haud dubia Dei numen predestinatæ suæ voluntatis indicia de Pauli v. Romani Aquila ad sublimem illum volatum prouehenda monstrauit. nemo ferè de cæteris Pontificibus non tentauit; omnes in eam curam calidissimè, & studiosissimè incubuerunt: Paulum, B. Francisca inquit, volo, Apostoli  
Pauli

Pauli non ignaua discipula; Romanum expecto Romana; quietum, & clementissimum desidero pacis amantissima; denique sanctum, si me Romani sanctam decernunt, iure depono. Cæterorum conatus amplector, huius extremam manum imploro. Equidem, B. Pater, hæc mihi certa videtur diuinæ demonstrationis arbitria: nam illo ipso anno M. CCCC. XL. quo vitam cum morte B. Francisca mutauit, recenti, repenti quodammodo rerum ab illa gestarum memoria, Andreas Auximanus Episcopus, qui pro Eugenio Papa I. vrbem cum eius ditione, cum summa sacrarum rerum potestate regebat, Sanctium Bouensem Antistitem, & Ludouicum Carthusianum Monasterij vrbani S. Crucis in Hierusalem præpositum, ad quæstionem de vita, & rebus cum miraculo à B. Francisca patris, accuratè, & legitimè habendam destinauit: quare testes citati, auditique oculati omnes, ac locupletes, breuissimè summa autenticè inita rerum maximarum. Super hæc biennio post, eoq; amplius, Anno M. CCCC. XLIII. Eugenij I. Pontificatus XIII. Rogatione procuratoris, ac syndici Religiosorum patrum S. Mariæ nouæ, ordinis Montis Oliueti, coram Dominico Cardinale Firmano, cui fuerat à Cardinale de Albertis, præcipuo in hac causa Quæsitore, ea delegata prouincia, alia solennis habita quæstio est, qua de LXXX. capitibus actum, testes XXXVIII. iurati, atque assidui interrogati. Præterea Anno M. CCCC. LI. Nicolai Papæ v. quarto, post B. Franciscæ felicem obitum, XI. ad consecrationis ab Eugenio inchoatæ negotium prosequendum, iudi-

cium commissum Episcopis Spoletano, & Mindonienſi; apud quos Michael Præſis procurator, ac ſyndicus cœnobij S. Mariæ nouæ de promouendo ſacro negotio diligenter egit, poſiciones, & capita protulit, teſtes XLIIII. viros, LXXXVIII. fæminas præſentauit, actio tota iuridicè; meliori quàm vnquam, & exactiori ordine compilata. Inde vſque ab illo tempore, videtur ea res ad Clementem vſque Papam VIII. incertum qua cauſa, reſediſſe, tametſi in vrbe nuſquam interrupto, aut imminuto præclaro in Diuam ſtudio, eximia illius Religio ſemper continuata perſeuerauerit. Siquidem in oculis ſummorum Pontificum eius dies feſtus in vrbe, præcipua quadam obſeruantia, cultus fuit; in curia capitolina à iure dicundo, & ſtrepitu forenſi ceſſatum: ipſa diei religio, ſtatuto antiquo anniuersaria, Alexandri VI. authoritate (ad lib. 4. cap. 25.) firmata, & ſtabilita. Eius tumulus conſtanti religione celebratus, tabellæ diademate inſignes vulgò depictæ, appenſæque: multa illius miracula ad Turrim ſpeculorum, inde ab anno M. CCCC. LXXXVIII. picturis expreſſa; Miſſæ ſacra, die anniuersario, ſolenni ritu, à quopiam Epifcopo ad S. Mariæ nouæ facta, tumque de ipſius laudibus Panegyrica oratio habita, Annis M.D. XXXIV. XXXV. XXXVI. XXXVIII. quod Ioannis Bruccardi, & Paridis Graſſij, qui ſacri Palatij ceremonijs præerant, diaria teſtantur. Noſtro ſeculo, à ſummis Pontificibus piaculares indulgentiæ, ad VII. Idus Martias, æ dem, vbi B. Francisca requieſcit, piè adeuntibus ritè conceſſæ. Illo die celebre ſacrum magna Cardinalium frequetia fieri



consuetum. Senator, Cōseruatores, alijsque Magistratus Capitolini adesse, calicem magni pretij, & funalia quatuor è cera candida offerre soliti. Insuper, quod cōstet, multi alij Pontifices diuersis temporibus, de Beata consecranda variè prouocati. Pius III. sibi super ea re supplicatum, iustamque petitionem fuisse, ad volumē commētariorum quintum affirmat. Volaterranus Iu- Volaterr.  
lib. 22.  
lio II. B. Franciscam Romanam Sanctis adscribere cōstitutum fuisse testatur. Postremò in Bibliotheca Vaticana, vetus quædam nota Ioānis Bruccardi eius Cere-  
moniarum magistri, quem diximus, illo inscripto titulo, inuenitur; *Ea, quæ pro canonizatione B. Franciscæ Pōtianiæ Romanæ ordinanda, & statuenda sunt.* Ergo inclitus, & sanctus modò, & Diuino numini peculiaris, ac lēctus acquisitionis Populus Romanus, pro auita, & immortalisua pietate, & Religione catholica, magnaq;,  
& domestica erga sanctissimam suam popularem, atque gentilem obseruantia, Clementi VIII. dulcissimæ, æternæque memoriæ Pont. Opt. Max., felicissimo, denique supplicarunt, vt optatum ad exitum vsque, susceptam ab alijs summis Pontificibus, expetitam à Romana ciuitate, expectatam à populo Christiano vniuerso, debitam Beatæ, gratam superis, acceptam omnibus retrò seculis, posterisque futuram consecrationem absolueret. Clementer audiuit, accepitque Pontifex æquam, ac iustam supplicationem. Tribus Rotę principibus viris illustrissimis, Serafino O'iuario, Hieronymo Pamphilio, & Garfiæ Mellino, eam demandauit ex more prouinciam, vt grauissimum nego-

tium à capite acceptum absoluerent. Sub hæc Serafinus notum iam, & celebre totius Italiæ oraculum, ingentissimis suis in Remp. Christianam meritis, indefessa præfertim, & mirabili Galliæ Regno miserandū in modum periclitanti nauata opera, Cardinalis, maximo totius orbis applausu, inauguratur, sua vtrique fortuna dignior, quam illo fortuna. Nam vir ille vniuersæ posteritati propositum diuinitus imitandum exemplum, cum omnia Regi nostro, & Regno infesta, infensaque horrendam omnium Regnorum pulcherrimo, sanctissimoque stragem intentarent; hostes ubique odijs infinitis baccharentur, amici, fœderatique taciti gernerent, omnes tamen silerent, & conclamatum iam diuinum liliū lamentarentur ex animo; vnus Serafinus patriæ vulneribus ex omnibus vnus, intimo pectore, trāsfolus intrepidè loqui, sollicitare animos, Summos Pontifices, præfertim Xystum v. & Clementem viii. qui illo iam pridem pro certo, experto, exploratoque oraculo utebantur, audacter instruere, viā non satis tum, desperatissimo seculo, tutam Regijs oratoribus sternere; ad illos primò sponte, tum concessione, iamque, iussu Pontificum, liberius commeare, illustrare, incendere, inflammare omnia, aliā omnino breui rerum faciem incredibilili suo ardore, & in regnum studio inducere. Hinc factum, vt Christianissimi Regis Henrici i v. memori magnificentia, ad purpurā vocatus, etiam paulò pòst, minimo momēto ad ipsum summum Pontificatum omnium penè votis, vocaretur, nisi vel ipse nimis gallus fuisset, vel Paulus v.



claro superum, hominumque suffragio, Ecclesiæ, æterna numinis providentia, deberetur. Ergo Serafinus purpuratus, cum illo etiam Pamphilius ad sacrum collegium accitus; Mellinus verò, non multo post, in Hispaniam à Pontifice Max. missus, huius sacræ Quæstionis cursum intermiserunt; donec tres alij ex Rota insignes viri in idem negotium, maximo, & amplissimo delectu sublecti iussu Clementis fuerunt Franciscus Penia vir omnibus exquisitissimis ornamentis omninò mirabilis, Horatius Lancelottus, & Ioan. Bapt. Pamphilius, ut causam eo statu, vnde desierat, quali à principio repetitâ resumeret, acta omnia superiorum temporum habitasque hactenus perquisitiones expenderet, tum an legitimè, & iure actum esset, quod eius sanctitatem velle intelligerent, consultò referrenti fecerunt quod iuebantur, omni exquisita, & infatigabili diligentia. Veteres actiones suas, de quæ versarunt, expenderunt, ponderarunt, contulerunt, selegerunt: nouam ipsi omnium accuratissimam instituerunt de continuata, inde à B. Franciscæ obitu, vsque ad Annum M. D. C. I. V. & nusquam intermissa serie miraculorum, & famæ sanctitatis, inuiolatè ac piè per tot annos, hactenus cõseruatæ. Omnia ritè, & iure, & legitimè transacta pronuntiârunt. Rem eo statu, ac loco statuerunt esse, ut progrediendû vltèrius summo Pontifici, ad extremâ manum antiquo, & toties iam versato negotio imponendam, videretur. Verum ipse quoque Clemens, re infecta, moritur. Hei mihi quid dicam? tanta maiestas emoritur, quæ immortalis nostris seculis debebatur.



tot iudices extinguuntur, tot maximi Cardinales inter-  
 eunt, tot Pontifices maximi in vno negotio, eoque  
 non maximo, neque arduo, præsertim in re adeo pro-  
 bata, testatâque moriuntur. ô inanes nostras conten-  
 tiones, ô frustra suscepta consilia, quæ in cursu ante  
 franguntur, & corruunt, quàm portum adspicere po-  
 tuerunt. Intelligimus modò quid sit ista mortalitas?  
 adspicimus satis quis ille sit Euripus rerum humanarû?  
 videmus quid sit isthæc ambitiosa vita, quam tanti  
 facimus? in qua ludimus? pro qua de salute etiam animi  
 sæpenumero decertamus? quam irridere, contemne-  
 re, despiciere, spectare possumus, describere, & defi-  
 nire non possumus? non possum omnem animi mei  
 sensum acerbissimum explicare, nisi dixerò hanc vitam  
 non vitam esse, verùm contentionem inanem, inui-  
 sam, inuitam: quam porro illam contentionem nos  
 aliam esse arbitramur, si verum dicere volumus, quàm  
 mare inquietum, vadum procellosum, inexorabile  
 bellum, longum funus, breue diuersorium, iter lubri-  
 cum, inexplabile desiderium, lamentabile exilium,  
 fortunæ ludibrium, inconstantia documentum, glori-  
 osum probum, fastidiosum lucrum, vanitatis empo-  
 rium, immane naufragiû, furiale solatium, bacchana-  
 le tripudium? Quo plura dico, plura occurrunt, illaq;  
 potius in mentem veniunt. horrendi scopuli, rapidi  
 fluctus, Syrenum cantus, Scyllæ larrantes, sentes asperi,  
 mordaces aculei, operiti laquei, lappæ herentes, latæ  
 angustia, dolosæ blanditiæ, latebræ inextricabiles, sa-  
 lebræ vorticosa, spirantes exequiæ, securæ insidiæ, te-

nebræ luculentæ, vadosa littora, recta labentia, longa  
suspiria, violenta vincula; Circæa pocula, hospitia Cy-  
clopæa, latronum insulæ, Diomedæa stabula, Lapi-  
tharum conuiuia, Phaetontia plaustra, Dædalea spe-  
ctra, Icaria præcipitia. Hoc est vita nostra, cum reco-  
gito, hoc agimus, hoc amamus, hanc plusquam pro-  
digiosam varietatem in dies experimur. Verum, Bea-  
tiss. Pater, vt veriùs aliquid, & magis ex meo sensu, di-  
cam, B. Franciscæ tam multos Pontifices præteruicta  
Romanam Aquilam expectabat, quæ supra casus, su-  
pra fortunam, supra lethi inuidiam, supra temporum  
peruersitatem, supra obliuionis insolentiam, supra dif-  
ficultatum omnium volubilitatem intrepida præter-  
uolaret. Illi Dauides, sanguinarijs suorum temporum  
tragædijs, inquieti; partim schismatum immanissimis  
tèpestatibus agitati, partim bellorum ciuiliu inusitatis  
tumultibus implicati, partim Galliæ miseræ conquis-  
satæ periculis occupati, materiam illi quidem, & cemen-  
ta, iussu diuino, compararunt: at pacifico Salomoni,  
pace iam toto orbe Christiano stabilita, tranquillo,  
Pontificatu verò pacatissimo, & innocentissimo, sin-  
gulari clementia, cunctis amabili, hoc sacrosanctum  
sanctificatæ B. Franciscæ S. Spiritus templum extruen-  
dum, admirabili quadam prouidètia, reseruauit. Quos  
ritus, quam pompam, quos triumphos, quam magni-  
ficentiam, quam huius Pontificatus felicitatem, quod  
istius seculi ornamentum, quod Angelorum solenne  
spectaculum patriatur me sua Sanctitas per Panegyricū  
breuiter posteris commendare, ne tam Regia, tã splen-



dida, tam diuina celebritas, aut vnius vrbs Romæ pom-  
mœrijs interclusa, aut vnius Italiæ lætitijs comprehen-  
sa, aut istius seculi memoria circumscripta coarctetur.

OMNIVM  
ORDI-  
NVM AD  
PIRAM  
IN APO-  
THEOSI  
FREQUEN-  
TIA.

VLTIMVM QVOD Alexander in profana Apo-  
theosi iactabat, meminisse omnium ordinum, Cō-  
sularis, Senatorij, Equestris, & aliorum, qua latidauo,  
qua senatoria purpura intermicantium, magnam fre-  
quentiam, qui triumphali busto frequentes adstabāt.  
Nos, vt in omnibus, ita in hoc maximè, toto cœlo, vin-  
cimus, itaque vmbatilem illum Romæ veteris fastū  
retundimus, & perfectè calcamus, vt illa præ nostris  
ludicra, & theatrica, & puerorum iocularia præludia  
fuisse videantur. Nam illius frequentia tonsæ, veteri  
more, & discalceatæ loco, nos purpuratorum Patrum  
tot celebres confessus, ad B. Franciscæ consecrationē  
denique disceptandam, sanciendamque; innumera-  
bilium præsulum operam eodem allatam; omnium  
Ecclesiæ ordinum ingentem multitudinē, qui sacra  
pompe interfuerunt; totius Romanæ nobilitatis con-  
cursum mirabilē, & quod caput est, omnium nationū,  
non iam dico vnius vrbs Romæ, lectissimam nobili-  
tatem, præcipuam magnificentiam, spectatissimam  
concurfionem afferimus, vt ad hanc pompā, cui diui-  
no munere, ego quoque interfui, non vnā maximā  
vrbem, sed totum, qualatissimè funditur, orbem con-  
fluxisse mihi verè magis, quàm oratoriè videar esse di-  
cturus. TANDEM aliquando igitur, Clemente ægris  
hominibus ablato, sui que dulcissimo desiderio, tota  
Christiana immensitate, relicto, Tresviri illi Rotæ Au-  
ditores,



ditores, quos modo dixi, egregia, ac felici subfortitione ceteris subrogati, Franciscus Penia vir vndique maximus, & grauissimus, Horatius Lancellottus, & Ioan. Baptist. Pamphilius, iussi de integro fuerunt à Paulo v. Pont. Max. instinctu, supplicatuque populi Romani, grande operæpretium ad operis fastigium attollere, & quod iam illorum pensu reliquum esset, maturè absolute. Illi ad III. Idus Aprileis anni salutaris M.DC.VI. ad suam Sanctitatem primùm exactè de tota sacra questione retulerunt, tum postea ad Sodalitatem sacrorum rituum, quæ ex Cardinalibus constat, iussu Pontificio, ad VI. Id. Augusti eiusdem anni; tota disceptatione, vti moris est, in scriptis tum suæ Sanctitati, tum sodalitati rituum in manus data, cum apta, & rite digesta, & suis probationibus autenticè, & solenniter firmata serie miraculorum. Re morosissimè, & vt ita dicam, fastidiosissimè, certè quanta maxima humanitus potest, diligentia, pertentata, Illustrissimi sacrorum rituum Cardinales negotium propiùs, & cominus aggressi, sedecim consultationibus super ea re, diuersis temporibus, habitis, studijs, dictis, scriptis, atque actionibus auditorum omnibus à principio sus deque versatis, denique decernunt in omnibus diligenter, exactè, iure, & legitimè actum videri: acta omnia iuridica, omnem quæstionem ritè instructam, de vitæ sanctimonia, excellenti fide, rerum naturam transcendentium effectione, in B. Francisca manifestò constare. Quæ rogatione sua Sanctitas denique accepta, sancit ad extremum, vt omnium Cardinalium, qui Romæ tunc es-

sent, quibúsue vacaret, ad omnem penitus scrupulum, & dubium reuellendum, concepta, consuetaque in re simili, consistoria (noua enim nouarum rerum vocabula vsurpare cogimur, qui veteribus indigemus) haberentur. Tria omninò rituales codices Romani fieri decernunt priùs, quàm ad solemnem consecrationis sententiam deueniatur, quæ summa religione ad hunc modum habita singillatim fuerunt. Primùm priuatim, extráque omnem frequentiam indictum est, ad diem Lunæ iv. Kal. Maias, anni decurrentis aucti M. DC. VIII. in quo Dominicus Pinellus sacri Senatus princeps, ac Decanus, Episcopus Ostiensis; ex sodalitate sacrorum rituum, ætate, & experientia, prouectissimus breuiter ad Diuinum Senatum, latinè, de tota quæstione grauissimè, atque amplissimè retulit; Beatæ vitam exposuit; sanctitatem notauit; præcellèntem fidem confirmauit; miracula exquisitorum perstrinxit: quam ego relationem postmodum elegantissimis typis editam, & solis Cardinalibus communicatam, beneficio Illustrissimi Cardinalis de Giury percurri, peruolui, & quæ indubitatè fidei, & firmitatis essent, singillatim notauimus, accuratè contuli. Hac relatione abundè sacro cœtui satisfactum, visumque collatis, rogatisque sententijs, summo Pontifici, si vellet, vltèrius progredilicere. verùm ampliùs dicendum cefsuit: ad alterum Consistorium publicum, & solemne, ad diem Martis, vi. Nonas Maias dictum, procrastinauit, cui ego quoque, quamquam, præ ingenti mortaliū concursu, ægrè interfui. Ibi solenni salutatione

Pontificis à singulis Cardinalibus, qui frequentissimi, cū maxima aliorū Præfulum omniū ordinū affluentia cōuenerant, incredibili maiestate, rite peracta, Hieronymus Rossius nobilis Romanus, Aduocatus Consistorialis, Orator ea parte populi Romani, orationem Latinam, non modò elegantem, & grauem, sed benè longuam, ex æquo habuit, sermone ad summum Pōtificem conuerso, qua B. Franciscæ exquisitum vitæ genus, morum sanctimonia, & res cum miraculo patrata continebantur. Eaque tandem perorata, Orator suæ Sanctitati genibus obuolurus, nomine Populi Romani, B. Franciscæ consecrationem summis de-  
poscit. Hic Petrus Strossius à secretis domesticis, eius imperio, ad ipsius latus assurgit; tum oratione breuissima illa quidem, verum, ad meum saporem, admodum terla, & neruosa, & graui, postquàm verbo negotij ingentem difficultatem exaggerasset, denique respōdet, gratam, iucundamque suæ Sanctitati postulationem accidisse, ob reitamen ingentissimam molem, quo ea consultius ventiletur, superiū diuina vis exoretur, supremique numinis imprimis occulta sententia, ad ipsius gloriam, Ecclesiæque Catholicæ propagationē, omni ope exploretur; omnes vti Cardinales qui tum adessent, cæteri que Præfules, pijs largitionibus, sacris inedijs, assiduis precationibus sese totos dederent, suam Sanctitatem censere, consciscereque. Itaque, postremò purpuratorum Patrum confessu priuatim publico, & publicè priuato (semipublicum appellat) operi extrema coronis apposita. Ha-



birus fuit, ad XII. KAL. IUNIAS. Fores non modo Cardinalibus, quod solenne, & vsitatum, & ordinariū est, apertæ, qui vndetriginta tum aderant, verū & cæteris Præsulibus permissæ ( vnde semipublico Consistorio indita appellatio ) in quibus, vnus Patriarcha, quinq; & triginta an Archiepiscopi, an Episcopi, præterea plerique Protonotarij Apostolici, eorum enim propriè id negotij interest; postea Rotæ Auditores, Magister sacri Palatij ex Florentissimo Dominicano ordine, tum qui à secretis nonnulli, & fiscalis, quem vocant, Actor, intererant; cæteraq; omni turba sum-mota, foribusque conclusis, tum sua Sanctitas, quod omnes, qui adfuerāt iucundissimo quodam sensu recentis voluptatis commemorabāt, Angelica illa, qua semper solet, maiestate, maximo decoro, & incredibili sensu pietatis, afflatu Pontificio, succinctam, & grauem orationem, ad confessum amplissimum habuit, ab illis Regij psaltis versiculis exorsa, *Mirabilis Deus in sanctis suis, & sanctus in omnibus operibus suis.* Quæ cum in thesi primū, tum in B. Francisca, mira breuitate, tribus capitibus, vitæ sanctitate, fidei excellētia, rerum mirabilium effectiōne ostēdisset, ad vltimum, quo opus extremam maturitatem acciperet, omnium sententias rogauit. Post hæc singuli viua voce, spectata grauitate, Cardinales primum, tum cæteri Antistites, ætatis prærogatiuo ordine, sententias dixerunt, in quibus Spartanus Archiepiscopus Græcus, qui recēs Romam appulerat, vt Summo Pontifici obtemperaret, Græcè dixit, vnâque statuit posse Frânciscam in Sancto-

rum album censerī. Quibus calculis accuratè collatis, conceptisq̃ue, sua Sanctitas denique Pontificale decretum pronunciauit, B. Franciscam in Sanctis imposterum solemnī ritu adnumerandam videri. Hīc fiscalis actor Prosper Farinacius, Protonotarios Apostolicos primū, tum aliquot à secretis obnixè rogauit, vt illius publici Conuentus Cardinalium, Patriarchæ, Archiepiscoporum, Episcoporū, & ceterorum antistitum vnā, plurēque publicas tabulas expedirēt, quem ad finem Protonotarij Apostolici, vt illi alij à secretis, Consultorijs eiusmodi adesse tolent. Auditores quoque Rotæ intersunt, illi præsertim, qui ex officio causam cognouerunt, vt omnibus dubijs, & difficultatibus, si quæ interuenirent, ad respondendum præsto sint. Tandem sua Sanctitas ad extremum est impensissimè adhortata, vt maxima, quā vnquā, sacrarum precum, in ediarum, & piarum donationum frequentatione, diuinum numen precarentur, ne in re omniū grauissima, Ecclesiam suā sanctā errare, neu circumueniri Pontificem sineret. Diem porrò consecrationi dicendum sibi interim reseruauit. Nihilque amplius patres moratus confessum soluit.

Interea operæ ad apparatus temporī maturandum vndique superbo delectu expediuntur. Locus consecrationi dicitur, qui solet, Augustissimum templorū Vaticanum, Octauum orbis, si qua alia septem fuerūt, hoc digna nomine, non poëticè iactara, miraculum, cum omnibus, vel iudice inuidia, decertaturum. Ne verò, vbique hæream, hoc tantum dicam, & pace to-



tius dicam antiquitatis, hoc Pōtificiō opere, quidquid veteribus aut verè de templis, aut fabulosè exaggeratum est, ingenti interuallo superari; idque mea sentētia, vnum artis opus esse, quòd ego in Italia adspexi, lapidariæ artis prodigium, Christianæ magnificentiæ specimen, Italiæ solemne spectaculū, vrbis triumphale trophæum, summorū Pontificū perenne, & æternū, & vltimum cum orbe exarsuro, deflagaturum monumentum: in quo vt excitatus apparatus vno veluti oculo postea cerni possit, hoc semel dicam, id quod hæctenus eius diuinæ molis exstat perfectum exactæ crucis speciem referre: quare Principes quatuor fornices ingentes auro vndique, vsque ad stuporem fulgentes, ad quatuor immanissimè densitatis, & stupendæ magnitudinis pilas, quasi ad centrum terminari, quarum quatuor immensarum molium soliditate, illud verè maximè mirabile omnis memoriæ, omnium seculorum, omnium nationum, omnis artis, omnium ingeniorum manupræitium Tholus, quem Itali coupolam appellant, sustentatur, qui summum altare Apostolorum, ad perpendicularum, tabernaculi instar supernè exornat; mirè ex quatuor crucis spatijs, totaq; præcipua templi capedine infernè aspectatur: ita altare Apostolicum, vbi Pontificium consecrationis sacrum est habitum, quasi crucis Augultissimi templi centrum facit. Præter hæc, eximia corona toto templo regnante, omnes fornices eleganti artis opere veluti subnituntur, quæ æquis, & immensis anfractibus, æqualiter fornicum flexionem singulari venustate



subcingit. Iam vt inde, vbi omnia, sub illa Tholi pulchritudine, transigi mysteria oportebat, turbæ arcerentur, simul vt suæ Sanctitati, & sacro collegio tutastatio esset, spectatoribus ad hæc vt sua sepra discreta, apraque non decissent; ecce quanta solertia, quàm ingenti sumptu Populus Romanus pompæ author, princepsque prouiderat. Primum ad grandius crucis veluti interuallum, quod instar habet areæ maioris, qua in templum extemporaria maiori porta ingressus est, statim cancelli in introitu primores, ex solido ligno, in transuersum excitantur, trium ac centum palmorum longitudine, altitudine septem, quorum in medio vnicum ostium Heluetiorum armatorum custodię, ad primas vulgi tempestates frangendas, destinatum. Inde sex ultra passibus, alij cancelli in directum iniecti, absque ostio, ante sacellum Gregorianum, ne inde in prima repagula vulgus erumperet: Paulò superius, versus altare, item in transuersum ferè centenùm denùm palmorum interstitio, alij obiecti clathri obrenduntur, trium centenũ palmorum longitudine, vbi suus adpositus aditus, ad summouendam confusam multitudinem, ab Heluetijs pariter obseruandus. Ita hoc principe veluti Crucis templi latere bellè duplicatis clathris munito; ad duo brachia, altera, quæ in transuersum extenduntur, bini alij ingentes qua ad sinistram, qua ad dexteram, altaris spatium inter quatuor maiores Tholi pilas emenso, septem pedum altitudine, trium ac centum longitudine, tumultui similiter circumfuso, absque ostio, obuertuntur: ad cru-

cis caput, versus extremam fere partem fornicis superioris, ultra altare, longissimo fere quinquaginta passuum interuallo, eminens illud, & sumptuosum opus duodecim marmorearum columnarum miro artificio intortarum, quæ ex templo Salomonis quondam adsportata fuerunt (quo in transversum crucis illud spatium cingitur) speciem cancellorum, plusquam regio luxu, opulentorum referebat, itaque recens candelabris ad cæterorum formam effectus instauratum fuerat, ut operis pars inscijs putaretur: tum tribus postremo à me commemoratis cancellis ita respondere debet, ut illi quatuor sacris maximè arderent funalibus. Interim ne ea parte peruia sint omnia, maxima interualla, quæ à Tholi superioribus duabus pilis, ad illud augustissimum columnarum opus, per duas minores fornices interijciuntur, suis cancellis, læua, dextraque in directum prohibentur, septenarium pedum altitudine, longitudine quinquagenarium octonarium. Ac meo ouili ita descripto, quæ theatra in meditullio, ad operis precipuam opportunitatem fuerint substructa, verbo me expedito. Supra Principem Apostolorum aram, septum, theatri specie, sensim ab ara versus crucis caput, quatuor humo, qua altissimè palmis assurgens, ad centum, & viginti pedes in longum, ad duo, & quinquaginta in latum protenditur, panno viridi omni ex parte circumueltitum, vnico ostiolo, eoque binis clathris munito, relicto. In extremo huius, an septi, an theatri, è regione altari obuersa, qua humo maximè attollitur, solium trina facie, quatuor magnis gradibus



dibus panno rubro ornatis, à reliquo theatro excitatur, capiendæ pontificiæ sedi adornatum; cui ad dextram sedile purum, ac planum prostabat Cardinali Episcopo Adfidenti excipiendo adpositum. Solio, recenti opere, Populi Romani sumptibus, vt & reliqua omnia, vmbella opulētissima superaddita, ex serico rubro, Beata Francisca passim efficta interiacente, fimbrijs aureis, sericisque circumfluentibus. Ad solij læuam, dextramque, qua in longitudinem Pontificium theatrum deprimitur, gemina vndique subsellia ducuntur; anteriora hinc inde Cardinalibus, posteriora ad dextram Episcopis, ad læuam Protonotarijs Apostolicis, aliisque eius generis Præsulibus appa-  
rata. Dextrâ, statim, vbi Cardinalium series desinebat, alterum depressius aliquanto solium, vbi ad sacram Liturgiâ, & ad ceteram rituum varietatem Pont. Max. sacram vestem mutet, tribus gradibus, panno item rubro vestitum, elatum quinque palmorum altitudine, longitudine quindecim, tredecim latitudine, infra spectatur. Proximè, versus principem aram, eodem ex latere, opportunè paruum altare sumptuosè componitur, nouem palmis longum, sex latum, altum quinque duntaxat, vbi sacra munuscula, de more, celebranti offerenda, apponuntur. Non longè ad latus altaris maximi, huic simile alterum, magno splendore, non absimili magnitudine, compositum magnificè erigitur, capiendis ingentibus vasis aureis, argenteisque, ad aquam summo Pontifici sacris operanti fundendam. Huius è regione, ad læuum magni altaris latus;



huius nõ abfimile alterum sacrationa, ad rem diuinam peragendam vasa complectitur. Maximum altare duodecim argenteis Apostolorum signis spectandæ magnitudinis, totidemq; argenteis ingentibus candelabris inauratis interim exornatur, sic vt auro omnia, argentoque splenderent. Hæc de septo Pontificio, opinor, quantum est satis. Huic ad sinistrum latus, seorsim theatrum pro Cantoribus, decem altitudinis palmos, viginti longitudinis, nouēdecim latitudinis habebat suis aptè cancellis marginatum, vnde sua peristromatum ornamenta pendebant. Huius ex aduerso aliud magnum septum pontificio vno palmo depressius Clerum Romanum, maxima grauitate, & ingenti numero visendum excipiebat. Ad dextram, læuamq; Pontificis, duo alia maximè illustria theatra, per gradus sensim elata, Amphitheatrorum in speciem, præcæteris nobilitati Romanæ ad spectandum prostabāt, læuum viris, dextrum mulieribus cedendum, nisi hac matronæ Romanæ noua gloria, iusta mulierum curiositas, vtrumque tempestiuè obsedisset, virōsque idcirco ad egisset, quam cantorum ouile, quam in Clerichorū, quam in Cardinalium, suæque sanctitatis adyta, vt cuique expeditum erat, certatim adrepere. Hoc situ concepto, facile animus suspicatur, quam singularem venustatem funalia cerea toto templo disposita adferrent, de quibus vniuersè, omnia ex candida cera, omnia maioris, quam vsitatae magnitudinis, omnia candelabris ingentibus opere lignario fabrefactis, foris penitus argentatis imposita, numero vero penè in-

numerabilia fuisse. Primum è Romano Clero, qui separato, vt dixi, loco stabat, quisque ingētem eiusmodi cereum manu gestabat; tum tres maiores illi cancelli trium sacratoris adyti laterum, & quartum duodecim Salomonis columnarum, tum quintum ad Gregorianum sacellum; sua in altum lumina longis ordinibus attollebant: illa, quam memorauimus corona sola, qua intra templum, infinitis amplexibus, omnes fornices portātur, ornāturūe, pilæ verò illæ quatuor Tholi immanes coronātur, quadringentā eius generis funalia, æquis spatijs, vniuerso templi interiore ambitu, præferebat; dein an in summo præcipuarum templi pilarū, bina, an in quatuor maximis, quatuor ingentium aliarum loculamentis, plusquam alia quadringentā micabant: præter hæc, in minoribus omnium minorum altarium, & pilarū capedinibus, atque super omnia columnarum epistylia, quæ incredibili numero tota æde visuntur, alia, numero incerto splendebant: demū qua maximi quatuor templi fornices ad Tholum quatuor illis pilis veluti rotundantur, terminanturq; quatuor accurati operis ingentis lampades, singulæ ex singulis extremis fornicibus, inter binas pilas, ad perpendiculum propendebant, palmarum quadraginta altitudine, & sexaginta per ambitum, triplici veluti decussata facie, triangulari forma, angulis bellicosissimè ad imum in conum confociatis, ad summum in volumen exactè in sese reflexis, areola ad cereorum opportunitatem, ad fastigium sese commode ostentante; omnia eleganti pictura egregiè locupletata;



singillatim ad singulas facies, qua B. Franciscæ expressis imaginibus, qua Pontificis, qua populi Romani insignibus auro, argentóque præclaris. Ex singulis huiusce molis lampadibus duodecim argentatæ lampades appensæ, non oleo, sed candidissima liquata cera semper ardebant; duodecim item candelabra in singulis, ad areolæ margines, duodecim inflammatos cereos, pari cum cæteris pondere, sustinebant; sic ut non totum interius templum vndique deflagrare, sed stellatum cælum, sereno, & terso cælo, consecrationi B. Franciscæ obsecundare, & collucere videretur. Cætera Apostolicæ ædis ornamenta, incredibile dictu, quàm tenerent, caperentque spectantium oculos. Primus Basilicæ aditus, quâ in maximam Vaticani aream, cum primùm marmorei gradus conscensi sunt, prospectus est, tum illius veteris Apostolorum templi aliæ tres portæ, quæ post primam, supra pinum occurrunt; tres item imprimis maiores noui ædificij, vbi pompa spectanda, omnes elegantissimis coronamentis exornatæ oculos capiebant. Rusticani imprimis negotij columnę vario frondium genere conuestite, pictarum cartharum varietate lemniscatæ; fasciæ deinde eodem frondoso opere coronatæ; eucarpi, omnis generis exquisitorum fructuum similitudine, ingeniosissimè effictorum intexti, lemniscis aptè, suis locis, stringentibus, fluentibusque; omnia instar arcuum triumphaliũ, & trophæorum ad veterum ludicram imitationẽ, vniuersum illum extimū ornatum componebant; præter, quòd in summo horum, quæ descripsi, fastigio, ad



singulas portas, B. Franciscæ pictura sex palmorum, tum hinc inde Pontificia, & Romana, & Collegij Canonorum Vaticani expicta insignia prominebant. Intus, in templo, per totum illum vastissimum parietum, & pilarum ambitum, præcipuo ornamento erat perpetua fascia, altè humo octoginta palmis elata, mille trecentorum pedum longitudine. Ea varijs picturæ delicijs, certis interstitijs opus aptè partientibus, præter intermedias penicilli sapienter errantis, quasi fortuitas artis, & Chymericas circumcurationes, præcipuè B. Franciscæ imagines, Pontificia, & Romana insignia cõplectebatur: sus deque, in latitudine, frondoso cinctu, expictis chartis, & aurichalco, lemniscorum loco, ad varietatem circumplicatis ornabatur. Ea ex fascia, ad terram vsque, inusitata pulchritudine admirandi quatuor peristromatum diuersorum ordines vnus ex alio, tota eadem templi interioris amplitudine fixi, egregio spectaculo tendebantur: qui quatuor maximè ex generibus constabant, ex varijs plumariæ artis exquisitis operibus; ex tela aurea, argenteæue; ex panno opere damasceno, Attalicóque elaborato; & ex serico villosa; omnia diuersissimorum colorum. Verùm hac parte miraculo erant quinque tapetes nostrorum Gallorum Regum inestimabilis pretij admiranda donaria, ex solo auro, sericoque contexti. tam raro, stupendoque artis ingenio, adeo viuis, æternisque coloribus, adeò perfectis, loquíque, vt ita dicam, laborantibus lineamentis, elaborati, vt eò nulla penicilli quantumvis Apellei vis accedere possit. Europæ

credo ego operæpretium, & immortale pietatis nostrorum Principum monimentum. vnum Christi extremum cum Apostolis diuino epulo cenantis supra valuas, intra templum, vndique spectandum appenderant; reliquos quatuor Christi nascentis, resurgentis, ascendentis, diuinum pneuma in Apostolos immitentis, opportunis quattuor locis exposuerant, scilicet quatuor ingentibus pilis, quibus Tholi rotunditas sustentatur, quo ferè ambitu, Põtificium adytum, vbi omnia consecrationis mysteria peracta sunt; claudebatur. Cæterum quatuor illæ pilæ quatuor maximis loculamentis ornantur in fronte, tum superius, versus arcus Tholi, quatuor alia minora maioribus quatuor respondent. Inferioribus maximis vastæ magnitudinis, quatuor B. Franciscæ tabulæ, tricenorum fenûm pedum altitudine, locatæ erant, quibus aliæ quatuor paris magnitudinis, inter pilas, sub fornicum arcubus, ad quatuor interiores, quos supra dixi, cancellos defixæ respondebant. In superioribus arcuum minoribus oculis, duobus quidem sanctorum Apostolorum Petri, & Pauli, reliquis Angeli B. Franciscæ tutelaris tabulæ viginti Palmorum altitudine sitæ erant, ne quid omninò vacuum ab ornamento, toto illo cõplexu, relinqueretur. Ac mea sententia, elegantiam cæteris, quæ commemorauimus, non vulgarem afferbant quinque vexilla opportunè, comodo prospectu, suspensa, quæ in speciem labari quadrata, super serico rubri admodum coloris, depictam B. Franciscæ effigiem, eiusque tutelaris Angeli, cum Pontificijs, &



Capitolinis insignibus referebant. Vnum paulò cæteris maius octodecim pedum altitudine, duodecim latitudine, commodè ex Tholo, ad perpendicularum supra Apostolorum altare demissum volitabat: cætera quatuor, quatuor pedibus depressiora, strictiora tribus, præcis, crucis forma, disposita, ad quatuor principes arcus, quatuor Tholi pilis interiectis, vbi quatuor principes totius templi testudines, versus aram Apostolicam, terminantur, æquis spatijs pendulo, ac libero pondere cadebant. At pretium huius exterioris apparatus, meo calculo, meoque iudicio, super omnia huc vsque, recenti opere adornata, ornamento Apostolici altaris externo debetur; nihildū enim de Regia magnificentia sacræ vestis, quæ diuinis inferuit, attingo. Ingenti primū vmbella vniuersam aram quatuor, & triginta pedū in quadrum opportunè tæxerunt. Materia serica rubra dibapha exquisiti operis, pendentibus ureis, ac sericis mixtim fimbrijs; pictura multo auro ornata, frequenter Beatæ, æquis interuallis, imagines referebat insignibus Pontificijs, & populi Romani implexis, insertisque: corona desuper lignea ornando operi vndique auro effusè aurata prominebat; quatuor itidem veluti columellæ suffulciendæ vmbellæ erectæ, totæ in magnam altitudinem auro circumtectæ surgebant; singulariter quatuor candidi Angeli, ad colosseam formam, octodecim pedum altitudine elati, vim incredibile auri exhausserant; nam super vagæ fluxæque veste mero albo imbuta, cæterū ita appositè Attalici cuiusque panni varietatem, puro



auro, omni ex parte, ingenti profusione, superiecto, expresserant, vt magnam opulentiam ostentaret. Commodum omnino eo loci occurrerant, ea forma, eoq; ornatu angeli, cum omnia in isto negotio tutelaribus Angelis, picturæ omnes, vexilla, ornamenta præcipua, parietes templi, portæ omnes, porticus, vestis sacra vndique abundarent. Porro quisque horum quatuor ingentium Angelorum aliud labarum volaticum, militari forma, sericum, rubro dibapho splendidum, cum B. Franciscæ, & tutelaribus ipsius Angeli expressa figura, insignibus Pontificijs, & vrbani de more adiunctis, magnifica specie, circumferebant.

I A M Age, aliquando ad intima illa, quibus diuinum cœptum auspiciatò perfectum est, nos inferamus. Populus Romanus, cui incumbere sumptus conferre, commodum accurauerat, vt omni Regio apparatu, sacra ornamenta imprimis, destinato artificio, & proprijs operis tempori compararentur. Regium spectatu erat, & supra quod verbis exprimere possum, ad spectabile: vestis sacra omnis, tum ad consecrationis diuinas cæremonias, tum ad Augustissimū Missæ sacrificium à Pontifice celebrandum necessaria, vnius materiæ, vnius operis, vnius artis, vnius ingenij, vnius opulentiæ erat, spectabili conformitate. Chlamys, & casula Pontificia, cum chlamide Adstantis Cardinalis, & tunicis duorum Cardinalium subdiaconi, diaconique, Pontifici adstantium; diaconi item, & subdiaconi tunicis, quorum partes Epistolam, atque Euangelium Græcè decantare, vt in sacris Pontificalibus assuevit;

Pari

pari omnia magnificentia, & pari venustate nitebant. Vniuersum opus Attalicum ingeniosissimè elaboratum, auro vel subsidente, vel omnia figurante, vel opus delicatissimo artis inuento crispante, sumptuosissimè intertextum: figuræ, ne quis adscititiū opus putaret, B. Franciscæ, & asseclæ Angeli effigies, summi Pontificis, & Romani populi insignia, præter infinita eius artis, opportunis parergis, florum, & fructuum, & valorum, & rerū eiusmodi oblectamenta; opera præritium Pontificio thesauro, vbi postmodum reponi omnia eius generis, ad facti perennandam memoriam, solent, dignissimum. verum oculi iam illa sua illecebra nimis curiosa tandiū spectando dolent, animum suis quoque interioribus spectaculis, ipso consecrationis ritu propius, interiusque spectato pascamus. Ergo omnibus ad hunc modum tempori, ad externum decus, adornatis, ipso Iouis die, proximè Pentecostes solemne festum consequente, ad quartū calendas Iunias, qui coronatæ quoque vestræ Sanctitati anniuersarius prosperè illuxerat, à solemnissima omnium, quæ esse Romæ potest, supplicatione negotium auspiciatissimè inchoatur. Summo mane, hora, Gallico horologio, præcisè quinta; Italico, circiter nona, sacrum Collegium Cardinalium, Patriarchæ, Archiepiscopi, atq; Episcopi, in Palatium Vaticanum, ad Sixti sacellum cōueniunt: post paulum, vestra Sanctitas tum ad cætera, tum ad omnia id genus, ad expergiscendum, omnium vigilantissima, per abditiores, & occultiores scalas, cōdem priuatim gliscit; inibi veste in id apparata vesti-



*Æne Ma-  
ria Stella.*

tur; tum illustrissimorum Cardinalium circumstan-  
te corona, modulatè in parthenium hymnum, vt  
mos est, prima, vniuersæ supplicationi præcinendo,  
erumpit: interimque dum primus versiculus decan-  
tatur, sua Sanctitas genuflexa duos ingentes, & bellè  
ornatos cereos dari mandat; vnum Francisco Conta-  
rino nobilissime Reipublicæ Venetæ, alterû Carolo  
Costæ serenissimi Ducis Sabaudia Oratoribus. Nam  
Henricus à Neufuille Dominus d'Alincourt, modò  
Lugdunensium gubernator, superioribus verò annis,  
Henrici i v. Regis Christianissimi, atque, ex omni Re-  
gum nostrorum memoria bellicosissimi, gloriosis-  
simi, clementissimi Orator, tûc antè mensem dumta-  
xat, ad fruendos sibi à Rege delatos honores amplissi-  
mos, Galliam repetierat: vir perpetuo vniuersæ vrbi sui  
desiderio, æternâque relictâ memoria, tum omnibus  
Italîs, tum vniuersæ nationi Gallicæ eius absentiam  
impatientissimè ferenti desideratissimus, felicissima  
verò, & celeberrima, & omni parte magnifica (pace  
Venera præfertim, alijsque egregijs facinoribus) si  
qua vlla esse potest, legatione gloriosus, ingentibus  
porro obsequijs, Christianissimo Regi, toto eo  
tempore, & toti genti nostræ exhibitis, fastis egregio-  
rum Regum nostrorum Equitum, cum grata posteri-  
tatis admiratione adscribendus: quem audeo dicere,  
ex his, quæ ego de illo Romæ vidi, illum vnum ad  
summæ huius celebritatis cumulum defuisse: præter-  
quàm enim Regem nostrum, omnium terræ habita-  
bilis Regum maximum, Ecclesiæ certè Catholicæ vni-



cum, certissimumque, omnibus seculis, à Regno condito, propugnaculum representabat, quo ad illum primi cerei, primique, sine controuersia, Regios inter Oratores loci ius pertinebat: aliunde Orator ipse, tanta dexteritate, tantaque maiestate, huiusmodi in rebus, Romæ antecellebat omnibus, ut nullo negotio ex Oratoris grauitate, atque præstantia, quantum ille Regem referret, vel ex ipsa quotidiana ratione agendi, dignosceretur. Ex quo exiguo patriæ gloriæ diuerticulo, supplicatione iam, primo exacto versiculo, procedentem, pie, ut par est, admirabundi prosequamur: statim enim sua Sanctitate, cereo minori sibi reseruato, Põtificie sellæ, de more, ob intolerabiles turbas, tumq; ad Maiestatem, imposita, vniuersa corona Cardinaliũ, Præsulumque portam Heluetiorum versus, mouere ceperunt, toto interea Romano clero, vniuersisque Religiosis ordinibus, qui in inferiore Palatii area, innumerabili penè multitudine, operiebantur, circum maximam aream, quæ ante Vaticanum latè protenditur, præire iussis, donec certo interuallo ad veterem Apostolorum eodem appulsis cõdictum est, ut sisteret omnes suo vestigio, geminisque hinc inde ordinibus expeditam sacræ pompæ in medio viam aperirent, ne Clericorum, & Religiosorum ingenti illo numero templum vel compleretur, vel turbaretur. Igitur per medium clerũ, mediosque Ordines Religiosos pontificalis comitatus, hac præcisè seriè incedebat, in quo, nullus omnino, nec Cardinalium, nec Præsulum, nec Pontificiorum, nec aliorum penitus, absque candido ce-

reó visebatur.

Cubicularij extra muros rubro induti.

Tubicines.

Regularium ordinum Procuratores.

Consistoriales Aduocati, & qui à secretis, violaceo ornati.

Cubicularij honorarij, & interiores, item rubro colore vestiti, & cucullati.

Populi Romani Prior, cum magno vexillo B. Franciscæ effigiem referente: ipse, senatorio habitu, veste aurea insignis, vtrinque Cancellarijs Capitolinis comitatus, qui veteri veluti tunica, & toga, partim ex villosa serico violaceo, partim, ex panno aureo vestiebatur.

Suæ Sanctitatis Capellani rubrum induti qui Pontificios Tyaras, præ manibus, opulento spectaculo, præferebant.

Cantores Pontificij violacei qui superiorem hymnum insigni harmonia prosequiebantur.

Alij à secretis, Breuiatores, quos vocant, & Accolyti, item rubri omnes.

Auditores Rotæ pullati, & magister sacri Palatii ordinis Prædicatorum.

Subdiaconi Apostolici, cum altero Accolyto, qui Thuribulum gestabat.

Septem Accolyti, qui septem eximij ponderis candela argentea, ardentibus cereis, circumferebant.

Subdiaconus Tunicatus Epistolam decantaturus crucem ferebat, duobus ministris, vestitu rubro, eius latera cingentibus.



Pœnitentiarij Apostolici Casulati è Societate Iesu.

Abbates cum Chlamydibus infulati.

Archiepiscopi, atque Episcopi, eodem ornatu.

Cardinales Diaconi, cum Tunicis, infulati.

Cardinales Præsbyteri, cum casulis, infulati.

Cardinales Episcopi cum Chlamydibus, infulati, omnibus porrò quos commemoravi cerei maioris, quàm iusti ponderis ex cera candida in manus dati.

Proximè ecce iam, qui pontificiam sellam circumstabant, stipabantur. Post Cardinales continuò Apparitores Clauigeri Pontificij, qui clauas argenteas humeris sustentabāt; deinde Conseruatores Capitolini pompæ authores, tum serenissimi suæ Sanctitatis germani fratres; post vrbis gubernator Benedictus Ala succedebant.

Proximi omnium, Duo Cardinales Diaconi Tunicali, & Infulati, qui suæ Sanctitati semper adsistunt, atque horum intermedius tertius Cardinalis Diaconus eodem vestitu Euangelium decantaturus.

Duo Oratores, quos principio memorauimus, Veneret, & Sabaudus, qui coràm sua Sanctitate, geminos solemnes cereos ostentabant.

Super omnia, sua Sanctitas sublimis in sella gestata, sub vmbella, quam aliorū Principum Oratores vicissim fulciebant, duobus flagellis ingētibus, ad obuias barbararum, & cæli arcendas iniurias, hinc inde elatis, ipsa, vt in re maximi omnium momenti, profundissimis precibus defixa, inter omnes, tranquillissimo, at-



que intentissimo adspectu, apparebat.

Porro Pontificem sequebantur duo Cubicularij ex intimis, & honoratissimis.

Protonotarij Apostolici suam Sanctitatē proximè circumstantes, Prælatorum ornatu, tunicula linea, habituque reliquo violaceo.

In medio Franciscus Penia Decanus Rotæ, ad quem idcirco spectat, Tyaram Pontificis, quoties illi adimitur, tenere.

Post hos sequebantur Præpositi Generales ordinū.

Præter hæc, dextra, leuâque, Heluetiorum cohortes armatæ suam Sanctitatem, & Cardinales stipabant, & circum plerique alij milites nobilioris notæ, satrapæ, ac satellites magno numero.

Ingens verò illa area è prospectu Vaticanani exterior, quâ supplicationi sacra via erat, tota leuioris armaturæ equitibus armatis vndique obsessa horrebat, vibrabatque.

Appulsa Majestas Pontificia ad Apostolicam ædem diuino triumpho paratam, ipso in aditu ab Collegio Canonicorum eius loci, suauissimo concentu musico cōfestim excipitur. Interea, præ inaudita populi perturbatione, ita vbiq̃ue templum fluctuabat, ita sese turbarum tempestates attollebant, vt inter spississimas cohortes armatas omnia concursantes, obsidentes, pulsantes, miscentes, vix aliquid ipsis Cardinalibus tutum esset. Ego me ad illustrissimum Cardinalem de Giury, ita applicui, vt cū ad interius septū ventum esset, tota eius familia momento, fluctuanti-

busturbis, procul deportata, dilapsaque, Illustrissimus Dominus me altero brachio apprehensum, Heluetijs, altero me raptantibus, auulsum in Pōtificium adytum inuexerit, an quia me nullo meo merito tenerè amabat, an quia mei consilij conscius volebat, vt quæ ego ipse oculis spectassem, fideliter, non quæ ab alijs inaudissem, fortuito scriberē: maxima verò illi ab ferreis illis pectoribus, inter omnes Cardinales, quod ab omnibus animaduersum est, exhibita reuerentia est, tum semper aliàs, tum in isto tumultu, vel præ illa veneranda canitie, vel præ opinione summæ Sanctitatis, quæ Romæ apud omnes venerationi est, vel præ ipsa humanitate, & comitate quadam mirabili tractandi cum omnibus, quæ ex ipsius oculis, ex toto alloquio, ex vniuersa totius vultus conformatione in illo suauiter erumpit, saxeæque etiam pectora emollit. Tandem vt ad interius adytum peruentum est, primùm sua Sanctitas, genu humi inflexo, ad Apostolorum aram piè admodum preces fundit: dein folio parato assidens, de more, à Cardinalibus, atque ab Episcopis summissimè salatur. Tum Conseruatores Capitolini, Mutius Marthæi, Horatius Farinacius; Robertus Caposuccus ab Paulo Alaleone ceremoniarum Magistro accersuntur: illi coram sua Sanctitate ad infimum folij gradum genuflexo, per Hieronymum Rossium suum Oratorem, consecrationem optatam exposcunt, qui procumbens item in genua, his conceptis verbis suam est Sanctitatem affatus. *Beatissime Pater, Cōseruatores camerae almae urbis hīc praesentes, nomine totius Populi Romani,*



INSTANTER petunt, per Sanctitatem vestram pronunciaripiæ memoriæ Franciscam Romanam fundatricem congregationis oblatarum Turris speculorum, Catalogo Sanctoꝝ D. N. Iesu Christi adscribendam, & tanquam Sanctam venerandam ab omnibus Christi fidelibus.

Ad hanc obsecrationem Petrus Strossius, nomine suæ Sanctitatis, respondet eam, cum tantæ molis, tantique momenti id negotium esset, hæctenus omni illud exquisitissima adhibita diligentia, ponderasse, quare cum omnia necessaria ritè probata, digesta, confirmataque comperisset, in augustissimum illū locum conuenisse, vt omnium maximo negotio extremam manum imponeret; videri tamen nihilominus, vt simul omnes secum sese de integro in preces darent, vt tantum opus ad Dei Domini nostri gloriam inchoatum, ipsius diuina misericordia, promoueretur. His breuiter peroratis, sua S. folio egressa præparatum in medio septo oratorium petijt, vbi infulata, & genuflexa tam diu fuit, dum Cantores duo Litanias Sanctoꝝ decantassent: postea, folio repetito, iterumque Conseruatoribus, vt supra, accitis, & formula eadem postulationis à Rossio iterata, tantū INSTANTIUS additum: Strossius iterum monet diuinum pneuma, ad felicem operis exitum sedulò implorandum suæ Sanctitati visum, quæ extempore ipsa Oratorium petit infulata, quousque illustrissimus Cardinalis Diaconus Franciscus Sfortia, qui dextra, pro munere, adstitebat, cōuersus ad populū clarè in hâc vocē erupit, ORATE. tum enim oppidò suæ Sanctitati Tyara sublatu, cæteri pariter



pariter Cardinales, omnesque Præsules tyaram eius exemplo abiecerunt; eoque statu omnes in interiori oratione perstiterunt, quoad Illust. Cardinalis alter ad læuam Diaconus Alexander Mortaltus clara voce pronunciauit, *leuate*. Quo omnes subito sese erexerunt cum sua Sanctitate, cui statim adstantes antistites sacrum codicem obtulerunt, vnde illa, sacro hymno, ritè inchoato, cæteris præcinendo, initium fecit; simul iterum in genua sese demisit, donec, primo versiculo decantato, iterum infulata solium petijt, cū cæteri omnes interim recti confisterent, vsquedum, finito cantico, Catores conceptum versiculum succinerent, suaque Sanctitas orationem ritualement, & consuetam de diuino Spiritu, voce ad cantum suauiter inflexa, recitasset. Tum siquidem tertium acciti Conseruatores, tertium postularunt, iisdem præcisè verbis, præterquā hīc INSTANTISSIME, adiunxerunt, tertium quoque Strossius excepit, iam suæ Sanctitati abūdè persuasum ita diuinæ bonitati placere, quare etiam sibi cōstitutū esse, ac certum, B. Franciscam inter Sanctos habere, haberique velle, quæ, non modo toto vitæ genere clarissima, sed ingentibus miraculis patratis illustrissima fuisset. Igitur extemplo, qui suæ Sanctitati adstabant sacrum volumen illi exhibuerunt, ex quo infulata, asfidentque in solio, ex concepta formula, mira maiestate, & incredibili verborum pondere, consecrationis sententiam denique pronunciauit; B. Franciscam Sanctorum albo censuit; deinceps, vt pro Sancta cole-retur ab omnibus, seuerè decreuit, eius anniuersarium

Veni crea-  
tor Spi-  
ritus.

diem festum, ad septimum Idus Martias, celebrari iussit; officium de muliere sancta nec martyre, nec virgine fieri instituit; eius nomine templa, atque aras excitari permisit, ubi eius patrocinio exorato, sacrificia soli præpotenti Deo impofterum offerantur. Prolata sententia, magistratus Capitolini gratias immortales suæ Sanctitati, quantum in ipsis fuit, nomine populi Romani, suoque, pro accepto tanto beneficio, egerunt: Insuper, ut canonizationis, quam vocant, diploma decerneret, suppliciter depoposcerunt; quibus sua Sanctitas fecit satis, subintulitque, *Decernimus*, saluari Crucis signo; inter hæc, ritè edito. Postea populi Romani Orator, ad Protonotarios Apostolicos verso sermone, ab illis obnixè postulavit, ut, quæ ipsorum partes essent, actum solemne, & authenticum de re tota exhiberent, tum, ubi opus esset, de toto negotio fidè facerent, & ratum haberent: quare vnus, è sacro Protonotariorum Apostolicorum Collegio, oppidò, alta voce, subrogavit, obsecrationique Populi Romani ritè annuit. Itaque vltimùm expedito negotio, Conservatores propius ad solium applicantes suæ Sanctitati summissè, pieque pedes exosculantur. Hic nulla oratione satis exprimipotest, quàm festo applausu, quasi ad conditum, credo ego signo aliquo dato, tota Roma vndique misceri, & quasi ex fundo commoueri, cieri que cœperit: omnia ædis Vaticanæ æra campana certatim insonare, omnes Cantorum turbæ omnia diuino concentu complere; omnes Pontificij tubicines, omnia Heluetiorum tympana, & crotala, per



templum interius, per ipsa atria, atque areas, circumsonare, palatium Apostolicum, area magna anterior, arx sancti Angeli, plulquam quingentis inde passibus distita, arx Capitolina, variæque aliæ vrbis regiones sclopiis, bôbardisque innumerabilibus cōplodi, tonare fulgurare, vno eodemque penè momēto cōiurarunt. Interea sua Sanctitas erecta, tyara deposito, triumphalem Ecclesiæ Catholicæ hymnum aggressa, choro anteibat, quo finito, Cardinalis Diaconus dexter Sfortia versiculum cecinit, *Ora pro nobis Beata Franciscæ*, quem choro Cantorum excipiente, sua Sanctitas, clariori aliquanto tono, Sanctæ ritualē orationem tunc primum recitavit. Quibus omnibus ad hunc modum prospere, sancteque exactis, Illustriss. Cardin. Andreas Perretus Diaconus decantando euangelio paratus, confessionem generalem, quæ ante Missæ sacrum solet, exorsus, auspiciatò S. Franciscam secundum Apostolos, compellavit: qua, post solitam absolutionem, iteratam sua Sanctitas sanctam vicissim inseruit, demumque, rebus ex animi sententia, cū diuina ope, transactis, inde pressius solum migravit, vbi ad rem diuinam faciendam, sacrā vestē mutaret, choro interea horarias preces alternis modulatè canente, quibus tempori expeditis, Augustissimum sacrificium, tam admirabili maiestate, adeò diuinis, & grauibus ceremonijs, tanta significatione summæ Sanctitatis, tam inusitata spectatium admiratione, tam suavi interioris animi gustu, adeò celebri cantorum, ministrorum, & totius exterioris ornatus apparatu iniuit, vt nulla cogitatio ad æstus

*Te Deum  
laudamus.*



mandum, nulla oratio ad referendum, nō dico à quouis oratore, sed ne ab Angelico vllō spiritu quidem par afferri possit: quo mihi elingui presertim, ac propè infanti magis censui superfedendum: maximè verò cūm tanta res, tātaque magnificentia, iustum, & separatum opus feriat, & otiosi, & bene diserti oratoris exigit; nec verò peculiare id fuerit, aut proprium huius pompæ opus, verūm vulgare, & cōmune summorum Pontificum pensum, præcipuis aliquot anni diebus, qui sanctiori quadam celebritate coli consueverunt Reliquum igitur, opinor, vnum est, ne tamen reliqui diei, sequentisquæ festas populi Romani, familiæque Pontificiæ gratulationes importuno silentio prætereamus. Descripsimus alio loco commodiùs S. Franciscæ tumulum, ad Sanctæ Mariæ nouę positum. Ea ædes est in extremo illo vastissimo cāpo, quem cāpum vaccinum vulgus appellat, proximè viam sacram veteribus dictā, ad arcum Tiri Vespasiani: campi vaccini, ex vsu nomen inuectum; nam opportunitas loci eò boues, bubalos, pecora, & alia id genus animalia esculēta ad macellariorum commoditatem comportari suassit. Hinc nonnulli forum Boarium priscis celebratum, errore nominum existimarunt: ego Romanum forum potius arbitror; Boarium verò multo depressius versus ædem S. Georgij in velabro; cūm luculentissima adhuc exstent in isto campo vaccino rudera nobilissimorum veteris Romæ, imò celeberrimorum ædificiorum: Palatij imprimis, atque rostrorum ad hortos Farnesianos, vbi frequentissima causæ

à summis oratoribus perorabantur; ædis concordiaë, quo passim Senatus conuocabatur. Capitolijs, vbi Reipublicæ tota frequentia, consules, & reliqui magistratus frequentes aderant; publici ærarij ad templum S. Adriani Martyris; Arcus marmorei omnium, qui videri possunt, illustrissimi Septimij Seueri; porticus Iustini, ac Iustinæ Imp. porticum Cæsarianarum; Templi pacis omnium, quæ Romæ exstabant, amplissimi, & sumptuosissimi; variorum præterea delubrorum Castoris, & Pollucis; Rhemi, & Romuli, ad quæ vulgo etiã Senatus confluebat; quorum alterum hodie ædi SS. Cosmæ, & Damiani, alterum S. Mariæ nouæ tribuitur; quid autem magis in promptu, quàm forum Romanum cognominatum, cui arx vrbis Capitolium, sedes ordinaria Senatus, forum iudiciorum, ærarium maximum (hoc est tota Roma) per ambitum imminebat? cui porrò credibile videatur in foro omnium Romæ frequentissimo mugitibus bo-um, & balatibus pecorum relictum vllum locum fuisse? quæ ego eo strictim inieci, quòd ægrè ferrem, illam parum rationi consentaneam sententiam passim Romæ in doctiorum ore versari: nec nihil etiam in re nostram interim effecimus: nam Sancta Maria noua, cum recta ex aduerso Capitolijs, in hoc extremo ingentis spatij foro Romano sit collocata, Religiosi, qui ibi institutum S. Benedicti montis Oliueti sanctissime obseruant, nec suæ probatissimæ pietati, nec suo virili muneri defuerunt. Totum immensum illum campum ad infinitam populi frequentiam compo-

fuerant: maxima ex parte omni genere florum, lilijs, rosis, violis, hyacinthis, alijsque strauerant; Ædis prospectum anteriorem, cum atrio, exquisitissimi operis peristromatibus conuestierant; interius omne templum pannis sericis variorum colorum, atque operû, pulchra sanè specie, exornauerant: sacrum imprimis Sanctæ tumulum, eleganti tabernaculo exactissimè inaurato, subtexerant, extulerantque, vbi varijs locellis varia lumina, magno numero, ex vasis argenteis interlucebât; Pleraque verò vasa, eadem arte cum tabernaculo inaurata, multiplicis varietatis coronamenta, & ferta obiectabant: in summo operis fastigio Sanctæ effigies, cum Tutelaris Angeli, vt semper solet, decorè admodum prominebat. Eò, postridie maximè Sanctæ Franciscæ consecrata, tum omnium, quæ esse vulgò potest numerosissima supplicatione, nomine populi Romani indicta, tum priuatis omnium ciuium studijs, tanta omnium ordinum visa frequentia, vt omnem scribendi facultatem, omnemque reuera fidem longè transcendat. Ipso celebritatis die, quid ego dicam totam Romam ita omnibus gaudijs exilijse, itaque omnibus triumphis se extulisse, vt non ciuem suam vnâ cælestibus adscripsisse, sed ipsa tota in supremum cælum elata videretur? Vaticanû super omnia, proximè sequenti nocte, & altera diei cōsequenti, tum Capitolium, postea Cardinalium omnium, & Romanæ nobilitatis, & triû Rotæ in hac causa iudicum, tota Palatia, tum priuatæ vrbis ædes, certis luminibus, quæ ex trāsuerfis laternis omnium colorum, & lucem,



& omne colorum genus emittunt, infinito numero certè in palatijs, ad omnes porticus, ad omnes fenestras, ad omnia mæniana, ad omnes prope inanitates, inusitata quadam specie, visebantur: festi ignes, ac focci, per omnia compita, per omnes vicos, ad fora omnia innumerabiles excitabantur: Neronianum incendium sanctiori spectaculo innouatum, Romamque ex imo vniuersam conflagrare diceret. Præcipue partes suæ Sanctitatis, sine exceptione, ad Vaticanum, & ad molem Hadriani, quam arcem S. Angeli vulgus vocat, haud dubiè fuerunt: nam, ineunte crepusculo noctis, per multas horas, continuè bombardæ omnis magnitudinis, ex areis, ex omnibus propugnaculis extimis, intimisque, & ex arcibus incredibili fragore, terroreque displodi cœperunt: simul, omnibus ingenijs coniuratis Italorum, quæ ea parte regnant, varia exhibita spectacula ignium fusilium, volubilium, liquabilium, maximoque artis miraculo rotatiliū, globosorumque varios horrores, stuporesque præstabant; quoad omnē ingenij excellentis ad illa iocularia puluerea vim victam in Girandola, quam barbarè dicūt, ipsi vidimus, atque obstupuimus. Ea ex solis fusilibus flammis simul, inexplicabili numero, arte quadam, per inane vibratis constat, quæ ita sese quasi in ingentem fornicem, nescio quo ingenio, circumfundunt, ut cælum ardere vndique ementiatur. Tantundem, pro captu, Capitolium, lectissima nobilitate Romana maximè de gloria decertante, prostridè imprimis exhibuit. Fas sit dicere, ita illis noctibus, Romam vibrasse, irradiasseque, ut

elusa nocturna caligine, sese ultro celantibus astris, sola sua luce diesceret. Nunc quid cogitant? ubi sunt nostrates momi inuisæ nitedulæ generi humano, non modo Christiano, qui aliena facta carpere, quàm sua emendare plus pensi habet? qui sanctæ, diuinæ, triumphantisque Catholicæ Ecclesiæ egregia, & diuina facta arroderet, quàm suæ caulæ vage, intermortuæ, inclinantis, ac perendie sua lubricitate defluxuræ ingentes errores circumspicere, & interpolare, hostili plusquam ingenio, malunt? Huc veniant aliquando citati, mihiq̃ue aurem semel patienter accommodent. Primum qui adhuc inter illos virtutem moralem saltem, sin minus Christianâ aliquo pretio habent, quos aliquot esse non dubito, deponant tandem, me auctore, anticipatam illam infensi, atque inimici animi acerbicatem, tum pacato, serenóque animo, tranquillè apud se, sedatèque recogitent, Ecclesia Catholica (quam magis quòd ita solent, quàm quod ita sentiunt, auersantur) quo loco, qua æstimatione, qua gloria, virtutis excellentiam Christianæ reponat: euoluât omnia volumina Philosophorû, etiã qui in virtute beatitudinem sitam insulse voluerunt, scrutentur omnes titus omnium orbis habitabilis nationum, omniũ gentium, omnium seculorum, diuinam vetustiorempaginam percurrant; nusquam gentium, nusquam seculorum, eo loco, eo pretio, eoque culmine maxime gloriæ germanam virtutem habitam, pro certo compariant, quo ab Catholica Ecclesia diuinitus afflata, inde à Christo nato, semper habitam, vel ipsis fremen-

tibus,



tibus, demonstrare, & conuincere clarius luce possumus: in qua tamen Ecclesia vitiorum sola portenta magni fieri, & nisi iam illos vehementer pudet, adorati iniquissimè, atque impudentissimè mentiuntur. Philosophi, verbo tenus, ad inanem ostentationem, virtutum, vt & isti scioli, nomen colebant, re ipsa calcabant, & ludificabantur, quod candidè Cicero illis obiecit: nec apud illos nisi inania virtutum crepitacula audiebantur. Romani, ceterique, vilissima idolorum seruitia, nō virtuti, sed flagitijs omniū tota natura execratissimis diuinos honores deferebāt; Veneri, Iunoni, & Floræ Romanæ vilissimis scortis, Baccho ebriosorū maximo, Ioui infinita lasciuia infami; quid Ganimedi? quò vltèrius barbara infamia exundare potuit? iam Diocletiano naturæ prodigio, eiusq; alteri Ganymedi Antinoo, Neroni verò omnium turpitudinū gurgiti profundissimo, vsque ad naturæ æternum dedecus inquinatissimo, alijsque scelerum omnium immensis voraginibus, an adulandi causa vltro adducti, an obsequendi necessitate Tyrannicè coacti, Apotheosin decreuerunt. Vetus ante Christum Ecclesia, summis illa quidem, anniuersarijsque honoribus, sanctos illos priscæ virtutis exornauit Machabæos, Iudith, Hester, Patriarchas, & Mosē imprimis, quos tam effuso cultu prosequabantur, vt Rabbinorum, & nostratium Doctiorum sententia, corpus Mosi illis distrahendum fuerit, & auellendum, ne populus efferatus, & ad Idololatriam passim procliuis pro Deo haberet. Nec inficior tamen veteres illos in illis Sanctis venerandis maiorem quandam moderationem adhibuisse, & meritò, quòd necdum Beatitudine fruerētur, atque



adhuc in limbo subterraneo, etsi certa spe futuræ beatitudinis, obsolesceret. Ad legem Evangelicam germana illa, & sincera, & perfecta gloria spectabat, multoque ante diuinus Psalter ea de causa gratulabundus decantarat. *Nimis honorati sunt amici tui Deus, nimis confortatus est principatus eorum.* Catholica Ecclesia nullos omnino Deos, nullasque Deas, præter vnum adorandum numen agnoscit; quique secus sentiant omnes iuxta, ac sacrilegos Idololatrias detestatur; omnibus flammis expiandos iudicat, omnibus diris, prout naturæ humanæ quædam inuisa prodigia, execratur. ac si isti omniū importunissimi quadruplatores aliter aut suspicantur, aut dicunt, cælo, & terræ, superis, hominibusque immanissimè mentiuntur; ipsoque vetustissimo calumniatore diabolo magis inuerecundi, calumniando, effrenatique censendi sunt. Hæc recogitent, quos dixi, istius nationis magis cicures, hæc serio seorsum ab ira, à pertinacia, atque ab errore perpendât. Qui verò præcipites alieno sensu magis, quàm suo, solo vicinorum exemplo, rebus non dicam dijudicatis, sed ne ad primores aures quidem admissis, gratis deuoluuntur in Tartarum, hîc, quælo, sistant gradum, illiusque Satyrici memores, *nec te quasi fueris extra*, intra se sese aliquando colligant, tum vanissimis mendacijs, atque calumnijs, quibus sese imbui siuerunt, ad tempus valere iussis, semelque propinquorum amicitia, vti Evangelio clarè tenentur, ob Christum abdicata, firmato vestigio, Catholicâ Religionem in otio ipsi circumspiciant; curiosius quid agat, quid præscribat, quid laudet, quid colat, quò tendat, quid spectet, quid molliatur, quos mores probet, quos auerfetur, non aliena

calumnia, sed proprio iudicio, in rem præsentem, attentè considerent: sua vicissim nostris conferant, suas caulas, cum templis nostris, suos Ministros, cum nostris Põtificibus, Præsulibusq; omni maiestate illustrissimis; sua conuenticula circumforanea, cum Synodorũ nostrarum, purpuratque collegij amplitudine; suam voluntariam ex vrbibus, arisque nostris secessionem; cum perpetua, inde ab Apostolis, principum orbis ciuitatum nostra possessione; sua superis, hominibusque (non sacra modò, sed ciuilia) inuisa dogmata, cum nostris omni rationi, diuinæque scripturæ consentaneis; suorum angulorum angustias, cum Catholicæ nostræ immensitatis infinitate; suam recentissimam nudius tertius paucorum coniuratione inuectam nouitatem, cum perenni nostra antiquitate comparent: hæc contraponant, hæc recogitent, consideratè, quietè, sollicitè: audeo iuratus affirmare, vnã deinceps hybernã noctem nunquã in illa erraticarũ opinionum inconsiderata, temeraria, ac deuia leuitate pernoctabunt. Qui porrò humanarum rerũ questum, ac lucrum, illiusque mundanę gustum prosperitatis, heu miseri! proiecti! desperati! omni Religioni, suæ conscientiæ, Deoq;, proh nefas! & superis omnibus anteponunt, Idolorum mancipia Apostolo habiti, amurca mortalium, noui Titanes isto aëre, ista terra, ista clara luce, ista communi hominum societate, æloque imprimis in perpetuum indignissimi, resipiscant, me authore, maturè pedem referant, funem reducant, vela vertant: emergant, emergant subitò ex illa immensa voragine, qua conclamati in baratrum immerguntur: inuenient in Catholica Religione præsentissimum;



opportuniſſimúmque remedium: qui ſi potiùs obdu-  
rati hac tam illuſtri Catholicæ gloriæ Majeſtate ſuda-  
bunt, ſudent ſanè, modò ne nauſcent. Denique qui  
propria opinione inflati, ſui ſenſus peruicacia obſti-  
nati, erroris tetra caligine circumfuſi, diuturnæ affue-  
tudinis prauitate obdurati, maxima grauiffimorum  
ſclerum impunitate, horrendorum criminum licen-  
tia, conſcientiæ proiectæ, derelictæque inſenſili callo,  
iã non ſolùm perire dulce ducunt, ſed & alios in ruinã  
trahere honorificum, nigerrimę animæ, ingenia diui-  
no furori vindique obiecta, vaſa iuæ, Dẽmonũ deuota  
ludibria; egerant latè per viſcera gliſcens venenum tar-  
tareum; ne animum abijciant, tantum hauſtam è bara-  
tro ſuperbiam conſtanter eruẽtent, ſupercilium abij-  
ciant, atque hoc tantùm. ſemel ratiocinando quàm  
lentè, quàm ſolidè, quàm ſapienter, quàm diuinè Ca-  
tholica Eccleſia omnia prouideat, conſultet, decernat  
aggrediatur, exſequatur, adminiſtret, vel hac vna S.  
Franciſcę conſecratione, æquo iudicio ipſi aſſequan-  
tur; ſpondeo, iuróque matrem experientur, quam no-  
uercam tantopere exhorreſcunt: maiorum ſuorum  
pios manes exhilarabunt, quorum Religionem, aras,  
templa, ſacra, tumulos, familias iniultiſſimè ipſi, defe-  
ctione non obſcura, non ſolum temerarij, verùm im-  
pij, ac ſacrilegi deſertores abiecerunt: ſin ſuæ ceruicis  
mori obſtinauerint, mentemque ad omnia impene-  
trabilem obſtipauerint; interim ſtante, conualeſcen-  
te, florente, regnante, creſcente, triumphante, ſancta,  
inculpata, victrice, glorioſa, inuicta, æterna Religio-  
ne Catholica, tum ipſi interim fremant, crepent, ſub-  
ringantur, allatrent, & contabefcant magis. DIXI.



# EXTRAICT DV PRIVILEGE.

PAR grace & priuilege du Roy il est permis à M<sup>c</sup>. ANDRÉ VALLADIER, Docteur en Theologie, Protonotaire Apostolique, Conseiller, Aumosnier & Predicateur ordinaire de sa Majesté, de faire imprimer par tel Imprimeur & Libraire que bõ luy semblera vn liure intitulé *Speculũ Sapientia matronalis &c.* Et sont faictes deffences à tous autres Libraires & Imprimeurs de l'imprimer, ny exposer en vente durant dix années consecutives, sans le consentement dudit sieur Valladier; sur peine d'amende arbitraire, & de confiscation de tous les liures qui se trouueront imprimez. Voulant qu'estant mis le present extraict au commencement ou à la fin dudit liure, il soit tenu pour deuëment signifié, ainsi que plus au long le contiennent les lettres patentes sur ce données à Paris le sixiesme lanuier mil six cens neuf.

*Par le Roy en son Conseil*

PASTOUREL.

Nos infra scripti Doctores Sorbonæ Parisiensis perlegimus librum R. D. ANDRÆ VALLADERII, cui titulus est *Speculum Sapientie matronalis, &c.* nihilque in eo deprehendimus alienum à fide, aut bonis moribus, aut impediens quominus typis mandari possit Romæ 25. Iulij 1608.

F. IACOBVS LE BOSSV. LVDOVICVS DE CROEIL

## ERRATA.

<i>Errata</i>	<i>Corrige</i>	<i>Pagina.</i>
A Ssediffæ	Assedisse	5. A.
A Desfragante	Desfragante	9. A.
Dragones	Dracones	9. B.
Authenticè	Authenticè	12. B. & alibi sœpè
Lactæolum	Lactecolum	15. B.
Tum	Tam	19. B. ter.
Sub tegmine	Subtegmine	20. A.
Extrema	Extetna	20. A.
Frugalitem	Frugalitatem	25. A.
Oppetandam	Oppetendam	27. B.

<i>Errata.</i>	<i>Corrige.</i>	<i>Pagina.</i>
Præmonuit	Præmonuit	28.B
Necinopiniato	Necinopinato	30.B
Ingerato	Ingrato	37.B
Dicrees	Diceret	39.B
Auerruncanda	Auerruncanda	40.A
Lasseffere	Laceffere	42.A
Minora	Maiora	44.A
Visitata	Vsitata	44.B
Mentis	Meritis	53.B
Quæ tum	Qui tum	56.B
Ramusculos	Ramusculis	57.A
Tremendum	Tremendam	ibid.
Singulos	Singula	58.A
Antiquus	Antiquius	59.A
Locum eligunt	Locum exigunt	60.B
Dragenieta	Dragemata	74.A
Exaggerarenturque	Exaggerarentur	77.A
Stustio	Studio	80.A
Referrenti	Referrent;	83.A
Tu	Tum	90.A
Connestitæ	Conuestitæ	90.B
Præcis	Precisè	92.A
Frequenter	Frequentes	ibid.
Effigium	Effigiem	94.B
Flagellis	Elabellis	95.A
Iteratam	Iterata	98.A
Priscæ	Priscæ	101.A
Vindique	Vndique	102.B
Paribus	Partibus	Ep. Pont. Antep.
Sucurere	Succurrere	Ep. Cardin. penult.

# T A B V L A.

X. *A QVILA*, Paulus V. Pontifex Max. ad quem spectabat B. Franciscam inter Sanctos adscribere, quod alij Pontifices non potuerant. f. 80. quo loco illa narrantur.


1. Quinam alij Summi Pontifices hoc negotium, & quoties tentarint, nec perfecerint. 81. A. ubi de Illustriss. Cardinale Serafino breuiter.
2. Vita humana calamitosissima inconstantia ex occasione describitur. 83. B.

XI. *OMNIVM* ordinum ad pyram frequentia totam Consecrationis B. Franciscæ celebritatem & solemnem ritum representat, quæ in genere primum attingitur. f. 84. B. Deinde illa singillatim, pro uniuersa Canonizationis pompa, expediuntur.

1. Vltima Relatio, & supplicatio, primum ad Paulum V. Pont. Max. facta; & exacta, ac postrema à iudicibus habita de hoc negotio questio. f. 85. A.
2. Tria Consistoria ad rem denique decernendam indicta. 85. B.
3. Apparatus exterior huius celeberrimæ pompæ. 87. A. ubi describuntur. 1. locus celebritati destinatus Templum Principis Apostolorum Vaticanum. 2. cancelli ad turbas arcendas. 3. Theatra. 4. funalia. 5. extima ornamenta parietum, portarum, vexillorum, & alia.
4. Ipse ritus, & uniuersa ratio Canonizationis f. 92. B. Illaque speciatim commendatur. 1. vestis sacra magnificentia. 2. Celeberrima supplicatio ordinibus suis ob oculos subiecta. 3. Pont. Max ipsa consecrandi sacrosancta ceremonia. 4. Tota vrbe publica, & sumptuose postmodum habitæ gratulationes, & festi undique applausus.

XII. *PERORATIO* ad Catholica Ecclesiæ hostes ab errore, si fieri potest, reuocandos. f. 100. B.





AD LECTOREM S. BENEVOLAM.

**B**ENEVOLE, aut quicumque es, Lector, tu seu bene, seu malè velis (nam ita sunt humana, vt bonis mali malè velint, & malis etià boni benefaxint) promiscuè tibi hanc opellam effundo. Boni consule, si beneuolus es, sin maleuolus, abi malè. Tamen nobis ne office obsecro, nec de te vnquam, nec de publico, vel hîc, vel aliàs, male merentibus. Scio, & sentio qui peius faciunt, ignauum fuci pecus, quadâ prurigine mali ingenij, meliora arrodere malle quàm facere. Ego nec carpi, nec carpere iâ assineui sine scœnore. Audiverò: nihil moror porro istas noctuas, quæ magis plena luce cæcutiūt. Sancta ista sunt, & de Sancta; oblarrabunt. Quidlibet sanè modò ne mordeant. Quæ sancta illi non violant? Euangelium lacerent, Sacros Patres calcent, omnes superos cõspulent, omnia de Sanctis vbiuis, à quouis descripta vellicent, & nobis Panegyricè in argumento recenti exultatibus parcāt? Nec verèdum, nec oprandū, ac minus optādum etiam, quàm verendum. Sine mihi illas Cicadas obstrepere, constringemus. Non vereor vt sacra mea me præsente impunè profanent. Habeo vnde pruriginem illis abstergam. Si qui alij alienæ famæ prostituteores aliunde ebullient: si nostra, vel inficiatione obscurabunt, vel maleuolentia adulterabunt, vel ignorantia lancinabunt; primùm impensè mentientur, tum viriliter coërcebuntur: deinde opportunè castigabuntur. Iam experientia incudes sumus, malleos aspernamur, & rundimus: cautes euasimus, ridemus vndas, sistimus ventos: pleni spirituum. Deo spirante, plenis velis, duplicatis remis, valde serena securitate, ad Reipublicæ Christianæ obsequium, Regijs, atque Pontificijs auspicijs, nauigamus. Vos beneuoli, qui me iâ placido portu spectatis, fauete, adspirate, sulcipite: hîc nō nihil quo vtiliter pascatur animus deprehenderis; ego verò vestra beneuolentia immortaliter gloriosus, & tutus, magis seria, magisque negotiosa propediem elucubrabo. Ita valeas, ita prosperes, ita viuas, vti ego te colo, vti tute me amas, nec amplius, nec melius, amice, ac beneuole lector.





